



趙城縣廣勝寺

大宋新譯三藏聖教序

太宗神功聖德文武皇帝製

又

大矣哉我佛之教也化導羣迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀目歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常持四忍早悟三乘翻貝葉之真詮續人天之聖教芳猷重

續作聖教序

啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成郭礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教鼓而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方樹華雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如糜瑩燭火不足比之於皎日將微蠶量海未能窮盡於深淵者哉

繼作聖教序

真宗文明章聖元孝皇帝製

高明肇分三辰方乃序其次厚載初定萬彙於以發乎端清濁之體既彰

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化靈貊則萬邦輻湊躋烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新鷲嶺之苾芻仰歎由是三乘共貫四諦同圓盡苦空真正之言顯秘密精研之義讚相相乎實相論空空乎盡空華嚴之理合軌轍金像之教同規矩朕贊嗣不構恭臨寶圖常翼翼而撫嗣民每兢兢而守先訓以至釋典尤未精詳諒其幽深

曷能探測有譯經西域僧法賢奉章懇切致意專勤以先皇帝大闡真風高傳佛旨興前王之隆典振覺路之類綱欲旌天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖勿承慈誨奈夙乏通才焉窮乎法海之津涯莫造乎空門之闢域略敷大意以徇輿情蹄涔不足擬浴日之波尺筮豈能量昊天之星聊述短序以紀聖功者焉

佛說海意菩薩所問淨印法門經卷第一

譯經藏教天竺論師光覺大師聖沙門目 維摩耶奉 詔譯

如是我聞一時世尊住於如來神通境界大寶莊嚴最勝道場大菩薩宮中而彼道場皆是如來威神建立積集廣大勝福莊嚴圓滿廣大福智妙行現轉一切佛法勝報顯示如來無邊神變加持之力善入無礙境界大智一切見者生大喜悅入念慧行普徧運行無動妙智於無邊劫修集無

量眾功德聚而佛世尊現證諸法平等覺道轉妙法輪能善調伏無邊學眾已於諸法得大自在善知一切眾生心意及諸根性已能到於最上彼岸善斷一切種子習氣得無發悟佛身輕安是時與大苾芻之眾六百八十萬人俱皆住近心悉斷一切煩惱種習皆是如來法王之子能善出生諸無所得甚深法行身相端嚴威儀圓備作大福田正智具足復有無量無數不思議無等比不可說不可說諸大菩薩摩訶薩眾悉獲無所得菩薩智忍已超菩薩灌頂之位而能游戲無加行位菩薩神通得無盡陀羅尼及諸菩薩陀羅尼門於諸菩薩首楞嚴王三摩地中而得自在一切眾生歡喜樂見已得菩薩諸無礙解出生菩薩無發悟行深心安住殊妙莊嚴其名曰無盡藏菩薩摩訶薩無量慧菩薩摩訶薩無邊慧菩薩摩訶薩無緣觀菩薩摩訶薩常精進菩薩摩訶薩精進慧菩薩摩訶薩無斷辯才菩薩摩訶薩無著無畏積善菩薩摩訶

海華經卷之十一 第六段

薩畢竟義慧菩薩摩訶薩如是等無量無數不思議無等比不可說不可說諸大菩薩摩訶薩衆而共集會

尔時世尊以菩薩行位方便出生無障礙門甚深正法而用莊嚴諸菩薩道成辦一切佛法力無畏等眞實智行入一切法最上自在摠持印門入無礙解決定出生大神通智妙境界門宣示一切不退轉輪普攝諸乘住平等理混入法界無分別性隨諸衆生根性意樂開示演說隨知眞實決定正法破諸魔境以深固法理止息一切煩惱見等入無著慧宣說普徧廣大迴向善方便智入一切佛平等性智以無著加持法門如實決定宣說諸法於無分別非無分別悉入平等覺了甚深緣生之法積集無量福智妙行佛身語心平等莊嚴隨知一切念慧行等無盡慧門以四聖諦理顯示聲聞乘法以覺了身心智顯示緣覺乘法以得一切智灌頂顯示大乘之法入一切法自在理中出生如來無邊功德是故如來開示演說施

海華經卷之十一 第六段

設表了分別解釋顯明宣暢

尔時世尊將說如是廣大甚深決定法時忽然於此三千大千世界之中大水充滿猶如大海下至地界上至大寶莊嚴最勝道場又如劫壞水災現時一切三千大千世界大水充滿下至水輪混如一海今此大水亦復如是然此三千大千世界如是大水一切充滿其中國土城邑聚落及諸人民悉無所壞亦無障礙及閻浮提諸四大洲乃至大海須彌山等欲界諸天一切宮殿悉無少分損壞障礙先現如是相已後復於此大水之中出現俱胝那庾多百千廣大蓮花其花高顯瑠璃爲莖帝青爲枝閻浮檀金而爲其葉吉祥藏寶以爲其鬚馬瑙爲臺眞珠交絡一一花有無數俱胝多百千葉其葉量廣一俱盧舍是諸蓮花於大寶莊嚴最勝道場中涌現虛空高一多羅樹一切大衆坐蓮花上於蓮花中隨其色相放大光明是光普照十方無量阿僧祇佛刹此諸光明廣照耀時而此會中一切大

海華經卷之十一 第六段

衆歎未曾有合掌恭敬咸作是言今現如是希有瑞相將非世尊說妙法邪尔時慈氏菩薩摩訶薩見是廣大神變事已即於所坐蓮花臺上偏袒右肩右膝著地合掌向佛恭敬頂禮而白佛言世尊何故今時先現是相而此三千大千世界之中大水充滿混如一海其中復現俱胝那庾多百千蓮花高顯世尊昔所未聞昔所未見如是廣大希有神變願佛爲說

佛告慈氏菩薩言慈氏當知下方去此佛刹過十佛刹不可說俱胝那庾多百千微塵等數諸佛刹上有世界名無量功德寶無垢殊妙莊嚴彼土有佛號海勝持慧游戲出高神通如來應供正等正覺今現住彼說法教化彼有菩薩名曰海意與出過筭數諸大菩薩摩訶薩衆將同來此娑婆世界瞻禮恭敬供養於我又復於我所說法中而有所問以是因緣先現瑞相

尔時尊者舍利子白佛言世尊彼海意菩薩去此甚遠何故世尊說彼善

薩能聞此會佛說法邪佛言舍利子  
如汝今時於我前聞所說正法海意  
菩薩雖復住於彼世界中而能聞我  
所說之法亦復如是舍利子又如汝  
今現前觀我及諸大衆彼海意菩薩  
能見我身及諸大衆亦復如是舍利  
子言希有世尊諸菩薩摩訶薩所有  
神通智力不可思議而彼海意菩薩  
居于極速刹中能以無障礙眼見此  
色相無障礙耳聞此音聲世尊若有  
聞是諸菩薩摩訶薩不可思議功德  
威神者其誰不發阿耨多羅三藐三  
菩提心尊者舍利子作是說時二萬  
四千天子皆發阿耨多羅三藐三菩  
提心

於最高廣蓮花臺上師子座中安詳  
而坐餘諸菩薩亦各處于蓮花臺座  
下方世界無量無數諸佛刹中復有  
無量無數菩薩之衆隨從海意菩薩  
而來聽法是時大寶莊嚴最勝道場  
中所有十方世界普來集會一切菩  
薩摩訶薩衆皆悉處于蓮花臺座周  
匝充滿殊妙奇特而彼一切諸來大  
衆心生歡喜悉得清淨歡未曾有合  
掌頂禮彼諸菩薩時海意菩薩以彼  
無量功德寶無垢殊妙莊嚴世界之  
中諸勝妙花其花名爲無憂適悅愛  
樂喜見量廣一俱盧舍花有無數多  
百千葉隨其所應供養如來今諸菩  
薩一切見者深心無垢宿世善根悉  
得清淨是諸衆會皆生歡喜悅意愛  
樂花有光明復有妙香此諸勝花於  
世尊前作供養已復雨廣大殊妙花  
雨其一花可七人量徧布充滿大  
寶莊嚴最勝道場一切大衆悉得離  
生喜樂禪悅之味空中自然擊種種  
鼓鼓出微妙可愛之音一切大衆聞  
者悉得禪定妙樂

爾時海意菩薩摩訶薩作如是等供  
養事已從空而下頭面著地禮世尊  
足右繞七匝合掌恭敬住立佛前作  
是白言世尊海勝持慧遊戲出高神  
通如來問評世尊釋迦牟尼如來少  
病少惱起居輕利勢力安不得妙樂  
邪時彼同來一切菩薩悉從空下亦  
各頭面禮佛足已右繞七匝各各還  
復本座而坐

爾時此三千界有大梵王名大悲思  
惟居此梵世此四大洲無憂安隱忽  
然見是三千大千世界大水充滿混  
如一海復有俱胝那度多百千廣大  
蓮花高顯出現種種勝相及此道場  
菩薩充滿見是相已即自思惟劫火  
未然壞相安有大水充滿此復何緣  
將非如來神變力邪我今宜往問佛  
世尊此希有相何因何緣時大悲思  
惟大梵天王作是念已即與六萬八  
千梵衆隱于梵界恭敬圍繞來詣大  
寶莊嚴最勝道場佛世尊前住虛空  
中曲躬合掌頂禮世尊作是白言世  
尊何故今此三千大千世界大水充

滿混如一海復有俱毗那更多百千  
廣大蓮花高顯而出及諸菩薩大士  
皆悉處于蓮花座上而此三千大千  
世界一切國土城邑聚落諸人民眾  
及閻浮提四大洲等欲界天宮乃至  
大海須彌諸山悉無損壞亦無障礙  
如是等相甚為希有此何因緣復何  
神力願佛為說

尔時佛告大悲思惟梵天言大梵當  
知下方世界有佛刹名無量功德寶  
無垢殊妙莊嚴其佛世尊號海勝持  
慧遊戲出高神通如來彼有菩薩名  
曰海意與出過算數諸大菩薩摩訶  
薩眾而共來此娑婆世界瞻禮恭敬  
供養於我又復於此廣大集會正法  
之中而有所問是彼菩薩神通之力  
於此世界先現瑞相梵天白佛言世  
尊大集會中所有正法今尚說邪佛  
言大梵諸佛境界不可思議所有如  
來智慧辯才及威神力不應限量汝  
或見於如來默然勿謂無說而我常  
為十方世界所來菩薩廣大宣說決  
定正法

尔時大悲思惟大梵天王復白佛言  
世尊佛所說言現神變者海意菩薩  
其誰是邪佛言大梵今此會中有大  
蓮花廣十由旬花中有臺臺上復有  
眾寶莊嚴師子之座座中有一菩薩  
大士處于其上身真金色相好端嚴  
唯除如來餘諸菩薩所有身相皆能  
映攝有無數千菩薩之眾圍繞頂禮  
者汝可見不答言已見佛言大梵圓  
具如是神通相者即是海意菩薩是  
時大悲思惟梵天乃向海意菩薩恭  
敬頂禮已即白佛言世尊若有眾生  
得聞如是海意菩薩名字之者當知  
是人得大善利我於今日聞此菩薩  
大士名字得見菩薩如是色相深自  
欣慶使得善利梵天復白佛言世尊  
此大集會正法當住為久如邪佛言  
大梵今此正法隨佛壽量久近而住  
佛涅槃後有諸菩薩於此正法受持  
讀誦廣為他人開示演說何以故大  
梵所有過去未來現在世中諸佛菩  
提從此中出

尔時海意菩薩摩訶薩承佛神力普

為此會一切大眾生歡喜故及為大  
悲思惟大梵天王起信故復為莊  
嚴此正法故亦為顯示己之智慧辯  
才力故即時同彼高廣蓮花及師子  
座俱涌虛空高七多羅樹乃於空中  
說伽陀曰

下方過於塵數刹 有佛刹名功德嚴  
彼佛化主現居中 其名海勝神通慧  
刹中眾德皆圓具 菩薩依止無所畏  
其佛如來說法門 我等聞已能持受  
我等故來茲刹土 瞻仰敬禮十力尊  
其諸菩薩此所來 佛大牛王各伸問  
我今禮此法王已 亦禮無比佛大智  
所應供養隨所施 廣伸供養佛正覺  
若能觀佛色無色 離受離行亦離識  
三種領納此亦無 是中絜白常清淨  
若無色相及種好 是為正觀佛世尊  
慧眼清淨照法身 乃見無垢真實義  
若法無取亦無捨 二邊無我無我所  
安住內入性寂然 止息心外諸所取  
有無分別離分別 是心寂默如虛空  
即能供養諸世尊 於正法幢善建立  
若觀諸法猶如幻 此中施受二皆空

雖知造作本所無 亦不捨離於諸法  
而不決定求菩提 又不決定住生死  
亦無施者無慳心 遠離施中諸過失  
止息調寂身語心 隨行三業無逼惱  
除諸煩惱息燒然 利智諸根常寂靜  
雖知菩提無所得 不捨眾生住無我  
為度破戒諸眾生 修持廣大淨戒行  
覺了諸法剎那性 亦不為諸境所壞  
內心寂靜若虛空 外觀世間猶如幻  
節節支解於身分 亦復不起瞋恚心  
乃至坐樹成菩提 堅持忍行佛所說  
能觀諸法如水月 如泡如幻如陽燄  
了知無壽亦無人 及無摩拏縛迦等  
菩提眾生雖無得 為利佗故求菩提  
若聞此理怖不生 是中能發精進行  
若能於心無所著 乃於外境不生欺  
知佗眾生心所行 於三世中隨順轉  
令諸魔眾不能知 心之所行隨所轉  
到於彼岸善住心 圓滿禪定神通慧  
我聞諸佛所說法 隨所聞已能受持  
設經無邊劫數中 佛之辯才不能斷  
復於一切佛法中 眾生無墮亦無著  
具智慧藏有力尊 三界自在寂默者

能到所到二俱離 是中無去亦無來  
隨諸眾生心所行 所向無住亦無動  
雖到彼岸具眾德 亦於眾德無取相  
無比釋迦大牛王 是故我今伸頂禮  
如日清淨大明曜 能蔽螢光星宿光  
又如劫火映諸明 上騰梵世下至地  
復如須彌大山王 持地亦持諸山等  
釋迦牛王毫相中 最勝光明出三界  
十方一切菩薩眾 皆從百佛剎中來  
瞻佛色相及威光 一切皆生大歡喜  
隨諸眾生心意願 如來各各為開示  
我知如來大威神 故從本土來斯剎  
佛以一音演說法 隨諸眾生各知解  
乃至眾生老別音 如來普為隨宜說  
一切眾生意老別 如塵如沙尚可數  
牟尼種種妙音聲 量等虛空不可數  
虛空不能度其邊 眾生不能窮其數  
乃至生死先際中 亦復不能知其限  
虛空邊量眾生數 生死先際尚可知  
諸佛戒定慧境中 畢竟不能知少分  
眾生無量咸歸命 牛王法主人中尊  
多劫精修眾德嚴 色相邊際無比度  
我佛具大威神力 徧知眾生諸信解

見此希有難思尊 頂禮善調諸趣者

佛說海意菩薩所問淨印法門經卷第一

佛說海意菩薩所問淨印法門經卷第一

校勘記

- 一 底本，金藏廣勝寺本。
- 一 六七六頁中一行至次頁中一三行序文，南、經、清無。
- 一 六七七頁上二一行「嗣民」，磧、普、麗作「兆民」。
- 一 六七七頁中一四行經名，磧、普、南作「海意菩薩所問淨印法門經卷第一之二」；經、清作「海意菩薩所問淨印法門經卷第一」。
- 一 六七七頁中一五行譯者，磧、普作「中天竺三藏朝散大夫試鴻臚卿光梵大師賜紫惟淨共法護奉詔第四譯」；南作「中天竺三藏朝散大夫試鴻臚卿光梵大師賜紫惟淨共法護奉詔譯」；經作「宋中天竺三藏朝散大夫試鴻臚卿光梵大師賜紫惟淨共法護奉詔譯」；清作「宋中天竺三藏朝散大夫試鴻臚卿光梵大師賜紫惟淨共法護奉詔譯」。

卷三同。

- 一 六七七頁下一七行「歡喜」，經作「觀喜」。
- 一 六七九頁中三行「佛刹」，南作「佛土」。
- 一 六七九頁中八行第九字「彼」，清作「復」。
- 一 六八一頁中二行第八字「所」，磧、普、經、清作「是」。
- 一 六八一頁下卷末經名，磧、普、南、經、清無（未換卷）。



佛說海意菩薩所問淨印法門經卷第二

釋尊於大光明藏中說此經

今時海意菩薩摩訶薩說是如陀已  
從空而下向佛合掌恭敬頂禮前白  
佛言世尊我於如來應供正等正覺  
今有所問若佛世尊聽許我者我即  
當問佛告海意菩薩言善男子恣汝  
所問如來應供正等正覺隨有疑者  
一一能為宣示演說令心開曉海意  
菩薩乃白佛言世尊我先聞有諸菩  
薩自說淨印三摩地法門若有菩薩  
摩訶薩住是三摩地者而能速證阿  
耨多羅三藐三菩提菩薩應當云何  
獲得如是淨印三摩地門又復以何  
行相名為自說云何是淨印何能得  
入彼境界門又諸菩薩若得聞是三  
摩地已云何速證阿耨多羅三藐三  
菩提唯願世尊善為宣說  
今時佛告海意菩薩摩訶薩言善哉  
善哉善哉大士今汝所問極為善善  
善男子汝應專一深固作意諦聽諦  
受今為汝說若諸菩薩得是自說淨  
印三摩地者即能速證阿耨多羅三

藐三菩提海意菩薩白佛言唯然世  
尊願樂欲聞於是海意菩薩受教而  
聽佛言海意若有菩薩於諸善根發  
勤精進善心具足住正定聚於生死  
中能以利根積集諸善為善知識之  
所攝受諸佛威神之所建立因力具  
足常當親近諸佛世尊尊重恭敬以  
妙香花塗香抹香花鬘衣服繒蓋幢  
幡而供養之若復得見諸佛如來具  
足相已或聞正法美妙言已或見圓  
滿清淨眾已又復得聞無礙之智或  
見如來神境智通或見如來調伏眾  
生諸變化事或教誡神變或讚歎神  
變如是見已於眾所常以大悲發  
阿耨多羅三藐三菩提心起大精進  
勤求善法於一切智心而不忘失以  
相應行清淨初心初心淨已即得清  
淨彼三摩地海意譬如種性所出大  
摩尼寶善治寶人授其掌中妙巧修  
治復加磨瑩乃至其寶得清淨已彼  
治寶人即自說言此摩尼寶去除虛  
假離諸瑕瑩是為清淨大摩尼寶諸  
有智者共所愛樂海意從菩薩種性

法華經疏論卷第二 第三段

發一切智心寶亦復如是畢竟能成  
 阿耨多羅三藐三菩提故由彼菩薩  
 初以宿世善根及現聞善法而用磨  
 治彼一切智心寶乃至是寶去除意  
 中諸虛假法遠離過失十方三世諸  
 佛世尊共所愛樂而彼菩薩乃可自  
 說獲得淨印三摩地門海意又如清  
 淨大摩尼寶離九種寶性何等為九  
 一者金性二者銀性三者頗胝迦性  
 四者吠瑠璃性五者馬瑙性六者珊  
 瑚性七者赤珠性八者鷄薩梨寶性  
 九者吉祥藏寶性離如是等九種寶  
 性已乃名悅意清淨光明大摩尼寶  
 最勝無價轉輪聖王之所受用乃非  
 餘王而受用之又彼大摩尼寶光明  
 殊妙亦非餘寶光明等比海意諸菩  
 薩一切智心寶亦復如是而能超越  
 九種寶性何等為九一者異生性善  
 寶性二者隨信行人寶性三者隨法  
 行人寶性四者無相行寶性五者須  
 陀洹寶性六者斯陀含寶性七者阿  
 那含寶性八者阿羅漢寶性九者緣  
 覺寶性超越如是九寶性已第十乃

法華經疏論卷第二 第四段

名一切諸佛共所持深心堅固大  
 悲寶性菩薩如是磨治所發一切智  
 心寶時超勝一切聲聞緣覺而能照  
 明一切眾生相續種子海意又如真  
 寶大摩尼寶而能容受磨治堪任摧  
 壓穿亦不壞彼摩尼寶能於世間善  
 所作用為諸眾生施作福事菩薩久  
 植諸善根者亦復如是而彼所發一  
 切智心寶容受磨治堪任摧壓穿亦  
 不壞是寶真實離諸過失而彼一切  
 智心寶能為一切眾生作大饒益  
 復次海意云何是為能善磨治一切  
 智心寶所謂先當具修三戒淨十善  
 業慈心隨轉故以清淨心觀現一切  
 眾生悲心隨轉故隨諸眾生何所作  
 事皆往營助喜心隨轉故一切眾生  
 諸有善法悉為成辦捨心隨轉故於  
 一切眾生而無損害無諂誑故其心  
 正直無怠愷故於利益事深心勤行  
 心自在故即能發起一切善根得正  
 念正知善伏心故其心調暢常少欲  
 故能徧修頭陀功德能善資養生  
 喜足故即不斷聖種於師尊聖賢之

法華經疏論卷第二 第五段

所不生悔慢故即能謙下常起恭敬  
 心安定故能離我慢及增上慢無濁  
 亂故無不清淨心不恃已故能知自  
 行不毀佗故能護眾生離增上慢故  
 能親近正法隨授法藥於諸義中能  
 領解故是求法者於諸法中初淺文  
 深漸增廣故能具法欲修無諍行故  
 即常得法樂遠離非法故能勤求正  
 法於三寶中常慚愧故能不斷淨信  
 信業報故於一切善法中如理作意  
 修正行故於威儀道隱密寂靜心不  
 高故而常柔軟勤行奢摩佗故能離  
 掉舉慧善安住故無毀無譽安然不  
 動故心如山王能離高下諸對礙故  
 其心如地內意清淨故其心如無  
 異想故其心如火無繫著故其心如  
 風妙無垢故心如虛空勤求出家故  
 能令佛眼永不喪失身能離故樂修  
 寂靜之行心能離故常修正法之行  
 於諸所行不為塵境之所盜故說真  
 實語善願昭明故如說能行不為煩  
 惱所摧伏故心常清淨畢竟無破壞  
 故能修集淨戒乃至小罪猶懷懼故

即能於戒無缺無壞不為求生天故  
於戒不斷純一潔白行故戒無濁染  
常能親近善知識故而得開明大菩  
提道眼清淨故得無礙光耳清淨故  
得無礙聲鼻清淨故得無礙香舌清  
淨故得無礙味身清淨故得無礙觸  
意清淨故得無礙法復次海意菩薩  
若欲離貪結者應當常修不淨之觀  
欲離瞋結修慈心觀欲離癡結修緣  
生觀欲除五蓋善觀五根欲拔諸障  
清淨五力欲蠲現起諸煩惱故於出  
離道應常清淨修正行故能離貪瞋  
癡慢等怖無慳心故能行法施無怯  
攝故能行財施大善提心常堅固故  
不樂餘乘之法內心寂靜故能隱密  
諸根外境寂靜故善觀諸過失於生  
死中常怖畏故不作諸罪心無懈倦  
故積集善根而無厭足為渡四流故  
常善修治大乘法船為令眾生到彼  
岸故善作橋梁善修常以不懈退心  
拔諸眾生出生死泥到安隱處海意  
菩薩若能具修如是諸行相者即得  
圓滿布施之行亦能清淨持戒之行

此為善薩能善磨治所發一切智心寶  
今時世尊重說頌曰

先當善戒身語心 防護十種清淨業  
慈心觀視諸眾生 一切智心此磨瑩  
悲心助管他所作 喜心佗法為成辦  
捨心不害諸眾生 一切智心此磨瑩  
無誚誑故心常正 止罪能修利益事  
深心增長諸善根 一切智心此磨瑩  
心自在故念正知 善伏心故心調暢  
少欲能修頭陀因 一切智心此磨瑩  
喜足善行於聖種 復常恭敬於師尊  
而能不生輕侮心 我慢邪慢皆遠離  
定心不起增上慢 無濁亂故心清淨  
不恃已故自了知 不毀佗故為佗護  
親近深固妙法藥 離增上慢治諸病  
希法名為求法人 勤求法乃具法欲  
修無諍行名樂法 離非法故能求法  
不壞三寶具信心 一切智心此磨瑩  
於不善中心懷愧 於諸如來起慚心  
慚愧具足護諸根 一切智心此磨瑩  
明了業報勝所作 信解不著邊執心  
於緣生法不相違 一切智心此磨瑩  
善護威儀修正行 心無高故常柔輭

善薩所問經卷第二 第八

掉舉不生止行修 一切智心此磨瑩  
慧善住故無毀譽 安然眾觀如山王  
堅固願中無退心 一切智心此磨瑩  
苦樂無動心如地 意淨如水滌塵勞  
心如虛空妙無垢 勤求出家佛眼明  
身離能修寂靜心 心離常依正法行  
所行常說真實語 如說能行誓願明  
清淨不為染所摧 無破毀故修戒行  
於戒無缺亦無壞 小罪能懷大懼心  
護戒亦不求生天 戒常潔白無濁染  
常能親近善知識 悉為開明善提心  
無礙光明照世間 斯由獲得清淨眼  
智者隨聞種種聲 不生忻樂不生厭  
一切聲中表義無 斯由獲得清淨耳  
鼻香舌味皆如是 身觸意法亦復然  
觸等高下想不生 斯由獲得諸根淨  
欲離貪染及瞋癡 當修不淨慈心觀  
於緣生法復善修 一切智心此磨瑩  
若欲除去五種蓋 應當善觀於五根  
欲拔諸障之所纏 善住清淨於五力  
知出離道除現障 離不深固住深固  
於四念處常勤修 正斷神足亦如是

法華經疏證卷第二

第九

又

復常增進七覺分 聖八正道亦增修  
 無貪無瞋怖不生 善護諸根離癡結  
 無慳能行於法施 不生鄙吝愛護心  
 於財無攝常施佗 彼善提心此成就  
 於諸財寶無希取 不捨善提不求報  
 為攝眾生故常行 布施愛語利同事  
 於善提心不捨離 亦不愛樂於餘乘  
 隨觀如來功德門 如須彌山心堅固  
 內心寂靜省已過 外護佗非不譏毀  
 諸所作中離瑕疵 怖生死故不造罪  
 勤行善法無懈倦 嚴淨佛土不疲勞  
 護法不生滅失心 度脫眾生無遺墮  
 常勤修治大法船 濟渡四流生死海  
 復為橋梁接眾生 引到涅槃安隱地  
 拔眾生出深淤泥 致於清絜無畏處  
 怖畏眾生施慰安 自渡渡佗到彼岸  
 若於此法善成就 即諸菩薩大無畏  
 彼能常淨善提心 諸煩惱垢不能染  
 虛空無垢尚能染 空中鳥跡尚可見  
 煩惱不染善提心 自性本來常清淨  
 復次海意云何是為菩薩於其所發  
 一切智心寶堪任摧壓又復何謂摧  
 壓行相海意若此菩薩於其一切智

法華經疏證卷第二

第十

心寶中或有破戒不可意人或復諸  
 魔或魔徒眾或魔力所加魔宮賢聖  
 或魔使者固來燒惱振擊動搖期剋  
 打擲當於今時菩薩堅固大善提心  
 令無所壞亦復不壞度脫一切眾生  
 大悲精進亦復不壞勤力護持今三  
 寶種不斷不絕亦復不壞諸佛法中  
 勤行積集一切善根亦復不壞為成  
 辦相好故積修福行亦復不壞為嚴  
 淨佛土故勇力增進亦復不壞為護  
 正法故不惜身命亦復不壞普為度  
 脫諸眾生故不著已樂菩薩若能如  
 是深心具足起如是意乃能於彼諸  
 眾生所或遇瞋恚打擲罵辱譏毀之  
 者菩薩今時悉能忍受或為一切眾  
 生之所摧壓亦悉堪任以其菩薩普  
 為救度一切眾生不疲不懈不還不  
 沒增發勢力勇起精進捍勞忍苦攝  
 受心故若有佗人固來起瞋菩薩今  
 時不以瞋對佗來打擲或復破毀善  
 薩今時皆不以對作是思惟我今應  
 被大乘忍鎧何以故此大乘法與諸  
 世間極相違故世間眾生順生死流

法華經疏證卷第二

第十一

我大乘法逆生死流世間眾生互相  
 違背我大乘法令諸眾生斷相違故  
 世間眾生瞋恚熾盛我大乘法忍力  
 增強世間眾生互相欺誑我大乘法  
 令諸眾生慧心圓滿又復世間或有  
 眾生周行十方執持器仗隨逐菩薩  
 於諸方處若行若住若坐若卧或有  
 一人發大善提心者或修布施心者  
 或修持戒忍辱精進禪定智慧心者  
 乃至或聞發一善根心者我當隨於  
 彼彼方處斷割其身節節支解猶如  
 棗葉菩薩設遇如是等事悉能堪忍  
 又若世間一切眾生皆起瞋恚巧出  
 惡言罵辱譏毀菩薩今時於諸眾生  
 不起少分燒動之心所以者何今我  
 此身於無量無數生死之中先際已  
 來徧歷諸趣無所不作或在地獄或  
 在餓鬼畜生等趣乃至今在人趣之  
 中耽味飲食諸欲受用聽受非法艱  
 苦追求邪命資養多種逼迫於己身  
 命都無果利雖復多所營作不能自  
 利亦不利佗是故我今乃至生死後  
 際之中設使一切眾生於我身分斷

割支解寧受眾苦我終不捨一切智  
心亦復不捨一切眾生亦復不捨諸  
善法欲何以故今我此身多種逼惱  
苦切殘毀比地獄中所受之苦百分  
千分乃至優波尼殺曇分皆不及一  
是故我於佛法之中永不捨離亦復  
不捨度脫眾生所緣大悲何以故如  
佛所說一切善法多諸障難世間眾  
生多於不善法中而能營助少能營  
助於諸善法是故我今於善法中發  
勤精進營助修習非於不善法中而  
助其力故我於彼一切眾生瞋恚等  
事悉能堪忍若諸眾生隨所起事我  
即旋當施所對治若有眾生於我起  
瞋加復嫌恨我即施其辱忍之法由  
我施彼忍辱法已忍力現故我於彼  
所寧捨身命終不起瞋是故善薩若  
如是修即不難得阿耨多羅三藐二  
菩提果又復若時或以因緣瞋恚起  
時善薩當念我起斷瞋之法斷法去  
何謂若愛樂於身若繫屬身若取著  
身如是等法皆悉捨離由能如是棄  
捨身故瞋恚不起海意善薩若於如

是等法能善思惟勤修習者即能堪  
任一切眾生之所摧壓於一切智心  
不壞不失海意當知堪任摧壓者其  
三種一者堪任摧壓於身二者堪任  
摧壓於語三者堪任摧壓於心

佛說海意善薩所問淨印法門經卷第二

佛說海意善薩所問淨印法門經卷第二

校勘記

- 一 底本，金藏廣勝寺本。
- 一 六八三頁中一行經名、二行譯者，  
[疏、普、南、經、清無（未換卷）。
- 一 六八三頁下二二行第五字「豎」，  
[疏、普、南、經、清作「豎」。
- 一 六八四頁中二二行第四字「偏」，  
[疏、普、清作「偏」。
- 一 六八五頁上三行第一一字「開」，  
[經作「開」。

一 六八五頁下一行第五字「止」，[南、

[經、清作「正」。

一 六八五頁下一〇行第一一字「懷」，  
[疏、普、南、經、清作「壞」。

一 六八六頁上一三行第二字「勤」，  
[經作「行」。

一 六八六頁中三行第一一字「勤」，  
[經作「勤」。

一 六八六頁中一行第九字「固」，  
[疏、普、南、經作「故」。

一 六八七頁上四行第五字「比」，[南、  
[經、清作「此」。

一 六八七頁上一五行「辱忍」，[疏、普、  
[南、經、清作「忍辱」。

一 六八七頁上一八行末字「二」，[疏、  
[普、南、經、清、麗作「三」。

一 六八七頁上一九行「若時」，[經作  
「若是」。

一 六八七頁中卷末經名，[疏、普、南  
作「海意善薩所問淨印法門經卷  
第二」；[經、清作「海意善薩所問  
淨印法門經卷第一」。

佛說海意菩薩所問淨印法門經卷第三

海意菩薩所問淨印法門經卷第三

復次海意云何是為菩薩堪任推壓於身謂若菩薩或過身分欲斷壞時菩薩應當依法觀察餘諸眾生又若有具善巧方便菩薩即能修行圓滿六波羅蜜何等行相是為善巧方便菩薩圓滿六波羅蜜所謂菩薩或過己身欲斷壞時若不惜其身棄捨其身亦不愛樂此即能修施波羅蜜又復若過身欲壞時於一切眾生起大慈心而不棄捨此即能修戒波羅蜜又復若過身欲壞時菩薩為度一切眾生故設身斷壞堪任忍受其心不動忍力發現此即能修忍波羅蜜又復若過身欲壞時不捨一切智心發大精進勇力攝受於生死中起諸善根此即能修精進波羅蜜又復若過身欲壞時於其所發一切智心實而不棄捨當善伺察大喜提心如是何察內外寂靜此即能修定波羅蜜又復若過身欲壞時菩薩應當伺察其身猶如草木土石等類悟了己身不

海意菩薩所問淨印法門經卷第三

實如幻如實義者諸行無常諸行是苦諸法無我涅槃寂靜若能如是諦察其身此即能修慧波羅蜜如是行相是為菩薩修行圓滿六波羅蜜乃得不退轉於大乘之法此等名為菩薩堪任推壓於身

復次海意云何是為菩薩堪任推壓於語謂若菩薩或有人來若虛若實惡言譏毀瞋恚罵辱菩薩今時堪任忍受不起瞋恚斷彼怨縛又若有具善巧方便菩薩或過他來惡言譏毀罵辱之時菩薩聞已應當修行圓滿六波羅蜜何等行相是為善巧方便菩薩圓滿六波羅蜜所謂菩薩或過他來惡言譏毀罵辱之時菩薩聞已即作是念此人先世造慳吝因由如是故慳吝垢染今所發現亦復不曾親近善友是故此人不捨於瞋我今為說斷瞋之法何以故我能信解施捨法故不慳吝故亦曾親近諸善知識是故我今護其惡語捨離瞋恚此即能修施波羅蜜又復他來譏毀罵辱菩薩今時即作是念此人破戒惡

業發現故來瞋恚罵辱於我我今修集清淨禁戒故我於彼不生瞋恚我復守護善提心故念業報故此即能修戒波羅蜜又復他來譏毀罵辱菩薩今時即作是念此人曠猛過失多所瞋恚故來譏毀罵辱於我我今具其忍辱之力廣修慈行故我於彼不生瞋恚此即能修忍波羅蜜又復他來譏毀罵辱菩薩今時即作是念此人懈怠遠離善法故來於我瞋恚罵辱今我發起廣大精進勤行修習植諸善本曾無厭足我願此人先得坐於菩提道場我乃最後取證阿耨多羅三藐三菩提果若被如是精進鎧者此即能修精進波羅蜜又復他來譏毀罵辱菩薩今時即作是念此人失念復不正知而亦不能止息煩惱故來於我瞋恚罵辱今我止息煩惱正念正知專注一境復不忘失大喜提心我今應為此等眾生不調伏者不寂靜者不護諸根者不止息者作利益故被大乘鎧若能如是安定心者此即能修定波羅蜜又復他來譏

毀罵辱菩薩亦時即作是念此人執  
著我相情見有所得境故來於我譏  
毀罵辱今我依法於已起瞋若未起  
瞋二種之中如實伺察瞋者瞋法皆  
不可得如理推求若自若他而悉遠  
離有所得見故能堪任此即能修慧  
波羅蜜海意如是行相是為善巧方  
便菩薩修行圓滿六波羅蜜乃得不  
退轉於大乘之法此等名為菩薩堪  
任摧壓於語

復次海意云何是為菩薩堪任摧壓  
於心謂若菩薩遇諸魔來相燒壞時  
菩薩應當堅固不動大善提心又復  
一切邪異之語以有所得有所著相  
來相燒時亦應如實安住內心於一  
切智心勿當忘失何以故彼魔有大  
威力乃至最後變佛形像來現汝前  
作如是言汝於大乘法中何有力量  
汝宜棄捨如是重擔止息所行勤苦  
精進善提難得佛法難得於生死中  
徒歷多苦今汝大士若欲息其苦者  
宜速取證聲聞涅槃若諸菩薩或遇  
魔來以如是相固燒壞時當被如先

堅固之鎧不應棄捨亦當內心無動  
無壞若如是者即於無等事心不能  
滅沒菩薩亦時乃作是念我當決定  
詣善提場我當決定以大智力摧魔  
軍已然後取證阿耨多羅三藐三菩  
提果我當決定轉妙法輪我當決定  
普於三千大千世界說廣大法我當  
邀以一切眾生普與法施悉令滿足  
一切諸佛以陀心智照明於我一切  
賢聖證知我此大善提心實能堪任  
諸所摧壓我不虛誑一切諸佛一切  
賢聖一切眾生乃至亦不自為虛誑  
海意若諸菩薩如是修者即能堪任  
摧壓於心乃得不退轉於大乘之法  
此等行相是為菩薩於其所發一切  
智心實堪任摧壓若於忍辱波羅蜜  
被堅固鎧即於精進波羅蜜而不懈  
退若復此二波羅蜜中能圓滿者是  
即菩薩摩訶薩於一切智心實堪任  
摧壓

爾時世尊重說頌曰

大善提道心不壞 亦復不壞大悲心  
於三寶中善護持 積集佛法亦無失

三十二相八十好 十力莊嚴妙相身  
多種修作福智圓 堪任摧壓故無退  
佛土功德無邊量 我願力故悉嚴淨  
法寶無上最勝門 我願堅固常守護  
多百眾生無邊際 我願普令得度脫  
內心不壞利樂因 是故堪任於摧壓  
所有十方世界中 乃至無邊眾界  
普盡一切諸眾生 各執器仗來逼惱  
作大恐怖生瞋恚 如是期刺而打擲  
菩薩為修功德因 起勇勝心能堪忍  
經歷無邊多百劫 從本生死先際來  
眾生惡言罵辱時 彼菩薩心無惱害  
為大智故能堪忍 不生忿怒不生瞋  
如是摧壓隨了知 故能忍受得清淨  
又復普盡諸眾生 各執器仗來加害  
於我身分悉支離 乃至分段而破折  
菩薩亦時心無動 不生少分瞋恚心  
大善提意堅固持 堪任摧壓此清淨  
菩薩若行若復住 坐卧威儀陀所隨  
於中伺求或有人 大善提心不捨者  
或行布施等諸行 或復發起餘善心  
即當斷割彼人身 節節支解而離散  
菩薩設遇此苦時 亦於此人心生喜

思念無邊百劫來

徧歷諸趣靡不作

地獄鬼畜三塗界

身雖破壞果利無

今我雖得於人身

若比阿鼻地獄中

我寧處彼地獄中

佛及正法與眾生

我觀此身無常法

四界虛假共合成

我若棄捨於此身

彼煩惱毒欲消除

今我此身處世間

為求身諸安樂緣

我若棄捨於此身

若能解入此思惟

世間眾生多百千

少人能於善法中

故我於諸不善法

我當助修忍辱門

所有十方一切佛

如我所起決定心

彼大威力諸賢聖

我所堪任摧壓日

如佛所說身語意

此三摧壓有多種

彼彼勇猛悉堪任

是身具有多種苦

於如是苦若堪任

若身遭苦而離散

六波羅蜜若圓成

所謂布施及持戒

最勝慧等若同修

或時若能棄捨身

介時應當如是修

若於眾生廣行慈

現證菩提攝受因

其身設欲斷壞時

由斯忍力若勤行

精進重擔荷無倦

身雖破壞力堅持

其身設欲斷壞時

於諸煩惱塵暗中

為修禪定解脫力

昔今眾生得離塵

我觀此身實無我

作者受者二俱無

於身觀苦纏縛中

到勝彼岸自佗圓

圓滿勝慧波羅蜜

若能於此深固法

彼能堪任摧壓身

菩薩若時聞惡言

聞已不生瞋恚心

棄捨瞋恚諸過失

慈心廣大普運行

忍力發現彼對治

數起精進佛智求

於諸境中定其心

了不可得諸音聲

菩薩聞諸惡言已

堪任摧壓於語言

假使百千諸魔眾

勸令棄捨方便修

菩薩介時心不動

是故堪任摧壓心

忍辱精進此二行

諸所摧壓悉堪任

磨治心寶摧壓者

得見現證菩提尊

復次海意云何是

一切智心寶穿亦

不壞謂若菩薩於

如來十力悉能知

亦復得受成佛記

彼一切智心無所領納無所依著亦無所住不出不入無戲論無分別壞諸分別無所安立當以正智於甚深法如實伺察何等是為彼甚深法所謂隨順緣生之法如實覺了無因所緣不斷不常遠離邊見自性無我我無自性故一切法亦無自性諸法本來生無所生解了於空信順無相無願無求於真實慧無所造作畢竟無常色如聚沫受如浮泡想如陽燄行如芭蕉識如幻法諸界無所動諸入互相生心無所住亦無作意於增上所作非增上所作於平等法如實覺了無種種行相等同一味而悉同住一乘之道修修行智依於勝義以智了知於義無著彼一切聲悟入非聲智知一切聲前後際斷故文義二種智入無二現證諸法不可說義無我義是苦智畢竟義是集智不和合義是滅智有為無為平等悟入是道智離前後際是身念處生滅無住是受念處觀無所緣是心念處法界非界性平等平等義是法念處心自在義

是四正斷離諸障礙是四神足出生義是信根無念是精進根無作意是念根超越戲論是定根無佗信是慧根所緣無障礙是信力通達諸力是精進力心止息住是念力無所動轉是定力於念隨念是慧力於一切法平等相應是念覺分不出不入是擇法覺分無我所是精進覺分身心善住是喜覺分平等覺悟是輕安覺分離二法是定覺分遠離諸見是捨覺分一切分別無分別中離諸徧計是正見一切音聲平等悟入是正思惟離身心法是正語一切所作悉得輕安名為正業無高無下是正命若善不善隨施設已平等而住是正勤於心所緣平等悟入是正念寂靜安住妙奢摩佗是正定於見非見而悉清淨無所生義是無常義本來不生義是苦義無所行義是無我義止息義是寂滅義善調伏心是布施義住清涼性是持戒義隨知盡法是忍辱義於一切法能善決擇是精進義止息內心是禪定義如實了知諸法無相

是勝慧義一切衆生本來清淨是慈義與虛空等是悲義喜無所得是喜義一切發行皆悉究竟是捨義一切諸法先際已來三輪清淨是空義後際清淨是離義現在清淨是無我義海意若諸菩薩於如是等諸甚深法無起無滅離諸文字與虛空等於順於違智入平等若能如是思惟觀察如實所行而彼菩薩即能於其所發一切智心實穿亦不壞雖復如是穿彼一切智心而無發悟即於諸法自在理中乃能現證海意譬如日月各處自宮於四大洲周徧普照而彼日月天子都無發悟亦不作是念我能徃諸方處或復不徃而為照耀但由一切衆生福果報力照明如是海意彼具善決擇智菩薩亦復如是雖於無量諸佛剎中廣為衆生作大利益而彼菩薩都無發悟未嘗數起諸作意想然彼所作隨應發現復大海意若具決擇智菩薩應於定波羅蜜及慧波羅蜜中如理伺察何以故住等引心菩薩不修觀法修觀

佛說海意菩薩所問淨印法門經卷第三 第十一

行菩薩不住等引心若復修觀行者  
彼即有慧由有慧故能善觀察何所  
觀察所謂觀於諸法實相云何是為  
諸法實相若於諸相而無所行此即  
是為諸法實相何等是諸法相謂有  
所表即諸法相如是表中如實之相  
此亦說名諸法實相若復如是一切  
了知即能悟達無相無相何者是  
相何者是無相相即是生無相是滅  
若無相無相即無生亦無滅若法  
無生亦無滅者即諸法性本來常住  
法界無壞真如無動實際不變如是  
法性此即說名如實解了緣生之法  
覺悟諸法真實之相現證實際無二  
真理如是乃以現量智知海意此即  
名為具波擇智菩薩摩訶薩當佛世  
尊宣說如是容受磨治堪任摧壓穿  
亦不壞法時此會中有十那由多天  
人悉發阿耨多羅三藐三菩提心萬  
六千菩薩皆得無生法忍

佛說海意菩薩所問淨印法門經卷第三

佛說海意菩薩所問淨印法門經卷第三

校勘記

- 一 底本，麗藏本。金藏廣勝寺本原  
版多所殘缺，今採用其中可用者  
數版，即六九〇頁下五行至次頁  
上一六行、六九一頁中三行至次  
頁上末行。
- 一 六八八頁上一行經名，**磧**、**普**、**南**  
作「海意菩薩所問淨印法門經卷  
第三之四」；**徑**、**清**作「海意菩薩  
所問淨印法門經卷第二」。
- 一 六八八頁下一九行「正念」，**磧**、**普**、  
**南**作「止念」。
- 一 六八九頁上末行第七字「固」，**磧**、  
**普**、**南**、**徑**、**清**作「故」。
- 一 六八九頁下二行第五字「福」，**磧**、  
**普**、**南**、**徑**、**清**作「禮」。
- 一 六八九頁下一六行末字「拆」，**徑**、  
**清**作「析」。
- 一 六九〇頁上三行第六字「利」，**磧**、  
**普**、**南**、**徑**、**清**作「不」。

一 六九〇頁中四行第八字「此」，**徑**  
作「能」。

一 六九〇頁下一四行「百千」，**磧**、**普**、  
**南**、**徑**、**清**作「百年」。

一 六九二頁上末行經名，**磧**、**普**、**南**、  
**徑**、**清**無。（未換卷）。



佛說海意菩薩所問淨印法門經卷第四

吳郡三城明教寺大德僧人法苑珠林卷第四 廣等奉 記

爾時世尊重說頌曰

菩薩若聞菩提心 乃能貫穿一切法  
 即此所有貫穿智 於諸法中無所著  
 雖復了知甚深法 菩薩於中不生怖  
 而亦不起恐怯心 彼能獲得最勝道  
 諸法若因若所緣 如實覺了緣生法  
 有慧隨順諸法生 而實不執於邊見  
 諸法若斷若常中 智者不生於著礙  
 覺了中際亦復然 是故實際不思議  
 若法自性本無我 是中我亦無自性  
 諸法無性亦復然 本來不生皆空寂  
 諸法無生亦無起 空無所取常清淨  
 遠離戲論無相門 一切皆與虛空等  
 無心亦復無求願 遠離一切諸欲貪  
 現觀諸色自性中 其猶聚沫知無實  
 受如浮泡暫起滅 想如陽燄妄相生  
 行如芭蕉中不堅 識如幻法非久固  
 所有四界性無動 與彼虛空界同等  
 內外諸入亦復然 境互相生而冥默  
 應知心法不在內 亦非於外有所得  
 意法無我亦復然 是中諸識皆無住

此經所問淨印法門 經卷第四

彼一切法無作意 而亦遠離於我相  
 於一切法平等中 如實覺了於正性  
 法本一味無異性 一道一乘皆同等  
 道智如實若了知 此義顯示於勝義  
 智者於義能悟入 觀聲非聲能覺了  
 世間所有一切聲 前際後際二俱斷  
 若文若義雖善解 於中了知無二法  
 解此不可說義門 即能現證真實性  
 諸法不生是苦智 諸法平等是集智  
 諸法盡義是滅智 諸法無為是道智  
 於彼身受心法中 如理隨觀一一法  
 無念復無作意行 此說是為四念處  
 若觀法界非界性 平等正盡而平等  
 無斷之斷正法門 此說是為四正斷  
 於心若得大自在 此說是為四神足  
 超越一切有著心 此即是名為信根  
 若於一切法寂靜 此說名為精進根  
 無念之念正法門 此說是名為念根  
 若了諸法無作意 此說是名為定根  
 超越諸法戲論門 此說是名為慧根  
 若法不起於他信 即能獲得真實智  
 於心亦無所覺知 此名信力精進力  
 若了無生無滅智 此即是名為念力

法華經疏 卷第三

寂定於心無所行 此即定力得成就  
 非有非離於分別 此即是名為慧力  
 諸法義中實覺知 此說是為七覺分  
 於法平等無差別 此說是名為正見  
 無二法中如實觀 無生是觀諸正道  
 無生是為無常義 無起是名為苦義  
 無行是名無我義 止息句是寂靜義  
 調伏心即是布施 寂靜心即是持戒  
 盡法隨向是忍門 正慧伺察名精進  
 畢竟寂止是禪定 如實了知是為慧  
 眾生本來清淨心 了知此說名為慈  
 與虛空等名為悲 清淨適悅是為喜  
 一切所緣無住心 此說是名為捨行  
 若復三輪得清淨 即能了知一切法  
 如是貫穿諸法門 而復永斷諸見執  
 此中所有定及慧 即此二法能貫穿  
 徧入無量境界門 此說是名正法智  
 尔時世尊復告海意菩薩摩訶薩言  
 海意若菩薩得如是淨徧淨已於一  
 切眾生所起無虛假意若為眾生之  
 所摧壓不生逼惱及諸障礙得善覺  
 了智得決定慧而彼菩薩即能於此  
 自說淨印三摩地根本無住中住云

法華經疏 卷第四

何是為安住三摩地根本謂於一切  
 眾生無障礙故起大悲故若得一切  
 眾生常所恭敬心亦不高若不恭敬  
 心亦不下由是之故即法無所起亦  
 不生慢心是故乃能隨住諸法不住  
 礙法能生法智普徧皆得智為先導  
 身業具足智為先導語業具足智為  
 先導意業具足若身語意諸所作業  
 一切皆以智為先導菩薩即能隨智  
 而轉云何是菩薩智為先導身業具  
 足謂若眾生應見色身而可化度及  
 調伏者菩薩即當現威儀相令彼眾  
 生心得調伏菩薩雖復如是現相然  
 無發悟亦無分別若或菩薩身起過  
 失愛著於身身起異相身行屈曲身  
 有動亂身生計度若如是者而彼菩  
 薩諸有過失集現其前如斷多羅樹  
 心而於諸法後不復生又若菩薩身  
 得清淨一切勝相莊嚴其身手足柔  
 軟殊妙可愛成福生身諸根無劣身  
 分圓滿菩薩雖具如是莊嚴之身然  
 於色相亦不驕恃身雖嚴好而不生  
 於和合之想菩薩若見一切眾生種

法華經疏 卷第五

種色相有缺壞者菩薩尔時不起慢  
 心為求法故謙下恭敬所以者何若  
 自身法性與一切眾生身之法性皆  
 悉平等依止於智菩薩於身及身法  
 性悉了知已即得法身不受分段身  
 何名法身謂以禪悅而為飲食非分  
 段食菩薩為欲順世間故愍眾生故  
 示現受彼世間之食不為身支治瘦  
 劣故菩薩但於法身以其法命而為  
 資養非假世間段食所資何名法命  
 謂所資養不從因緣所造作故不越  
 聖行何名聖行所謂無貪無瞋無癡  
 離諸煩惱隨所施設密護於戒是名  
 聖行菩薩由此智為先導身業具足  
 故獲諸智通神力成就以無發悟心  
 於一切佛刹中普為現身隨諸佛刹  
 一一眾生應見菩薩色相光明莊嚴  
 身者菩薩即住無所發悟無分別中  
 具足光明莊嚴身相於其身中放大  
 光明是光普照無量無數諸佛刹土  
 一切地獄惡趣眾生蒙光照觸悉得  
 快樂由快樂故樂觸現前得樂觸故  
 一切眾生煩惱燒然皆悉止息咸得

清涼身心調暢彼諸衆生得調暢故  
善作佛事海意如是等法名為菩薩  
智為先導身業具足

復次海意何名菩薩智為先導語業  
具足謂若菩薩凡出語言而常遠離  
語中一切麤惡過失海意何名語中  
麤惡過失所謂菩薩常當遠離六十  
四種語之過失何等六十四一者菩  
薩無麤惡語二者無濁亂語三者無  
壞器聲語四者無衰弱聲語五者無  
極高聲語六者無極下聲語七者無  
猛惡聲語八者無堅硬語九者無響  
吃語十者無逼惱語十一者無離散  
語十二者無燒然語十三者無迷惑  
語十四者無怨恨語十五者無密切  
語十六者無染著語十七者無呻吟  
語十八者無童稚語十九者無震吼聲  
語二十者無熾盛語二十一者無根  
觸語二十二者無不知時語二十三  
者無貪隨卑語二十四者無瞋障礙  
語二十五者無癡狂亂語二十六者  
無驚怖語二十七者無慢執語二十  
八者無作破壞語二十九者無詭曲

語三十者無高慢語三十一者無離  
慢卑下語三十二者無隨愛覆藏語  
三十三者無非愛訐露語三十四者  
無不實說語三十五者無缺失語三  
十六者無虛妄語三十七者無鬪亂  
語三十八者無兩舌語三十九者無  
惡口語四十者無綺語四十一者無  
破朋友語四十二者無極利語四十  
三者無極柔軟語四十四者無凡俗  
語四十五者無不藏護語四十六者  
無繁多語四十七者無瞋害語四十  
八者無關諍語四十九者無賤劣語  
五十者無動亂語五十一者無輕浮  
語五十二者無面譏語五十三者無  
戲劇語五十四者無歌音語五十五  
者無非法語五十六者無離間語五  
十七者無自讚語五十八者無毀他  
語五十九者無侮翫語六十者無激  
動語六十一者無違背佛法僧語六  
十二者無毀謗賢聖語六十三者無  
非理作證語六十四者無一切麤惡  
過失等語海意如是六十四種語中  
過失菩薩凡所發言皆悉遠離即得

語業清淨凡所發言皆說無間斷語  
說如實語說正真語說誠諦分位語  
說隨諦轉語隨入一切衆生語言知  
一切衆生意樂令諸衆生皆生歡喜  
照明一切衆生根性息諸煩惱住佛  
威神任持正法所發語言分明顯了  
美妙可愛離諸過失皆由福行之所  
成故不生於貪攝功德語不生於瞋  
深無源底不生於癡十方世界施設  
語言非無義利隨往一切處皆無作  
相海意此為菩薩智為先導語業具足  
復次海意何名菩薩智為先導語業  
具足所謂菩薩剎那於一心中徧入  
一切衆生心行皆悉明了住三摩四  
多中現諸威儀事然亦不起彼三摩  
地一切魔衆悉不能知菩薩心業徧  
入一切聲聞緣覺之心彼亦不知而  
是菩薩終不生心自害害他亦不俱  
害非心意所表無少法中而生障礙  
於一切法中起智了知由彼心意無  
表了故即無所了知不受而受未具  
佛法亦不減受而為取證海意此名  
菩薩智為先導意業具足海意如是

海雲尊者所問經第四

卷五

等法是為菩薩安住自說淨印三摩地根本此根本者謂即菩薩身語意業皆以智為先導由其三業智先導故即能獲得自說淨印三摩地法海意當知有十種法此三摩地名為自說何等為十一者初發起行名為自說深心清淨故二者菩薩之行名為自說六波羅蜜多清淨故三者顯示潔白之行名為自說一切善法清淨故四者相好圓滿之行名為自說無礙福行清淨故五者得辯才行為自說隨聞法行善令佗得清淨故六者念定不散亂智名為自說遠離一切麤重蓋障現起煩惱清淨故七者菩提分法智名為自說不放逸清淨故八者表示奢摩佗毗鉢舍那智名為自說心意識清淨故九者十地次第之智名為自說一切對治建立法中超越障礙悉清淨故十者大菩提場莊嚴之智名為自說斷一切不善法集一切善法清淨故海意具是十種法故此三摩地名為自說海意當知復有二十種法此三摩地名為淨

海雲尊者所問經第五

卷十

印何等二十一者內淨名為淨印我清淨故二者外淨名為淨印我所清淨故三者身淨名為淨印一切見中悉清淨故四者一切法無我清淨名為淨印本來清淨故五者於一切法平等覺了清淨名為淨印一味清淨故六者空無相無願清淨名為淨印一切解脫清淨故七者虛空清淨名為淨印畢竟清淨故八者眾生界法界清淨名為淨印離諸所作故九者現所見清淨名為淨印自智通清淨故十者日輪光明清淨名為淨印常照曜清淨故十一者三世無礙知見清淨名為淨印離諸障礙清淨故十二者表了門清淨名為淨印識智無住清淨故十三者無為清淨名為淨印有為自性清淨故十四者了知緣生清淨名為淨印善觀緣法故十五者隨證力無所畏佛法清淨名為淨印無能敵實智清淨故十六者了知佛法相清淨名為淨印先業清淨故十七者大慈大悲清淨名為淨印不捨眾生清淨故十八者降伏諸魔外

海雲尊者所問經第六

卷十一

道清淨名為淨印一切所行清淨故十九者破一切煩惱種習清淨名為淨印諸法自性清淨故二十者於一剎那心中普盡一切佛法之門隨知清淨名為淨印積集圓滿清淨故海意具是二十種法故此三摩地名為淨印海意當知菩薩當坐菩提場時乃能獲得是三摩地得是三摩地後當獲八種不共大神通相何等為八一者忽然此三千大千世界悉變金剛所成之地二者一切樹林花果枝葉皆悉開敷俱向菩提樹低垂曲折作恭敬相三者一切眾生於剎那間不為一切煩惱之所惱害四者一切地獄惡趣眾生悉見菩薩坐菩提場見已皆獲快樂具足五者一切世界空中悉現金色光明廣大照曜六者大地皆悉震動然於其中亦無少分眾生而生燒害七者所有十方現住說法教化諸佛世尊以無畏法施其安慰作如是言汝善男子最勝最勝是大導師八者於一剎那心中一切佛法集現其前海意而是菩薩得彼

淨印三摩地已後獲如是八種不共大神通相而能出生無量功德之事一切悉同此三摩地神通威力

佛說海意菩薩所問淨印法門經卷第四

佛說海意菩薩所問淨印法門經卷第四  
校勘記

- 一 底本，金藏廣勝寺本。
- 一 六九三頁中一行經名、二行譯者，磧、普、南、徑、清無（未換卷）。
- 一 六九三頁中一五行「皆與」，磧、普、南、徑、清作「皆是」。
- 一 六九三頁下七行「雖善解」，徑作「雖然解」。
- 一 六九三頁下一六行「信根」，徑作「四根」。
- 一 六九七頁上卷末經名，磧、普、南作「海意菩薩所問淨印法門經卷第四」；徑、清作「海意菩薩所問淨印法門經卷第二」。



趙城縣廣勝寺

佛說海意菩薩所問淨印法門經卷第五

更經經藏朝散大夫試鴻臚卿僧正沙門日護等奉詔

今時世尊重說頌曰

此法善淨復明亮 本無和合與空等  
 無住無滅無起生 是印隨攝於佛印  
 住彼根本得摠持 長時修習慈悲行  
 若敬若慢世所行 平等慧中無喜恚  
 等智隨住於法性 不住癡暗及癡法  
 雖任智中無得心 安止等智常清淨  
 智常覺了身所作 以諸智行利世間  
 衆生若見清淨身 皆得離塵勝佛智  
 威儀善戒無散亂 有無分別中隨行  
 身諸過失雖無邊 本來不生無所斷  
 彼獲莊嚴妙相身 手足柔軟福嚴具  
 清淨圓滿諸根身 不恃色相智所作  
 若見貧賤苦衆生 謙下尊敬而不慢  
 尊奉知法持戒人 從彼聞法得聖道  
 實知自佗身法性 知諸衆生實性身  
 獲得淨勝妙法身 不受分段身離深  
 常受定中禪悅食 不以段食益威光  
 順世受食非力資 法命滋養成甘露  
 常獲聖行善寂靜 解脫貪瞋癡深聚  
 密護戒學無順違 寧捨己身不造罪

世尊：六八—六九八

第二張

又

神力能往俱胝刹 隨應現身而說法  
 世間瞻觀妙相身 彼皆獲得身高勝  
 身放光明妙清淨 廣照無邊諸刹土  
 光照福勝輒觸生 衆生悉除煩惱害  
 地獄衆生常受苦 蒙光照觸得快樂  
 身意調暢酸楚停 由斯得離地獄苦  
 如是及餘諸身業 隨智無邊善殊妙  
 能開佛事調伏門 菩薩身業此清淨  
 語言妙音淨悅意 天人世間聞皆喜  
 凡所說法果不虛 此法能成甘露滅  
 語言隨墮語過失 清淨福智善能斷  
 衆生語業及音聲 普令同等皆歡喜  
 相續平等真實說 言無濁亂皆如實  
 凡所說言誠實行 智隨諦轉善清淨  
 語言甘美食止息 攝功德語瞋解脫  
 甚深無底斷除癡 於千刹中作善利  
 此所說言無分別 不假勤力隨解脫  
 應衆生根歡喜生 此智所作語清淨  
 善修意業常無障 一刹那心世悉知  
 不起滅定現威儀 魔不能知菩薩意  
 聲聞緣覺不能測 菩薩甚深心意道  
 不生自佗損害心 無高無礙智平等  
 菩薩隨世善覺知 無受無思無伺察

不入滅定證樂門 無邊辯才摠持具  
聞法所行智常住 念定無亂住等引  
清淨諸障煩惱除 極微瑕穢悉不見  
菩提分法無邊量 悉能普攝離放逸  
智常隨住止觀中 十地次第今成證  
乃至道樹成智果 若具十種法清淨  
菩薩得定名自說 現修諸行淨圓滿  
一切善道淨勝上 隨諸地位淨諸度  
一切善法超勝高 相好殊妙圓福果  
坐菩提場善畢竟 深法勝怨悉能斷  
積諸善法等須彌 不思議光淨成就  
得是三摩地獲福 具二十法名淨印  
如日光明照世間 證大菩提佛勝智  
菩薩當坐道樹已 得八不共神通相  
能於百佛刹土中 廣作利樂世間事  
諸佛皆來施無畏 讚言勇猛汝最勝  
悉能已伏諸魔軍 證佛菩提勝無上  
獲此身心勝功德 決定能成此佛印  
此功德門若欲修 當於菩提心堅勇  
尔時世尊復告海意菩薩摩訶薩言  
海意以是緣故若諸菩薩欲得如是  
自說淨印三摩地法門及自說無垢  
意者當住二種之心一者無濁亂心

二者無滓穢心無濁亂心者謂心自  
性清淨明亮而不容受客塵煩惱法  
性常住本自光明一切作意無所積  
集無塵故離貪無分別故離瞋無我  
故離癡清淨徧淨畢竟無垢自在光  
明如所解脫一切法亦然隨住真如  
平等故如所解脫一切法亦然隨住  
法界平等故如所解脫一切法亦然  
隨住實際平等故如所解脫一切法  
亦然隨住空平等隨住無相無願無  
造無作無生無起諸平等故如所解  
脫有為法亦然隨住無為法平等故  
即此隨住平等之法無集無散非智  
所知此說名為無濁亂心即以此法  
為他法不起動亂之想此即是為  
於自他法不起動亂之想此即是為  
無滓穢心海意具是無濁亂心無滓  
穢心者即能獲得自說淨印三摩地門  
尔時海意菩薩白佛言世尊此三摩  
地而極甚深佛言不得涯底故海意  
又言世尊此三摩地而極難見佛言  
離二法故又言世尊此三摩地極難  
覺了佛言無我我所故又言世尊此

三摩地而極難知佛言識智二法平  
等知故又言世尊此三摩地而無濁  
亂佛言得無礙解脫故又言世尊此  
三摩地而極微妙佛言離諸譬喻故  
又言世尊此三摩地而極精實佛言  
得金剛喻智故又言世尊此三摩地  
而不破壞佛言先後不破故又言世  
尊此三摩地悉無所著佛言一切有  
著隨超越故又言世尊此三摩地得  
大光明佛言離諸癡暝故又言世尊  
此三摩地而極清淨佛言畢竟無染  
故又言世尊此三摩地本性無垢佛  
言離貪塵故又言世尊此三摩地而  
無所行佛言三界無行故又言世尊  
此三摩地而無戲論佛言超越戲論  
故又言世尊此三摩地無動佛言畢  
竟寂靜故又言世尊此三摩地隨入  
一切處佛言與虛空等故  
尔時海意菩薩復白佛言世尊若如  
是者何能發起勝行云何當獲自說  
淨印三摩地門佛言海意譬如有人  
欲與虛空而共戰敵時彼虛空乃被  
甲冑菩薩亦復如是欲得自說淨印

法華經卷第五 第六段 又

三摩地者應當被於諸法平等甲冑  
莊嚴何以故海意隨有所滅即有所  
起又復海意識種子是有為無表種  
子是無為此三摩地非眼識所知非  
耳鼻舌身意識所知此三摩地不可  
表了應知無知亦非無知此三摩地  
無表了相於一切法平等覺了故此  
名三藐三佛陀又復海意我不見有  
法是深相故成等正覺亦不見有法  
是淨相故成等正覺若有相是深即  
彼相是淨所謂自性清淨相故若彼  
自性清淨相者即是無相若其無相  
即無行相若無行相即無少法而可  
表了由無表故即一切法無所了知  
若法無能表及無所表故是中即無  
文字集現若無文字可集現者即所  
說如此復何名即所說如謂後如於  
前中亦復然此即是名一切諸法三  
世皆空復何名空所謂無作即此無  
作亦復無作亦非無作是故此說名  
之為空所言無作義復云何無作者  
謂無現前諸行造作以無少法可造  
作故是故此說名為無作復何名為

法華經卷第五 第七段

無現前行謂無身現前行語現前行  
心現前行故此說名無現前行若無  
現前行彼即無為若其無為即無生  
無滅亦無處所即此無生無滅無處  
所法亦復無處何名無處所謂現前  
諸行無處是故此說名為無處所以  
者何所謂識不住色中不住受想行  
中若識無所住即是正智而彼正智  
即智無領納若智無領納即無增上  
意樂若無增上意樂即無諍論若無  
諍論即無動亂若無動亂即無逼惱  
若無逼惱即無燒然若無燒然即得  
止息若得止息即住徧寂若住徧寂  
即住近寂若住近寂此即名為得大  
寂默是故前言智無領納是佛所說  
海意此法甚深難見難解若有得聞  
如是之法生信解者是人所有一切  
顛倒煩惱執著纏縛等法悉得解脫  
即能任持過去未來現在諸佛世尊  
法藏為大導師開示一切眾生無量  
正道為大醫王善療眾生一切無相  
煩惱之病是為能以廣大供養普供  
如來不久當得自說淨印三摩地門

法華經卷第五 第八段 又

所作決定於此大乘法中能善積集  
為大法船而能濟渡無量眾生出生  
死海為大正士降伏諸魔永不復隨  
魔境中語  
今時海意菩薩白佛言世尊菩薩云  
何而能降伏一切魔怨佛言海意若  
菩薩以無所為心能於一切普攝受  
者而彼菩薩即能降伏一切魔怨又  
若菩薩以無所為心於彼一切所緣  
相中能發起者而彼菩薩即能降伏  
一切魔怨海意當知魔有四種何等  
為四一者蘊魔二者煩惱魔三者死  
魔四者天魔若或伺察幻法即能降  
蘊魔安住空法能降煩惱魔伺察無  
生無起之法能降死魔俱時依止一  
切意法趣向滅道能降天魔又復知  
若能降蘊魔斷集能降煩惱之魔證  
滅能降死魔修道能降天魔又復伺  
察諸行是若能降蘊魔伺察諸行無  
常能降煩惱魔伺察諸法無我能降  
死魔伺察涅槃寂靜能降天魔又復  
菩薩內斷煩惱垢而不忘失大菩提  
心行於布施即能攝伏蘊魔若菩薩

不惜其身亦不繫著行布施已而能  
迴向於一切智即能攝伏煩惱之魔  
若菩薩能念財富無常我當與彼一  
切共用真實施與如是施已而能迴  
向於一切智即能攝伏死魔若菩薩  
於一切衆生所而不越失大悲之心  
以解脫慧普攝衆生行布施已而能  
迴向於一切智如是即能攝伏天魔

佛說海意菩薩所問淨印法門經卷第五

- 孔 目 官 目 尹 元
- 講 唯 識 因 明 論 沙 門 目 紫 證 義
- 講 上 生 經 百 法 論 賜 紫 沙 門 目 紫 證 義
- 講 法 華 經 賜 紫 沙 門 目 紫 證 義
- 講 論 上 生 經 因 明 百 法 論 賜 紫 沙 門 目 紫 證 義
- 講 百 法 論 賜 紫 沙 門 目 紫 證 義
- 講 法 華 經 演 說 大 師 賜 紫 沙 門 目 紫 證 義
- 講 因 明 論 實 印 大 師 賜 紫 沙 門 目 紫 證 義
- 講 南 山 律 慈 恩 大 師 賜 紫 沙 門 目 紫 證 義
- 講 唯 識 因 明 論 賜 紫 沙 門 目 紫 證 義

右行攝經首經末章智印大師賜紫沙門目 紫 證 義  
 梵 學 慧 悟 大 師 賜 紫 沙 門 目 紫 證 義  
 梵 學 演 法 大 師 賜 紫 沙 門 目 紫 證 義  
 譯 經 三 藏 朝 散 大 夫 試 鴻 臚 卿 光 梵 大 師 賜 紫 沙 門 目 紫 證 義  
 入 內 內 侍 右 內 侍 高 品 監 譯 經 目 王 紫 證 義  
 佛 學 生 承 百 法 論 學 夫 授 紫 沙 門 目 紫 證 義  
 釋 迦 佛 子 耶 舍 王 子 百 法 論 學 夫 授 紫 沙 門 目 紫 證 義

天 聖 三 年 四 月

佛說海意菩薩所問淨印法門經卷第五

校勘記

- 一 底本，金藏廣勝寺本。
- 一 六九八頁中一行經名，**磧**、**普**、**南**作「海意菩薩所問淨印法門經卷第五之六」；**徑**、**清**作「海意菩薩所問淨印法門經卷第三」。

一 六九八頁中二行譯者，**磧**、**普**、**南**

作「中天竺三藏朝散大夫試鴻臚卿光梵大師賜紫惟淨共法護奉詔

第四譯」；**徑**作「宋中天竺三藏朝

散大夫試鴻臚卿光梵大師賜紫惟

淨共法護奉詔譯」；**清**作「宋中天

竺三藏朝散大夫試鴻臚卿光梵大

師惟淨共法護奉詔譯」。卷第七、

第九同。

一 六九八頁中九行「安止」，**磧**、**普**、**南**、**徑**、**清**作「安山」。

一 六九九頁上一六行「汝最勝」，**磧**、**普**、**南**、**徑**、**清**作「大最勝」。

一 六九九頁上末行首字「意」，**磧**、**普**、**南**、**徑**、**清**、**麗**作「慧」。

一 七〇〇頁中一九行第三字「任」，**磧**、**南**、**徑**、**清**作「住」。

一 七〇〇頁下五行第七字「白」，**徑**作「曰」。

一 七〇一頁上卷末經名，**磧**、**普**、**南**、**徑**、**清**無（未換卷）。

越城縣廣勝寺



佛說海意菩薩所問淨印法門經卷第六人

受持此經者能除一切惡業得智慧勝於沙門 善華華 翻經

復次海意若菩薩雖生諸趣無所怖  
 望善護戒行即能降蘊魔若我見無  
 依止善護戒行能降煩惱魔若以淨  
 戒令諸衆生出離老死自護戒行能  
 降死魔若起是念我令一切毀禁衆  
 生皆悉安住聖淨戒中自護戒行能  
 降天魔又復菩薩於我無所得修行  
 忍辱能降蘊魔於衆生無所得修行  
 忍辱能降煩惱魔於生死無所得修  
 行忍辱能降死魔於涅槃無所得修  
 行忍辱能降天魔又復菩薩身寂靜  
 故發起精進能越蘊魔心寂靜故發  
 起精進能越煩惱魔了達無生無起  
 故發起精進能越死魔於生死中未  
 嘗懈倦成熟衆生攝受正法發起精  
 進能越天魔又復菩薩蘊無依止而  
 修於定能越蘊魔界無依止而修於  
 定能越煩惱魔處無依止而修於定  
 能越死魔於餘禪支亦悉一一迴向  
 善提能越天魔又復菩薩能以正慧  
 善知諸蘊能降蘊魔善知諸界能降

煩

第二

煩惱魔善知諸入能降死魔雖善知  
 緣生而於實際亦不取證能降天魔  
 又復菩薩解諸法空即彼蘊魔伺不  
 得便意能信順諸法無相即煩惱魔  
 伺不得便知一切法無求無願即彼  
 死魔伺不得便知一切法無所造作  
 亦無疑惑然於善行心不厭足即彼  
 天魔伺不得便又復菩薩隨觀身中  
 身念處而修亦不與身俱起於尋求  
 能破蘊魔隨觀受中受念處而修亦  
 不與受俱起於尋求能破煩惱魔隨  
 觀心中心念處而修亦不與心俱起  
 於尋求能破死魔隨觀法中法念處  
 而修亦不與法俱起於尋求於善提  
 意亦無所動能破天魔  
 復次海意汝今當知此如是等諸有  
 魔業皆由我為根本若或菩薩於根  
 本我而不起者即於我無我是中亦  
 無少法可起如是即以現量智知又  
 若菩薩為彼無智諸衆生故被大乘  
 鎧者菩薩應當不與自他俱時依止  
 故被其鎧菩薩乃自思惟我當云何  
 而得此鎧堅固不壞又復惟忖我所



卷之六 第六

觀亦因外觀諸過失故而得解脫有  
 不因內觀不因外觀諸過失故而得  
 解脫又有眾生修行於樂成證解脫  
 不因於苦有因於苦不因於樂有亦  
 因苦亦因於樂有不因樂亦不因苦  
 又有眾生因警發相而得調伏因安  
 止相而得調伏因降伏相而得調伏  
 因善攝相而得調伏有因善相而得  
 調伏有因不善相而得調伏有因瞋  
 相而得調伏有因三相而得調伏有  
 因容緩相而得調伏有因緣生法而  
 得調伏有因隨順行而得調伏有因  
 默然行而得解脫有因差別行而得  
 解脫有因念處法聲有因正斷聲有  
 因神足聲有因根聲有因力聲有因  
 覺支聲有因正道聲有因奢摩他聲  
 有因毗鉢舍那聲有因四聖諦聲而  
 得解脫海意此如是等不可思議眾  
 生所行不可思議眾生心意不可思  
 議眾生境界若菩薩入不思議智入  
 已即能徧入一切眾生不可思議境  
 界海意譬如有人周徧四方以繩為  
 網是人忽以因緣入其網中此人普

卷之六 第七

欲解除其網而以此人善呪力故其  
 網後時為呪力所加而悉斷壞是人  
 隨意得出無礙菩薩亦復如是由具  
 善巧方便故遍入一切眾生心意入  
 已即能以般若波羅蜜多明呪之力  
 普斷一切眾生煩惱纏縛菩薩然亦  
 不證佛智普為一切眾生現起施作  
 一切佛事  
 今時尊者舍利子前白佛言希有世  
 尊所有無量眾生心行乃至不思議  
 佛智又復甚奇世尊若新發意菩薩  
 或聞說此無量眾生心行無量佛智  
 聞已豈非生驚怖邪佛言舍利子於  
 汝意云何譬如新生師子之子聞師  
 子吼可驚怖不舍舍利子言不也世尊  
 佛言舍利子新發意菩薩亦復如是  
 聞佛如來師子吼已不生驚怖聞說  
 無量眾生心行亦無恐畏舍利子又  
 如小火光明於彼一切草木不生驚  
 怖火亦不作是念我無力能燒諸草  
 木新發意菩薩亦復如是智慧光明  
 雖復甚少而於一切眾生所有煩惱  
 不生驚怖菩薩亦不作是念我不能

卷之六 第八

息眾生煩惱何以故菩薩若起深固  
 作意以所成慧如實觀察即能息諸  
 眾生煩惱舍利子又如有火與彼大  
 地一切草木樹林花果要期盡劫而  
 共鬪戰至第七日當起戰事時彼大  
 地草木并餘一切草木等眾而共集  
 會乃相謂言汝有力能與我援助時  
 諸草木積聚既廣量等須彌時或有  
 人來謂火言草木眾多汝唯單已汝  
 今何不多求援助汝力何能敵草木  
 眾彼火答言我今不須求其助力何  
 以故而諸草木雖復眾多隨彼一切  
 我力能敵令彼草木悉滅無餘菩薩  
 亦復如是隨彼無量眾生一切煩惱  
 菩薩即放無量慧火其力敵勝又復  
 菩薩起深固意於一切眾生煩惱聚  
 中以所成慧如實觀察即能息諸眾  
 生煩惱若或菩薩取證離煩惱法捨  
 煩惱者彼即速墮聲聞緣覺之地舍  
 舍利子以是緣故汝應當知若菩薩隨  
 於一切煩惱聚中能深固作意如實  
 伺察者即於彼彼一切煩惱力能勝  
 伏舍利子若有得聞如是說已不驚

怖者當知是為善巧方便菩薩舍利子又如蛇毒凡所傷嗽而無助伴新發意菩薩亦復如是修集菩提分法時亦復單已而無助伴但自修集菩提分法又如螢火不能勝彼百千日輪廣大光明一切煩惱亦復如是不能勝敵菩薩慧光又如除毒之藥狀雖至小而能解除廣大之毒菩薩亦復如是智慧之藥雖復至小而能息除諸煩惱毒又如天降一味之雨隨所墮處器有差別成種種味菩薩亦復如是修集一味解脫之智隨諸眾生種種根性種種說法而各有異又如閻浮檀金出現世間映蔽一切餘諸珍寶菩薩大寶出現世間亦復如是映蔽一切聲聞緣覺又如轉輪聖王出現世間一切小王皆悉歸向善薩法王之子亦復如是若發大菩提心一切世間天人阿修羅等各各頂奉而悉歸向又如薄福眾生雖遇寶雨而無所獲不種善根諸眾生等亦復如是雖發菩提心而無所成又如世間若無甘蔗種子即不能生於甜

味菩薩亦復如是若無大菩提心種子即不能成就阿耨多羅三藐三菩提果

佛說海意菩薩所問淨印法門經卷第六

佛說海意菩薩所問淨印法門經卷第六  
校勘記

- 一 底本，金藏廣勝寺本。
- 一 七〇二頁中一行經名、二行譯者，〔磧、普、南、徑、清無（未換卷）〕。
- 一 七〇二頁下一行「降死魔」，〔磧、普〕作「降伏魔」；〔南〕作「降伏死魔」。
- 一 七〇四頁下一五行第四字「放」，〔磧、普、南〕作「故」。
- 一 七〇五頁上二行第九字「嗽」，〔磧、普、南、徑、清〕作「整」。
- 一 七〇五頁上四行「助伴」，〔磧〕作「助助」。
- 一 七〇五頁中卷末經名，〔磧、普、南〕作「海意菩薩所問淨印法門經卷第六」；〔徑、清〕作「海意菩薩所問淨印法門經卷第三」。



越城縣廣勝寺

佛說海意菩薩所問淨印法門經卷第七

譯經藏經卷之四十四 佛說海意菩薩所問淨印法門經卷第七 華嚴經

復次佛告舍利子言譬如耆婆醫王  
 普觀大地一切草木無非是藥修行  
 般若波羅蜜多菩薩亦復如是觀一  
 切法無非菩提又舍利子譬如羅睺  
 阿修羅王雖有勢力不能於其日月  
 道中而為障礙一切魔眾亦復如是  
 雖有勢力不能於其勤行精進菩薩  
 所修菩提道中而為障礙又舍利子  
 譬如色界諸天子眾所有宮殿依空  
 而住修甚深行諸菩薩眾亦復如是  
 猶如虛空平等無礙諸法亦然與虛  
 空等如是乃得阿耨多羅三藐三菩  
 提果又舍利子譬如世間諸有器用  
 既成就已隨彼大小空量現中然彼  
 虛空不增不減菩薩亦復如是修諸  
 善力得成熟已隨其深淺能受佛法  
 然彼佛法不增不減又舍利子譬如  
 力士極盡其力舉箭射空終不能至  
 虛空邊際菩薩亦復如是盡其信力  
 於佛法中而生信解然不能得佛法  
 邊際又舍利子如世陶器未成熟時

即不能得器用之名菩薩亦復如是  
 菩提善根未成熟時即不能得波羅  
 蜜名又舍利子如人得見轉輪聖王  
 已不復樂見諸小國王菩薩亦復如  
 是得見如來大法王已不復樂見諸  
 聲聞緣覺又舍利子譬如牛跡水中  
 而不能出一切珍寶聲聞戒中亦復  
 如是不能出生佛法僧寶又舍利子  
 譬如大海乃能出生諸妙珍寶菩薩  
 亦復如是聞戒海中而能出生佛法  
 僧寶又舍利子譬如新生太子不名  
 為王非不名王初發心菩薩亦復如  
 是不名為佛非不名佛又舍利子譬  
 如世間未經治瑩摩尼之寶人不愛  
 樂初發心菩薩雖復說法未得無畏  
 亦復如是又舍利子如摩尼寶經治  
 瑩者清淨明亮人所愛樂具修勝行  
 菩薩亦復如是獲得無畏而善說法  
 一切眾生皆生忻樂又舍利子如江  
 湖中所出小寶亦不可輕何以故是  
 寶雖小若在房舍或復閭中能以光  
 明普徧照耀初發心菩薩亦復如是  
 勿生輕慢何以故而是菩薩得菩提

已能於一切佛刹土中普放光明廣  
大照耀又舍利子譬如無價大摩尼  
寶最極殊妙離諸塵垢不退轉菩薩  
亦復如是離諸慢心又舍利子譬如  
世間穀稼成熟實穗垂瑞菩薩亦復  
如是所修善法得圓滿已於諸眾生  
謙下無礙又舍利子譬如世間劫火  
斂起而此大地一切草木燒焚無餘  
菩薩亦復如是智火若然一切煩惱  
種子習氣悉焚無餘既滅盡已然後  
乃證阿耨多羅三藐三菩提果又舍  
利子譬如如有火若小若大燒三千界  
而虛空性本自如如是菩薩亦復如是  
若有菩薩成等正覺若無菩薩成等  
正覺而一切法自性如是舍利子如  
是等諸有譬喻如來所說而能攝受  
諸菩薩眾若有菩薩聞此說已生勝  
解者而能於彼一切喻中悉得成就  
當佛說是見邊法時會中有二萬四  
千人發菩提心  
今時世尊重說頌曰  
難得最上佛菩提 深妙無垢無所有  
若人於此欲圓成 是中勿當生疑惑

淨妙智慧無虛假 真實光明普照耀  
安住無垢妙印中 此佛菩提能觀見  
心自性淨而明亮 前際後際亦復然  
煩惱深汚意中時 應當勿離深固意  
是中無作無受者 諸法自在無主宰  
無我人故說無我 如空如夢無自性  
當觀此法非身業 非語非心所分別  
無為實性異想無 譬喻言詞不能說  
與虛空等自性淨 非色相故不可觀  
非眼耳鼻識所知 非舌非身亦非意  
遠離非相非無相 無依寂靜湛如月  
非意亦非心所行 非識非想非思度  
此非智業可能知 云何識心而曉了  
由佛無上大悲心 假以文字而說法  
眾生先世勝行業 為善知識所攝受  
如是相中聞法已 獲無等喜無愛著  
非彼諸魔伺得便 不能知心及境界  
隨何所作何所行 而彼魔業不能勝  
菩薩超越四魔已 如理如教修福慧  
善住諸佛境界中 此名修勝菩提者  
眾生不能知所行 修菩提者所行勝  
施設多種行門中 隨彼彼相為說法  
如是世間種種行 互相所緣而和合

大智了知諸行中 隨所宣說無間斷  
或有眾生多貪染 或復多瞋恚了知  
見瞋煩惱逼迫時 彼癡性中起諸害  
如是世間種種行 菩薩隨了而能入  
行相所緣及緣成 隨其相言為宣說  
譬如周徧置繩網 大智持明者善知  
普徧能破諸網已 隨意所觀出無礙  
菩薩勇智亦如是 世間心意悉能入  
善使令諸煩惱除 周徧所行無覆障  
如日舒光無援助 蛇毒亦無於等侶  
師子振吼亦復然 菩薩所修無助伴  
菩薩單已而無二 積集最上諸佛法  
精進勢力悉具圓 摧滅世間諸煩惱  
譬如如有火得乾薪 隨處增長其勢力  
菩薩增長慧光明 悉能照破諸煩惱  
今時世尊復告海意菩薩摩訶薩言  
菩薩若能發起精進常所堅固勤行  
樂欲所起精進無有休息而諸菩薩  
即於阿耨多羅三藐三菩提不為難  
得何以故海意由精進故乃得菩提  
若懈怠者於佛菩提遠中復遠無懈  
怠者能行布施無懈怠者而能持戒  
無懈怠者能起精進無懈怠者能修

禪定無懈怠者能集智慧無懈怠者能行自利無懈怠者而能利他以是緣故汝今當知菩薩若能發起精進彼諸菩薩乃於阿耨多羅三藐三菩提不為難得海意我念過去世中十阿僧祇劫前彼時有佛出現世間號勇猛精進如來應供正等正覺明行足善逝世間解無上士調御丈夫天人師佛世尊世界名善見劫名花積以何緣故劫名花積海意是時三千大千世界大水充滿水中復出八萬四千廣大蓮花花有無數俱胎那庾多百千葉殊妙可愛觀者悅意念時淨居天衆見是花已成生歡喜意樂適悅俱發是言若此蓮花廣大出現決定當有正等正覺出此劫中此劫不空有佛世尊出現於世猶如花積是故此劫名為花積又復何緣而彼世界名為善見以其世界最勝清淨十方一切諸佛剎中無量無數諸菩薩衆咸悉往詣於彼世界而共瞻仰當瞻仰時一切大衆於彼世界皆得喜相三摩地一切妙樂皆悉具足於

彼世界所觀善妙故名善見海意此善見世界七寶所成有衆寶樹及寶樓閣是寶光明普徧照耀而彼世界無有女人不受胎藏於蓮花中自然化生如跌而坐又其世界無有餘乘諸修行者唯住大乘其土人民諸所受用如兜率天須飲食者悉得如意復得神通游戲能履虛空彼勇猛精進如來法中有二十六俱胎出家菩薩具菩薩道入菩薩衆復有無量在家之衆修大乘行是時彼佛為諸菩薩宣說勤行精進之法彼佛告言汝諸大士當勤精進常所堅固深極勤勞深極樂欲無令休息海意其佛會中有一菩薩名堅固鎧從座而起白其佛言世尊云何菩薩能發精進復以何法如來教授諸菩薩衆時勇猛精進如來告堅固鎧菩薩言善男子所謂精進有其四種而能普攝一切善法何等為四一者發起二者勤作三者伺察四者修行如是四種而能普攝一切善法又復云何名為發起何名勤作何名伺察何名修行善男

子發起者所謂發起大菩提心勤作者廣大積集一切善根伺察者於諸衆生作利益事修行者隨何等法悉住於忍又發起者勤求多聞勤作者如聞能說伺察者深固作意修行者起聖正見又發起者攝止慳心勤作者捨諸所有伺察者所有善利與一切衆生共之迴向善提修行者不求果報又發起者振大捨聲勤作者諸來求者起善知識想伺察者諸所受用觀無常分修行者施已無悔又發起者諸所受用依法而求勤作者淨命自資伺察者行真實施修行者施時不起意念又發起者滌破戒垢勤作者禁戒無缺伺察者破戒衆生而將護之修行者雖具戒德不起意念又發起者身業清淨勤作者語業清淨伺察者心業清淨修行者諸法清淨又發起者諸有瞋心而不容受勤作者忍力發現伺察者自佗作護修行者雖住忍辱不起意念又發起者諸有忿恚皆令歡喜復得清淨勤作者令諸忿恚歡喜和合伺察者內心

清涼而無熱惱修者自他無所得  
 又發起者遣除懈怠勤作者於精進  
 力而善決擇伺察者懈怠眾生而救  
 護之修者隨何等法皆住於忍又  
 發起者積集善法勤作者成辦善法  
 伺察者不樂餘乘修者不壞諸業  
 又發起者念勤作者行伺察者慧修  
 行者住又發起者理勤作者教伺察  
 者門修者出離道又發起者積集  
 文字勤作者文義摠持伺察者若聲  
 若文皆悉不著修者親近善友勤者  
 不可說又發起者親近善友勤者  
 遠離惡友伺察者於善惡友起心平  
 等修者如所說言隨能憶持又發  
 起者起出家心勤作者於愛非愛所  
 觀平等伺察者隨何等善悉樂希求  
 修者得現量智又發起者樂居曠  
 野勤作者遠離憒鬧伺察者樂處寂  
 靜修者修寂靜行又發起者少欲  
 勤作者知足伺察者獲得妙樂修行  
 者知所應量又發起者修增上戒學  
 勤作者所修無雜伺察者修增上心  
 學修者修增上慧學又發起者布

施勤作者愛語伺察者利行修者  
 同事又發起者大慈勤作者大悲伺  
 察者大喜修者大捨又發起者刹  
 土清淨勤作者相好圓滿伺察者護  
 持正法修者救度眾生又發起者  
 了知蘊魔勤作者越煩惱魔伺察者  
 遠離死魔修者摧伏天魔又發起  
 者知苦勤作者斷集伺察者修道修  
 行者證滅又發起者修身念處勤作  
 者修受念處伺察者修心念處修行  
 者修法念處又發起者信勤作者精  
 進伺察者念定修者慧又發起者  
 防斷不善之法勤作者圓滿生起一  
 切善法伺察者若身若心輕安調暢  
 修者獲得無加行神足又發起者  
 修七覺分勤作者行八正道伺察者  
 修習止觀修者得明解脫又發起  
 者發起諸行動作者表示絜白之行  
 伺察者心得輕安修者不轉境界  
 相智  
 復次海意彼勇猛精進如來復告堅  
 固鎧菩薩言善男子由精進故身心  
 輕安即此精進若因若見悉當遠離

又此精進能知名色又此精進能滅  
 我我所見又此精進能解所取之縛  
 又此精進能除五蓋及現所起一切  
 煩惱又此精進能斷惡作及彼疑惑  
 又此精進破諸結病又此精進而能  
 勤力除斷諸障又此精進離慢過慢  
 又此精進超越一切所依所著又此  
 精進離諸喜恚又此精進於無明有  
 愛悉不深著又此精進於貪瞋法而  
 悉不行又此精進於其癡法而常伺  
 察又此精進知覺內外十二處法又  
 此精進了知五蘊及十八界本來不  
 生又此精進心住寂靜徧寂近寂又  
 此精進決了諸法悉無所得又此精  
 進於一切法不取二相又此精進了  
 知法性本來常住又此精進知一切  
 法不來不去又此精進知一切法無  
 取無捨又此精進知一切法無作無  
 止又此精進知一切法無高無下又  
 此精進知一切法不出不入又此精  
 進知一切法無縛無解又此精進知  
 一切法無勤無墮又此精進知一切  
 法無放逸無不放逸又此精進知一

海法菩薩經第七 第十三張 又

切法無能作無所作又此精進知一切法無觀無不觀又此精進知一切法無止息無熾然又此精進知一切法無所護無不護又此精進知一切法無集無散海意彼勇猛精進如來為諸菩薩說如是等勤行精進法時會中有一萬人得無生法忍堅固鎧菩薩於彼佛所得聞如是精進法已轉復發起精進勤求善法如是精進常無休息經俱胝歲過是已後得柔順忍如是精進勤求善法經亦所時即於彼滅滅已還於彼如來前重復化生聽受宣說大集會正法又復精進勤求善法海意其堅固鎧菩薩以是緣故經亦許時普徧親近八萬四千佛於彼花積劫中發起精進勤求善法經如是時一切勤行海意汝今勿生疑念是時堅固鎧菩薩者豈異人乎即我身是我昔曾歷多菩薩位棄背生死勤求善提乃至我今得成正覺廣行精進深歷艱苦沉復世間懈怠眾生起下劣精進者而能獲得善提果邪海意若諸眾生能發精進

海法菩薩經第七 第十五張 又

者於我法中即得清淨非懈怠者而能成就以是緣故汝今當知諸有精進不放逸者即得善提當佛說是過去所行精進法時會中有五千菩薩得無生法忍七千人發阿耨多羅三藐三菩提心

佛說海意菩薩所問淨印法門經卷第七

孔 日 官 日 尹 元

- 講唯識因明論沙門日 鑒 證義
- 講上生經百法論賜紫沙門日 鑒 證義
- 講法華經賜紫沙門日 遷 證義
- 講金剛左紅因明百法論賜紫沙門日 惠 證義
- 講百法論慧日大師賜紫沙門日 智 證義
- 講法華經演教大師賜紫沙門日 善 證義
- 講因明論寶印大師賜紫沙門日 介 證義
- 講南山律慈忍大師賜紫沙門日 禮 證義
- 講唯識因明論賜紫沙門日 紹 證義
- 講法華經寶印大師賜紫沙門日 簡 證義
- 梵學慈悟大師賜紫沙門日 文 證義

海法菩薩經第七 第十四張 又

梵學演法大師賜紫沙門日 謙 證義  
受持經藏朝散大夫賜紫沙門日 謙 證義  
入內侍省內侍高品監譯經日陳 文

經使推揚法門淨印法門經卷第七 應有慶隆隆慶寺住持國師金身聖尊寶壽寺住持聖尊 兼禮之

大聖 三年 十二月 日 進

佛說海意菩薩所問淨印法門經卷第七

校勘記

- 一 底本，金藏廣勝寺本。七〇六頁中至次頁上原版缺，以麗藏本補。
- 一 七〇六頁中一行經名，[碩、普、南]作「海意菩薩所問淨印法門經卷第七之八」；[徑、清]作「海意菩薩所問淨印法門經卷第四」。
- 一 七〇六頁中九行第八字「其」，[碩、普、南]作「真」。
- 一 七〇七頁上一九行第一二字「二」，[碩]作「一」。
- 一 七〇七頁中一行第九字「實」，[徑]作「日」。
- 一 七〇八頁上五行末字「十」，[麗]作「大」。
- 一 七〇八頁下一三行第三字「資」，[碩]作「實」。
- 一 七〇九頁上二二行「勤作者所修無雜」，[碩、普、南]作「勤作者所修無應量又發起者修增上戒學勤作

者所修無雜」。

- 一 七一〇頁中卷末經名，[碩、普、南、徑、清]無（未換卷）。



越城縣廣勝寺

佛說海意菩薩所問淨印法門經卷第八

釋迦牟尼佛說海意菩薩所問淨印法門經卷第八 善導等奉譯

今時世尊重說頌曰

又

我念過去佛出世 號曰勇猛精進尊  
 劫名花積妙可觀 最上世界名善見  
 八萬四千蓮花出 有佛出現彼劫中  
 世界猶如兜率天 所須飲食皆如意  
 彼無女人不廝胎 衆生化生悉嚴好  
 而復不修於餘乘 菩薩皆住大乘法  
 十方所來菩薩衆 於彼世界善可觀  
 皆獲喜相妙定門 受諸快樂未曾有  
 菩薩俱胝二十六 是衆莊嚴二足尊  
 復有餘多天及人 最上佛乘皆安住  
 其佛大仙智德海 數數宣說精進門  
 有菩薩名堅固鎧 於佛發問如斯義  
 所欲安住精進力 菩薩云何精進修  
 此義願佛爲我宣 我於是中修行住  
 彼大法主知意已 爲說發勤精進德  
 發起勤作行相應 常所伺察修行住  
 發起所謂善提心 勤作成辦衆善法  
 伺察利益諸衆生 修行隨何法住忍  
 發起恭敬此聽受 動作宣說而開明  
 深同作意伺察門 修行謂起聖正見

發起滌除於慳垢 捨諸所有是勤作  
 具善提心伺察門 修行所作不求報  
 發起謂振大捨聲 慈於丐者是勤作  
 伺察受用觀無常 修行施已不生悔  
 依法所受名發起 淨命自資是勤作  
 我眞實施伺察門 修行施時無意念  
 發起滌除破戒垢 禁戒無缺是勤作  
 伺察將護破戒人 修行具戒無意念  
 發起所謂身業淨 語業清淨是勤作  
 心業清淨伺察門 修行是爲諸法淨  
 不容受瞋名發起 忍力現行是勤作  
 自佗作護伺察門 修行忍辱無意念  
 恚者常淨名發起 動作於彼不捨離  
 內心清淨伺察門 修行自佗無所得  
 發起謂除懈怠垢 擇精進力是勤作  
 護懈怠者伺察門 修行隨何法住忍  
 積集善法名發起 成辦善是法勤作  
 伺察不樂於餘乘 修行不壞諸業報  
 發起了知於正念 動作悟入法行中  
 善護正慧伺察門 修行所謂堅固住  
 發起謂理勤謂教 彼諸法門謂伺察  
 知出離道即修行 此發精進善方便  
 發起所謂文摠持 善宣說義名勤作

不著於聲伺察門 修行了法不可說  
親近善友名發起 遠離惡友是勤作  
觀善惡性伺察門 修行憶持於諸法  
法中出家名發起 捨愛非愛是勤作  
希求善法伺察門 修行於法無障礙  
發起樂居曠野中 遠離憤悶是勤作  
樂居寂靜伺察門 修行謂修寂靜行  
少欲善言名發起 歡喜知分是勤作  
獲受妙樂伺察門 修行謂知所應量  
增上戒學名發起 所修無雜是勤作  
增上心學伺察門 增上慧學修行住  
布施持戒名發起 忍辱精進是勤作  
禪定慧行伺察門 修行總起智方便  
財法二施名發起 愛語所謂是勤作  
利行是為伺察門 修行真實而同事  
大慈圓滿名發起 大悲具足是勤作  
法中大喜伺察門 修行此說大捨智  
發起清淨佛刹土 圓滿相好是勤作  
護持正法伺察門 度脫眾生修行住  
不著蘊魔名發起 出煩惱魔是勤作  
攝伏死魔伺察門 摧伏天魔修行住  
了知苦果名發起 不立愛故是勤作  
修道是為伺察門 滅智所謂修行住

發起身念處離縛 觀受念處是勤作  
觀心念處伺察門 修行謂觀法念處  
發起所謂信根力 精進根力是勤作  
念定根力伺察門 修行謂即慧根力  
防斷不善名發起 不壞善法是勤作  
身心輕利伺察門 修行智起四神足  
發起謂修七覺分 行八正道是勤作  
修習止觀伺察門 修行真實明解脫  
發起勤作起諸行 心得輕安伺察門  
不轉諸相境界中 此說是為修行住  
若身若心輕安故 於見於因當出離  
是中名色若了知 諸聖稱讚此精進  
於我我所若能滅 即解一切所取縛  
現起五蓋悉蠲除 惡作疑惑皆斷滅  
又復能破諸結病 此力除障無所覆  
於慢過慢斷無餘 所作皆由精進力  
遣除一切諸有相 止息一切諸戲論  
斷滅一切煩惱因 智者稱讚此精進  
聞此精進功德已 勇發精進咸稱讚  
菩薩會中有十千 悉得無生妙法忍  
釋迦如來此會中 為諸菩薩廣宣說  
聞說精進先行時 五千菩薩忍清淨  
復有天人阿修羅 緊那羅等諸會眾

今時會中有百千 發菩提心善安住  
我昔曾名堅固鎧 得最上忍菩薩位  
棄捨身命精進修 經今許時常無懈  
親近八萬四千佛 棄捨已身而奉事  
近侍諸佛一劫中 後居無數菩薩位  
今時大悲思惟大梵天王白海意菩  
薩言善男子所言佛法是何等增語  
海意菩薩言大梵此言佛法者是一  
切法增語何以故如來以無分別相  
如量取證菩提無分別相者即一切  
法平等相如來是中如量取證菩提  
大梵若了一切法平等即是菩提是  
故此說一切法即是佛法若一切法  
如是即佛法亦如是所有一切法自  
性即佛法自性一切法離故應知佛  
法亦離一切法空故應知佛法亦空  
大梵一切法緣生若能覺了諸法緣  
生即是菩提如如來於一切法如是  
見而被佛法亦如是見梵天言善男  
子豈非佛法越三界邪菩薩言大梵  
三界自性即是佛法何以故大梵而  
彼佛法平等相中無高無下猶如虛  
空亦無高下佛法亦復如是同彼虛

空無高無下大梵一切法亦然自性  
空中等無高下大梵若善男子及善  
女人欲知佛法者應如是知然於所  
知方便不應取著

復次大梵佛法無方分無處所不生  
不滅非青非黃非赤非白故無顯色  
非有形相故無形色無形顯色故即  
是無相大梵無相義者即佛法義佛  
法義者即不墮句義不墮句義者即

寂靜義寂靜義者即是離義離義者  
即是空義空義者即無繫著義無繫  
著義者即實性義實性義者即真如  
義真如義者即畢竟不生義不生義

者即不滅義不滅義者即無住處義  
余時海意菩薩重說頌曰  
所說無相義 是勝佛法義  
其說佛法義 即不墮句義

不墮寂靜義 寂靜是離義  
離義即空義 空義無著義  
無著實性義 實性真如義  
真如即畢竟 不生不滅義

不滅無處義 法義如是住  
如所住法界 諸法亦然住

如諸法所住 佛法亦然住  
如佛法所住 生滅法亦然  
無著法等義 真如無異住  
聲聞緣覺法 亦平等隨住

如是處住法 佛法勝無上  
無方分處所 故佛法安住  
勿於生滅中 隨觀諸佛法  
彼非形顯色 無少法可得  
無形亦無相 佛法而開明

如諸法自性 佛法亦如是  
此所說平等 無著別無相  
如是求佛法 諸法亦然求  
若法無所得 彼即無分別

佛及諸佛法 一切法皆然  
大仙處道場 得平等正法  
佛及諸佛法 於道場觀察  
彼所說佛法 平等故常

等無高下法 如虛空清淨  
若佛及佛智 彼佛此所說  
謂諸法緣生 自性無所有  
若自性不有 即無少法生

實際此若知 世間等無際  
是際中起智 隨轉一切法

所謂過去法 及彼未來法  
此名現在法 此是諸佛法  
如是三時中 佛智無所著

由智無著故 牟尼乃說法  
所謂佛十力 及四無所畏  
諸佛十八種 不共功德法  
於是中普攝 所有一切法

如是一切法 是即諸佛法  
復次大悲思惟大梵天王重白海意  
菩薩言善男子汝於如是法中云何

所見菩薩言大梵夫佛法者墮色數  
邪梵天言不也菩薩言若法非色即  
不可見若無對礙即無表了是中云

何有所見邪梵天言不也善男子菩  
薩言大梵若佛法不可見者即一切  
法亦如是何以故法本無二此無二

者即是一切法大梵若法有所見彼  
即是有相謂以無別可見無別佛法  
若此如是見彼如是佛法若如是佛  
法彼即如是見梵天言善男子若余  
者如來於一切法不復有見菩薩言  
大梵若如來於佛法中有所見者即  
彼如來及諸佛法有實定性可得梵

天言善男子若如是者佛法不有邪  
 菩薩言大梵若法無實定性是中有  
 無悉不可說若法非有無彼即無所  
 見梵天言若何故世尊今此會中  
 說佛法邪菩薩言大梵如說虛空非  
 彼虛空有實定性佛法亦復如是此  
 說佛法非彼佛法有實定性梵天言  
 希有善男子若初發心菩薩聞此說  
 已不生驚怖者而是菩薩於佛法中  
 被堅固鎧菩薩言大梵若諸衆生得  
 佛加持已發菩提心者聞此所說甚  
 深佛法即不生驚怖又復大梵有取  
 有執者即生驚怖無取無執者不生  
 驚怖有依止有繫著者即生驚怖無  
 依止無繫著者不生驚怖有我我所  
 見者即生驚怖離我我所見者不生  
 驚怖梵天言善男子菩薩有幾種力  
 若諸菩薩具是力者即於如是甚深  
 佛法中不生驚怖菩薩言大梵諸菩  
 薩有八種力若諸菩薩具是力者乃  
 於如是甚深佛法中不生驚怖何等  
 為八一者無障礙信力於諸佛法生  
 勝解故二者尊重出生善知識力諸

意隨順如師尊故三者多聞出生慧  
 力出世間法悉圓滿故四者福行出  
 生承事之力無量福行悉圓滿故五  
 者深因作意出生智力破諸魔故六  
 者大慈出生大悲之力於無我法離  
 疑惑故七者安定出生善思惟力大  
 菩提心不忘失故八者無佗信出生  
 忍力獲得無生妙法忍故大梵此等  
 是為菩薩八種勝力若諸菩薩摩訶  
 薩具是力者能於甚深諸佛法中不  
 生驚怖  
 今時世尊讚海意菩薩摩訶薩言善  
 哉善哉海意汝善說此菩薩八力若  
 諸菩薩具是力者能於甚深諸佛法  
 中不生驚怖又復於佛法中隨所聞  
 已皆不生怖海意當知諸說法聲皆  
 是分別若於菩提勝義諦中即不能  
 說何以故彼勝義諦非語言非詮表  
 亦非文字積集所行尚非心所法  
 而可能轉況復文字有所行邪海意  
 如汝所觀諸佛世尊有所說者但為  
 不可思議一切衆生大悲轉故乃於  
 如是甚深法中成正覺已於無文字

無語言無記說無詮表法中為佗衆  
 生及補特伽羅假以文字建立宣說  
 海意譬如有人知此虛空非色相故  
 不可見非對礙故無表了然於空中  
 以種種色彩畫形像所謂象馬車乘  
 天龍夜叉乾闥婆等現諸色相海意  
 於汝意云何是人所作斯為難不海  
 意菩薩白佛言世尊是人所作最極  
 為難佛言海意諸佛世尊如復為難  
 過極於彼何以故謂於不可說法中  
 成正覺已假以言說為佗衆生及補  
 特伽羅建立宣說由於不可說義中  
 如實覺了是故諸佛難作能作海意  
 若復有人於此甚深佛法之中不驚  
 不怖不生恐懼者當知是人於先佛  
 所深種善根作諸勝行是故於此甚  
 深佛法不生恐懼若復有人於此甚  
 深經典一切世間難信解法如實知  
 已受持讀誦廣為佗說者當知是人  
 能持如來一切法藏能持一切衆生  
 諸善法分又復海意若有菩薩得佛  
 眼照明能於無量諸佛剎中滿積珍  
 寶持用供養彼彼如來廣行布施於

海意菩薩經卷第八

第十二

汝意云何而彼菩薩以是緣故得福多不海意白佛言甚多世尊甚多善逝此之福蘊無量無數乃至譬喻所不能及佛言海意我今語汝如汝應知若有菩薩能於如來法中善為作護令三寶種不斷不絕於諸眾生不捨大悲於如是等甚深經典如來大智法中能了知已受持讀誦何況是中如理修行而此菩薩所得福蘊倍多於彼何以故所有財施但是世間之所愛樂若法施者彼即出過一切世間

復次海意若有菩薩能護持正法者而此菩薩得四種攝受何等為四一者得佛攝受二者得天攝受三者得福攝受四者得智攝受若諸菩薩得佛攝受者當得四種最勝之法何等為四一者常得不離瞻仰如來二者一切魔眾伺不得便三者獲得無盡陀羅尼門四者速具神力住不退轉地海意諸有菩薩為佛攝受者獲得如是四種最勝之法又諸菩薩若得天攝受者當獲四種清淨何等為四

海意菩薩經卷第八

第十三

一者天眾神力令其菩薩眾會清淨二者使令聽受正法專注一心三者遣除一切魔外之眾四者由天威神能令一切無不清淨悉得淨心海意諸有菩薩為天攝受者獲得如是四種清淨又諸菩薩若得福攝受者當獲四種莊嚴之相何等為四一者身莊嚴謂相好圓滿二者語莊嚴謂勝出一切眾生語言音聲三者國土莊嚴謂諸所施作悉能顯示四者所生莊嚴謂在所生處或為梵王帝釋護世天等海意諸有菩薩為福攝受者獲得如是四種莊嚴又諸菩薩若得智攝受者當獲四種照明之法何等為四一者照明一切眾生根性如其所應即為說法二者照明一切煩惱之病積集法藥隨為治療三者神力照明餘佛刹中悉能徧徃四者法界照明於一切法如實了知海意諸有菩薩為智攝受者獲得如是四種照明以是緣故菩薩摩訶薩欲得如是攝受稱讚功德法者應當勤行護持正法若諸菩薩而能勤行護正法者

當獲無量最勝功德

海意菩薩經卷第八

第十四

又

佛說海意菩薩所問淨印法門經卷第八

孔 日 官 日 尹 元

諸非兼因明論沙門 日 尹 元

諸上流經日法論賜紫沙門 日 尹 元

清法華經賜紫沙門 日 尹 元

諸法華經賜紫沙門 日 尹 元

佛說海意菩薩所問淨印法門經卷第八

校勘記

- 一 底本，金藏廣勝寺本。
- 一 七一二頁中一行經名、二行譯者，  
[磧、善、南、徑、清無（未換卷）]。
- 一 七一二頁中一八行第四字「主」，  
[清、麗作「王」]。
- 一 七一二頁下一〇行第九字「行」，  
[南作「作」]。
- 一 七一二頁下一七行「成辦善是法  
勤作」，[南、徑、清作「是成辦法善  
勤作」；麗作「成辦善法是勤作」。
- 一 七一三頁上一七行末字「智」，  
[磧作「離」]。
- 一 七一三頁中四行第一一字「即」，  
[徑作「處」]。
- 一 七一四頁上一一行第八字「即」，  
[徑作「即是」]。
- 一 七一四頁上一四行第一二字「住」，  
[磧、南作「位」]。
- 一 七一四頁下一一行第八字「夫」，

[徑、清作「天」]。

一 七一四頁下一二行首字「邪」，  
[磧作「用」]。

一 七一六頁下卷末經名，[磧、善、南  
作「海意菩薩所問淨印法門經卷  
第八」；徑、清作「海意菩薩所問  
淨印法門經卷第四」]。



佛說海意菩薩所問淨印法門經卷第九

釋迦牟尼佛於鹿野園初轉法輪時目 世尊 法華 經

爾時世尊重說頌曰

諸佛正法能護持	當得種種善稱讚
彼稱讚法我略宣	如大海中水一滄
知諸佛恩能報者	諸佛付託持法藏
諸佛正法能護持	是即普供十方佛
佛眼照明觀佛刹	妙寶供養諸世尊
諸佛正法護持時	比前福蘊此最勝
雖以世財供養佛	不能解脫世間行
出世勝法若求時	智者出離世間法
諸佛正法護持者	即得諸佛所攝受
諸天龍等亦攝持	福攝智攝皆獲得
諸佛正法護持者	得念慧行悉具足
廣大勝慧普徧知	智者拔除煩惱種
諸佛正法護持者	非彼諸魔伺得便
惡作疑惑悉蠲除	彼無諸障亦無縛
諸佛正法護持者	所生刹土不空過
一切生中見佛身	見已即得心清淨
諸佛正法護持者	獲得宿命大智法
出家善利數能成	所修真實清淨行
諸佛正法護持者	戒聞勝生諸梵行
得五智通妙輕安	禪定解脫悉無礙

法華經卷第九

第二

又

諸佛正法護持者	趣入甚深諸法中
佛境界空無所疑	信解衆生無我法
諸佛正法護持者	獲無礙解捷利慧
得無礙言無畏門	破諸衆生疑惑網
諸佛正法護持者	得大摠持勝善利
不能聽受百劫中	由具辯才悉無礙
諸佛正法護持者	得諸智者常稱讚
天阿修羅等悅心	諸佛讚護如佛子
諸佛正法護持者	帝釋梵王得非難
及彼人中轉輪王	乃至菩提勝妙樂
諸佛正法護持者	具三十二殊妙相
大智圓成無壞身	一切觀者無狀足
諸佛正法護持者	得善知識亦非難
彼為宣明法印門	聽受無盡正法藏
諸佛正法護持者	身語心業皆清淨
戒定慧淨亦復然	得解脫智善清淨
諸佛正法護持者	常不捨離菩提心
波羅蜜行不棄捐	而能普攝多善法
諸佛正法護持者	若廣稱讚彼功德
正使住壽一劫中	亦不能說其邊際
爾時會中有一菩薩名功德光王從	
座而起前白佛言世尊如佛向者作	
如是言我於不可說法中而成正覺	

世尊若法不可說何故今言護持正法佛言如是如是善男子如汝所言我於不可說法中而成正覺然善男子不可說者謂以世俗文字語言於無為法中而不可說若以文字語言詮持門施設建立顯明開示乃有所說此即是為護持正法又善男子有說法師於如是等甚深經中廣大受持為他演說如理修行者若能於此法師所恭敬尊重承事種種供養密為護持飲食衣服坐卧之具病緣醫藥善作供施能護善法善護語言於非語言而為藏覆此即是為護持正法又善男子若有人能解了於空信順無相無願無求於無加行中真實安止此即是為護持正法又善男子若有人能於自所說無諍勝語及他所說非法語言是二同於法中所攝此即是為護持正法又善男子若人能以無障礙心相續普攝一切眾生入解脫慧中不以世間財利之心為他法施此即是為護持正法又善男子若有人能棄捨身命於如是

等甚深經典密為作護居寂靜處依法修行此即是為護持正法又善男子若有人能為聽法因緣或為說法因緣乃至行於一步或一出入息間能專注者此即是為護持正法又善男子若了了一切法無所護無所取此即是為護持正法復次功德光王如是等緣汝應當知善男子我念過去阿僧祇劫復過阿僧祇劫數之前彼時有佛出現世間名大智力聲如來應供正等正覺明行足善逝世間解無上士調御丈夫天人師佛世尊世界名淨光劫名喜上善男子彼淨光世界琉璃所成廣博清淨光照十方彼有清淨諸大菩薩摩訶薩眾依止游戲大神通力從甚深法之所出生彼菩薩眾諸所受用皆如化樂天子悉以天子之狀於彼佛所聽受說法無復在家出家種種形相時彼大智力聲如來常為彼會諸菩薩眾廣大宣說護持正法作如是言汝等善男子應當勤行不惜身命護持正法時彼會中有一菩薩摩訶薩名曰法語

白彼世尊大智力聲如來言世尊云何是諸菩薩能護正法又復云何是所護法彼佛告言善男子若於色心境界之中善護諸障專注一境調伏止息住寂靜法此即是為護持正法何以故眼根色境眼識此三非法非法故耳根聲境耳識鼻根香境鼻識舌根味境舌識身根觸境身識意根法境意識非法非非法故若能了知眼色空已即眼及色無所分別眼識無住此即正法菩薩若於如實智中善令它得如是法者此即是為護持正法如是耳聲鼻香舌味身觸意法了知空已即意及法無所分別意識無住此即正法菩薩若於如實智中善令它得如是法者此即是為護持正法又善男子若有法於諸法中而可轉者彼法即無所護無所取如是解者此即是為護持正法又復於諸見中依止邪見者彼見即無所護無所取如是解者此即是為護持正法又復以其無智癡障故心不清白若彼無智癡障中無所護無所取如

是解者此即是為護持正法又善男子若法有集有散即非法非律若無集無散即是法是律何等法集散謂有為道諸法集散若非法非律何無集無散是故當知若無取即無生由無生即無集亦無散以無集無散故即是法是律何者是法是律謂自性不生諸煩惱等不令生起此即名為是法是律若是法是律故即不生不滅者即是無盡此無盡者即是無生法律如是無生法乃無所護此無所護是即真實護持正法復次功德光王彼大智力聲如來說是法時彼眾會中三萬二千菩薩得無生法忍法語菩薩於彼佛所得聞法已心意怍然踊躍歡喜前白佛言希有世尊善說如是護持正法甚深法門世尊如我解佛所說義如我所得即一切法無法若無法即有法何以故世尊若一切法有所取者即無法若無所取者即有法以法與非法二想於一切法中無法非法二想可知世尊一切法與非法若於勝義諦中即無法可

得亦無非法可得由無法想亦無非法想故即無法可數以無法可數故即住實際若住實際即是無際何以故虛空際即是諸法實際以其虛空無所從來是故無際如虛空無所從來故無際諸法亦然無所從來故亦無際乃說諸法即虛空際世尊若有菩薩得聞如是實際法已如實解者彼即了達諸法無有二相世尊我不見有少法可得若法無所有是故我說護持正法又復世尊我說此法時契順如來所說語不是法語不法隨法說我為正說不佛言善男子如汝所說真實契順如來之語是實法語法隨法說是為正說復次功德光王彼法語菩薩說是法時彼天子眾中有十千天子得柔順法忍功德光王汝勿生疑念彼時法語菩薩者豈異人乎即汝功德光王是汝今於此大眾會前勸請於我是故我今以彼阿僧祇俱胝劫中積集阿耨多羅三藐三菩提法付囑於汝汝當受持廣為陀說宣演流布

爾時世尊說是法已而此會中有六十俱胝大菩薩眾悉住佛前異口同音咸作是言世尊我等願為護持如來菩提正法廣演流布佛告諸菩薩言諸善男子汝等修行住何法已乃於如來阿僧祇俱胝劫積集菩提之法而為護持爾時會中有菩薩名山自在王前白佛言世尊若護惜身命斯即不能護持正法我不惜身命故如是乃能護持正法吉祥峯王菩薩言世尊若於利養有所希求斯即不能護持正法我於名聞利養等事而悉棄捨非聖所許亦悉遠離如是乃能護持正法大幢菩薩言世尊若法非法有其二想斯即不能護持正法若離二想得法平等如是乃能護持正法勝密菩薩言若煩惱病之所逼迫斯即不能護持正法我得諸聖智慧之力勝伏煩惱如是乃能護持正法持炬菩薩言世尊若處癡暗境界之中斯即不能護持正法我得無礙智

光難諸疑暗如是乃能護持正法  
雷天菩薩言世尊法中若起比量智  
者斯即不能護持正法我已證得現  
量之智於諸法中不起他信如是乃  
能護持正法

普密菩薩言世尊若世俗根性及散  
亂心斯即不能護持正法我於諸根  
諸門諸處善調深密如是乃能護持  
正法

淨光菩薩言世尊若眾生法有種種  
性及種種想斯即不能護持正法我  
於一切眾生起平等心及一切法亦  
得平等如是乃能護持正法

最勝步菩薩言世尊若起散亂非等  
引心斯即不能護持正法我住等引  
不散亂心如是乃能護持正法

導師菩薩言世尊若不了知正道之  
法修行邪道斯即不能護持正法我  
已了知正道智法邪道眾生置如實  
道如是乃能護持正法

善慧菩薩言世尊若猶豫心起於分  
別斯即不能護持正法我今已離猶  
豫之心斷諸分別復令一切眾生得

除疑惑之病如是乃能護持正法  
徧照菩薩言世尊若住非法壞修行  
道斯即不能護持正法我住正法真  
實修行復置一切眾生皆住如實道  
中如是乃能護持正法

明觀菩薩言世尊若具深慧離法光  
明斯即不能護持正法我得決定慧  
圓善巧智具法光明如是乃能護持  
正法

無礙慧菩薩言世尊若有礙心不能  
隨護眾生之慧斯即不能護持正法  
我以無障礙心隨護眾生令住勝慧  
如是乃能護持正法

行淨慧菩薩言世尊若不善解諸眾  
生根又不能知諸眾生行斯即不能  
護持正法我於一切眾生根行智解  
入已如是乃能護持正法

莊嚴王菩薩言世尊於法若有分別  
之想依止我人及依止法斯即不能  
護持正法我於一切分別非分別悉  
離徧計三輪清淨無我無人無法依  
止亦無造作如是乃能護持正法  
師子幢菩薩言世尊世間眾生聞一

切法無生無起咸皆驚怖斯即不能  
護持正法我已了知一切法無生無  
起無復驚怖不見有法若近若遠如  
實住已如是乃能護持正法

慈氏菩薩言世尊若於菩提起懸遠  
想斯即不能護持正法若有菩薩作  
是思惟我雖得阿耨多羅三藐三菩  
提而不見菩提若身若心有所和合  
非不和合彼菩薩者如是乃能護持  
正法

功德光王菩薩言世尊若住非功德  
離真實功德不求如來勝功德者斯  
即不能護持正法我已遠離諸非功  
德安住菩薩真實功德勤求如來最  
勝功德如是乃能護持正法

妙吉祥菩薩言世尊如世狂亂之人  
作如是言我能護持如來正法此非  
誠信所以者何如佛世尊坐道場時  
無法可得亦無所證是中云何有法  
可護世尊我於一切法都無所護離  
諸執著而以大悲持諸法性然於諸  
法無所成辦非不成辦  
亦時世尊讚妙吉祥童真菩薩言善

海意菩薩摩訶薩

第三張

八

哉善哉妙吉祥如是如是如汝所說  
 我坐道場時無少法可得無所得時  
 乃作是言處于道場妙吉祥白佛言  
 世尊為於何時坐道場邪若有所坐  
 即於善提而有所得斯乃有二對礙  
 有別善提有別世尊謂以佛及善提  
 無二對礙故佛言妙吉祥善提場自  
 性我了達已是我乃坐善提場以  
 我自性即是善提場自性而善提自  
 性即一切眾生自性彼一切眾生自  
 性即一切法自性妙吉祥同一自性  
 等一味故我於善提場成正覺時觀  
 善提場無有少法而不解脫謂以善  
 提平等故現證諸法而亦平等然平  
 等法中不墮諸數數與非數皆悉離  
 故彼平等法是故如來說名無為妙  
 吉祥如來得是無為超越一切有為  
 之法如來說是法時妙吉祥菩薩深  
 生信解及一切眾會信解如來解脫  
 之法由信解故普徧皆於平等法中  
 無所違越  
 尔時無量功德寶無垢殊妙莊嚴世  
 界先同海意菩薩來此娑婆世界諸

海意菩薩摩訶薩

第三張

八

大菩薩摩訶薩眾聞是法已心意使  
 然踊躍歡喜咸皆忻樂俱發是言我  
 等來此佛刹快得善利見佛世尊又  
 見妙吉祥童真大士得聞說此甚深  
 正法見佛出世見此正法現住世間  
 轉大法輪世尊若此正法所在之處  
 廣流布者彼諸眾生得大善利又若  
 有人於佛在世或涅槃後而能聽受  
 如是正法聞已信解受持讀誦廣為  
 佗說當知是人得大利益佛言諸善  
 男子如汝所知菩薩善得幾種大利  
 彼菩薩白佛言世尊菩薩善得十種  
 大利此即不思議善利所轉何等為  
 十所謂一者值佛出世而能親近得  
 此大利二者得見佛已深心清淨三  
 者起清淨心聽受正法四者聞正法  
 已離諸疑惑五者離疑惑已於中出  
 家六者既出家已淨命自資七者淨  
 命資故能善說法八者善說法已發  
 善提心九者由不忘失善提心故而  
 能聽受菩薩藏法十者聞菩薩藏甚  
 深法已依法修行得此大利世尊如  
 是等法是為菩薩十種大利此即不

海意菩薩摩訶薩

第三張

八

思議善利所轉若諸菩薩如是住者  
 此即說名善得大利  
 時佛讚言善哉善哉汝諸大士善說  
 菩薩所得大利說是法時會中有三  
 萬六千人發阿耨多羅三藐三菩  
 提心

佛說海意菩薩所問淨印法門經卷第九

佛說海意菩薩所問淨印法門經卷第九

校勘記

- 一 底本，金藏廣勝寺本。
- 一 七一八頁中一行經名，磧、善、南作「海意菩薩所問淨印法門經卷第九之十」；徑、清作「海意菩薩所問淨印法門經卷第五」。
- 一 七一八頁下一〇行第二字「彼」，徑作「諸」。
- 一 七一八頁下一二行末字「足」，磧、普、徑、清作「者」。
- 一 七一九頁上二〇行第一一字「普」，清作「善」。
- 一 七二〇頁下七行「護持」，磧、普、南、徑、清作「護持正法」。
- 一 七二二頁上四行第三字「爲」，磧、普、南、徑、清作「我」。
- 一 七二二頁下卷末經名，徑、清無（未換卷）。



越城縣廣勝寺

佛說海意菩薩所問淨印法門經卷第十

要略卷第十 佛說海意菩薩所問淨印法門經卷第十

尔時海意菩薩摩訶薩白佛言希有  
 世尊多所饒益修大乘者一切衆生  
 謂諸天人雖受天人中樂乃能親近  
 無上涅槃最勝妙樂世尊有幾種法  
 而能隨轉攝受大乘復有幾法於大  
 乘中而能多作復有幾法於大乘中  
 而極難作復有幾法增長大乘復有  
 幾法於大乘中而為障難世尊復以  
 何緣說名大乘

佛告海意菩薩言汝當諦聽我今為  
 說海意當知有一種法攝受大乘何  
 等為一謂不忘失大菩提心復不放  
 逸海意復有一法攝受大乘謂信所  
 作悉墮業報復有一法謂起正見於  
 緣生法不相違背復有一法離愛非  
 愛於一切衆生起平等心復有一法  
 隨住大慈而自救度復有一法起大  
 悲心不著己樂復有一法希求佛身  
 隨念於佛復有一法依法真修隨念  
 於法復有一法住不退轉衆中隨念  
 於衆復有一法蠲除一切煩惱隨念

佛說海意菩薩所問淨印法門經卷第十

第三

經字

於捨復有一法常不忘失菩提心故  
 隨念於戒復有一法住清淨法隨念  
 於天復有一法隨住利樂令它歡喜  
 復有一法住堅固意極善樂欲復有  
 一法起歡喜心為一切衆生施作解  
 脫復有一法從甚深法如理出生勤  
 求正法復有一法不以財利之心而  
 行法施復有一法於聽法者作病人  
 想復有一法於所說法如良藥想復  
 有一法已說法者如醫王想復有一  
 法常行衛護令法久住復有一法令  
 三寶種不斷不絕復有一法無貪相  
 續常生喜足復有一法捨諸所有不  
 起愛著復有一法雖自守戒而常將  
 護諸破戒者復有一法諸惡作者不  
 觀彼過而住於忍復有一法諸善作  
 者現起饒益而住於忍復有一法於  
 背恩者起悲愍慧復有一法於知恩  
 者起恭敬悲復有一法於無智者不  
 起慢心復有一法於有智者隨彼受  
 學復有一法深固善根心無厭捨復  
 有一法於諸善法心常隨轉復有一  
 法無諂曲故三戒清淨復有一法於

說法者愛敬承事如師尊想復有一法捨諸外道文籍善聽正法復有一法修諸善根雖復艱苦於生死中亦不疲懈復有一法於現住世及已涅槃諸佛如來承事供養而無厭足復有一法與諸衆生為不請友復有一法以無依無取無著之心修四攝法復有一法了知在家諸過失已常樂出家復有一法於正士之業常自開發復有一法所作決定住菩提道增修勝行復有一法於同住大乘者不生惱恚復有一法教授菩提心法不生疲懈復有一法善護秘密法使不流散復有一法常當勤求法工巧智復有一法以真實語建立法幢復有一法所發誓願當令畢竟復有一法以無變悔心鈞行布施復有一法常當覺了諸魔事業復有一法常應發起離慢智業復有一法遠於知識樂居寂靜復有一法離增上慢及貢高心不起佗謗復有一法雖復了知諸煩惱已而亦隨順世間行相復有一法淨命自資離諸貪染復有一法深

固相應而常安坐復有一法雖復多聞而常寂定復有一法如理正修瑜伽行地復有一法如實伺察空境界法復有一法於其利衰心無高下復有一法怖畏憐憫獨處園林復有一法若得法利與他同分復有一法善解四聖諦智復有一法於諸智法而無吝惜復有一法為未學者成辦學故心無高勝復有一法若得若失信業報故不生熱惱復有一法恭敬聽法之者善為說法復有一法於親友中離諸貪愛於一切衆生起平等心復有一法於說法師所不起諂心而常讚歎復有一法以調順心故荷擔一切衆生復有一法於諸波羅蜜多相應勤求復有一法精進長養菩提道行復有一法建立信根令無動轉復有一法於國城中不空受食復有一法積集七種聖財而不匱乏復有一法內意真實安固命根復有一法以方便善巧成熟衆生復有一法行法施故而善攝法復有一法離諸諍論說最上法復有一法以無所得心

聽受正法復有一法離沙門垢故而成沙門復有一法以無染愛心入王城聚落復有一法常當伺察過失善護一切衆生復有一法棄捨世間諸雜藝者復有一法於善知識所常當誠實復有一法自心清淨已起智復今一切衆生心得清淨復有一法無虛假故內意清淨復有一法趣向最勝道故深心清淨而此一法善作勝業方便清淨復有一法福清淨已諸相清淨復有一法智清淨已煩惱清淨復有一法衆生清淨已刹土清淨復有一法雖觀無相而善迴向復有一法修隨順忍復有一法於三解脱門常當伺察修習出離復有一法住無所住復有一法證漏盡智神通遊戲復有一法住於止觀所作成辦得明解脫復有一法勤修方便所攝之慧復有一法住三界輪得菩提場莊嚴復有一法謂一切法平等現成正覺復有一法攝受大乘謂一切法自性無性無生無起如是知已即得無生法忍淨意此之一法而能攝受大

乘如是等一法攝受大乘已餘諸攝

受依止而悉捨離  
復次海意有二種法於大乘中而能

多作何等為二一者於佛法中生淨  
信解二者不樂聲聞緣覺乘法有二  
種法於大乘中而極難作何等為二  
一者自解脫已善護未解脫者二者  
隨為彼說解脫之法復有二法多作  
一者常不壞滅大善提心二者伺察  
衆生善為建立復有二法難作一者  
觀善提心猶如幻法二者觀一切衆  
生皆悉無我復有二法多作一者心  
無厭離二者所修方便而不虛假復  
有二法難作一者內心清淨而為根  
本二者無作無不作故修諸福行復  
有二法多作一者勤修善根方便二  
者所修方便而令畢竟復有二法難  
作一者無戲論故而修方便二者所  
修方便任畢竟故其心寂靜復有二  
法多作一者深心趣向勝道二者於  
最勝法中作最勝所緣復有二法難  
作一者說悔自罪二者出離佗罪復  
有二法多作一者捨諸所有二者不

求果報復有二法難作一者起平等

心而行施捨二者善能迴向復有二  
法多作一者護戒無缺二者不求生  
天復有二法難作一者於毀戒者起  
悲愍心二者自具戒德不作貢高復  
有二法多作一者善樂於忍二者迴  
向善提復有二法難作一者捨離高  
心二者尊敬忍辱者復有二法多作一  
者發起精進求諸善法二者於諸善  
根生歡喜心復有二法難作一者身  
心寂靜二者心離依著復有二法多  
作一者積集禪支二者心業調暢復  
有二法難作一者不著禪味二者不  
厭欲界復有二法多作一者勤求正  
法二者常生法欲復有二法難作一  
者伺察於法二者於法寂定復有二  
法多作一者親近善友二者於師長  
所增加尊重復有二法難作一者專  
勤承事二者善言隨順復有二法多  
作一者於時非時而常請問二者隨  
所得義領納於心復有二法難作一  
者修義智二者修法智復有二法多  
作一者聞財無厭二者聞慧無厭復

有二法難作一者伺察深固之法二

者速離不深固法復有二法多作一  
者如理為佗說法二者於聽法者起  
悲愍心復有二法難作一者於法不  
吝二者不以財利之心為佗說法復  
有二法多作一者止息外聽二者攝  
受諸心復有二法難作一者息除五  
蓋二者修七覺分復有二法多作一  
者獲得歡喜二者喜受相應復有二  
法難作一者知法知量二者知自境  
界復有二法多作一者信於業報二  
者善修勝行復有二法難作一者解  
了諸非業報二者增長一切善法復  
有二法多作一者出誠實言二者不  
誑聖人復有二法難作一者如說能  
行二者不壞佛眼復有二法多作一  
者身業清淨二者離三不善復有二  
法難作一者觀身猶如影像二者觀  
如草木瓦礫復有二法多作一者語  
業清淨二者離語四過復有二法難  
作一者解悟不可說法二者智了諸  
聲猶如對響復有二法多作一者心  
業清淨二者遠離貪瞋邪見復有二

法難作一者內心寂止二者外無所  
行復有二法多作一者修慈心觀二  
者於諸眾生起平等心復有二法難  
作一者心如虛空清淨無垢二者自  
度度他而善迴向復有二法多作一  
者常不厭離大悲之心二者勤修善  
根而無懈倦復有二法難作一者伺  
察無生二者善護出離復有二法多  
作一者游戲法園二者除厭離心復  
有二法難作一者圓滿寂然之法二  
者未具法者而令修行復有二法多  
作一者捨離愛染二者斷諸損害復  
有二法難作一者修於捨行二者觀  
察眾生而無艱苦復有二法多作一  
者修念佛觀二者住於無念而起念  
心復有二法難作一者觀於法身二  
者成辦諸相好身復有二者多作一  
者修念法觀二者成辦諸眾生法復  
有二法難作一者伺察離貪二者於  
其貪行眾生起大悲心復有二法多  
作一者隨念諸菩薩眾二者歸向不  
還轉眾復有二法難作一者觀察無  
為二者護得果者復有二法多作一

者隨念於戒二者常不忘失大菩提  
心復有二法難作一者伺察無加行  
戒二者攝受將護破戒眾生復有二  
法多作一者隨念於捨二者捨已不  
生變悔復有二法難作一者斷除已  
之煩惱二者為眾生說斷煩惱法復  
有二法多作一者隨念於天二者不  
求生天復有二法難作一者住正念  
慧二者散亂心者令住念處復有二  
法多作一者增修福行二者增修智  
行復有二法難作一者善修無加行  
智二者於諸福行不生厭離復有二  
法多作一者超越諸著二者於諸愛  
著悉能解脫復有二法難作一者極  
善樂欲二者不生諂誑復有二法多  
作一者知恩二者報恩復有二法難  
作一者斷除欲貪二者於善法欲而  
無厭棄復有二法多作一者說悔諸  
罪二者不作諸罪復有二法難作一  
者不起惡作二者不起隨眠復有二  
法多作一者隨喜他福二者自福無  
厭復有二法難作一者於一切罪起  
盡滅智二者於一切福起長養智復

有二法多作一者勸請諸佛二者護  
持正法復有二法難作一者雖知法  
界本無分別二者智善分別說諸句  
義復有二法多作一者善解迴向二  
者隨所迴向與一切眾生共之復有  
二法難作一者決擇無相二者修諸  
有相復有二法多作一者雖觀於空  
二者觀照眾生復有二法難作一者  
慧起悉無所樂二者方便而有所樂  
復有二法多作一者希求善根二者  
為諸眾生成辦善根復有二法難作  
一者修習無願二者積集所生之智  
復有二法多作一者無著二者無動  
復有二法難作一者無慢二者愛樂  
復有二法多作一者樂居寂靜二者  
領納寂靜功德復有二法難作一者  
修寂靜行二者自度復度一切眾生  
復有二法多作一者少欲二者知足  
復有二法難作一者省察已之煩惱  
二者審觀斷除一切眾生煩惱復有  
二法多作一者安定二者伺察復有  
二法難作一者常省已過二者不觀  
他過復有二法多作一者自離貢高

淨法藏經卷第十 第七十五 卷第十

二者不起他誘復有二法難作一者  
 觀我無我二者觀衆生無衆生復有  
 二法多作一者自常行施二者容受  
 他施復有二法難作一者出離輪迴  
 二者度輪迴中一切衆生復有二法  
 多作一者勤求波羅蜜多二者隨諸  
 所求波羅蜜多如所說住復有二法  
 難作一者得現量智二者成辦他智  
 復有二法多作一者不求世間名聞  
 利養二者勤求正法復有二法難作  
 一者不饒益者為作饒益二者已饒  
 益者而令增極復有二法多作一者  
 所作大慈而無邊際二者所行大悲  
 而無間斷復有二法難作一者已得  
 度者而令證悟二者未得度者而為  
 濟度復有二法多作一者為諸衆生  
 成就功德二者無德衆生起大悲心  
 復有二法難作一者不饒益者作饒  
 益行二者已作饒益而無異想復有  
 二法多作一者常作身念處觀二者  
 身住清淨復有二法難作一者雖作  
 身中身隨念觀二者不與身俱起於  
 尋伺及尋伺道復有二法多作一者

淨法藏經卷第十 第七十六 卷第十

常作受念處觀二者於苦樂等受而  
 無領納復有二法難作一者雖作受  
 中受隨念觀二者不與受俱起於尋  
 伺及尋伺道復有二法多作一者常  
 作心念處觀二者心住清淨復有二  
 法難作一者雖作心中心隨念觀二  
 者不與心俱起於尋伺及尋伺道復  
 有二法多作一者常作法念處觀二  
 者常起決擇法智復有二法難作一  
 者雖作法中法念處觀二者不與法  
 俱起於尋伺及尋伺道復有二法多  
 作一者已生諸不善法悉令除斷二  
 者已生一切善法而能守護復有二  
 法難作一者未生諸不善法防令不  
 生二者未生一切善法當令生起復  
 有二法多作一者常修欲勤心慧四  
 種神足二者應以神足得度衆生而  
 善度之復有二法難作一者雖獲無  
 加行神變二者不動法界能於一切  
 佛刹之中顯諸神應復有二法多作  
 一者自所得信而無動轉二者諸未  
 信者令具於信復有二法難作一者  
 自心而無雜染二者深心衆生令得

淨法藏經卷第十 第七十七 卷第十

清淨復有二法多作一者發起諸精  
 進根二者安住念根不生散亂復有  
 二法難作一者決擇善觀諸精進根  
 二者不著空相而起於念復有二法  
 多作一者於定慧根勤修諸行二者  
 所修諸行不生疲懈復有二法難作  
 一者智無所行二者成熟衆生而有  
 所行復有二法多作一者於諸煩惱  
 觀離煩惱二者已生煩惱勤求出離  
 復有二法難作一者一切法不和合  
 本離煩惱故二者於三界和合為斷  
 一切衆生諸煩惱故

佛說海意菩薩所問淨印法門經卷第十

佛說海意菩薩所問淨印法門經卷第十

校勘記

一 底本，金藏廣勝寺本。

一 七二四頁中一行經名，〔磧、普、南〕作「海意菩薩所問淨印法門經卷第十」；〔徑、清〕無（未換卷）。

一 七二四頁中二行譯者，〔磧、普、南〕作「中天竺三藏朝散大夫試鴻臚卿傳梵大師賜紫法護共惟淨奉詔譯（「譯」，〔普〕作「第四譯」）；〔徑、清〕無（未換卷）。

一 七二四頁中一六行「悉墮」，〔磧、普、南、徑、清〕作「悉隨」。

一 七二四頁下末行首字「法」下，〔磧、普、南、徑、清〕有「於諸善法心常隨轉復有一法」十二字。

一 七二五頁下五行「雜藝」，〔徑〕作「雜執」。

一 七二六頁下二一行「智了」，〔磧、普、南、徑、清〕作「辯了」。

一 七二七頁上一七行「二者」，〔磧、普、南、徑、清〕作「二者」。

〔南、徑、清、普〕作「二法」。

一 七二八頁下卷末經名，〔磧、普、南〕作「海意菩薩所問淨印法門經卷第十」；〔徑、清〕無（未換卷）。



越城縣廣勝寺

佛說海意菩薩所問淨印法門經卷第十一

要謹謹嚴翻散金藏經卷第十一法華本

復次海意復有二法於大乘中而能多作一者精進修七覺支二者深心說覺支法復有二法難作一者不住盡智二者無生智忍復有二法多作一者善行正道二者善知非道不行復有二法難作一者修向道智二者安立正道復有二法多作一者隨順緣生之法二者離二邊見復有二法難作一者善知一切眾生深因深緣二者善知一切眾生淨因淨緣復有二法多作一者覺知魔事二者遠離魔業復有二法難作一者出離諸魔二者令魔隱伏復有二法多作一者已盡之法復無所盡二者無盡之法而不可盡復有二法難作一者本來無盡二者諦觀諸法剎那破壞復有二法多作一者從初發心而即伺察大菩提場二者伺察菩提場故不樂餘乘復有二法難作一者初發心時是即出生菩提場因二者雖復起諸善心而無取著復有二法多作一者

生死相續之者為斷諸結二者善根

相續之者令其發心不生歇離復有二法難作一者若有方分若無方分一切善根悉用迴向無上菩提二者雖復迴向菩提起心諦觀皆如幻法復有二法多作一者令諸眾生普觀菩提二者已觀菩提眾生令觀解脫復有二法難作一者伺察菩提平等故眾生亦平等二者成熟眾生精進無倦復有二法於大乘中而能多作一者發心如理波擇一切善法二者發起大悲之心以諸眾生置涅槃道海意此之二法於大乘中而能多作復有二法於大乘中而極難作一者無生而生二者無起而起海意此之二法於大乘中而極難作復次海意有三種法增長大乘何等為三一者發菩提心增修善根二者為善知識之所攝受不生疲懈三者建立大悲而無退轉此之三法增長大乘復有三法增長大乘何等為三一者勤修勝行二者伺察諸行三者於勝行中為諸眾生而善成辦復有

三法一者攝止慳心二者廣行施捨  
三者迴向善提復有三法一者自集  
淨戒二者將護破戒之人三者迴向  
菩提復有三法一者心無障礙二者  
忿恚衆生今得清淨三者迴向善提  
復有三法一者精進無倦二者懈怠  
衆生而能將護三者迴向善提復有  
三法一者從禪定生二者不著禪定  
三者迴向善提復有三法一者勤求  
多聞二者如聞伺察三者迴向善提  
復有三法一者起於緣衆生慈二者  
起於緣法之慈三者起於無緣之慈  
復有三法一者自所作故起於悲心  
二者爲他作故起於悲心三者離二  
邊故起大悲心復有三法一者勤求  
自利之智二者勤求利他之智三者  
發勤精進二利圓滿復有三法一者  
過去已盡之智二者未來未至之智  
三者現在住法界智復有三法一者  
於其正定衆生起方便慈二者於其  
不定衆生起解脫慈三者於其邪定  
衆生起大救度慈復有三法一者得  
樂受故身業調暢二者善護他故語

言甘美三者行正直故心業堪任復  
有三法一者雖修不淨之觀而於貪  
行衆生類中不生厭離二者雖修慈  
心之觀而於瞋行衆生類中不生厭  
離三者雖修緣生之觀而於癡行衆  
生類中不生厭離復有三法一者利  
益修勝行故二者歡喜常知足故三  
者清涼永無熱惱故復有三法一者  
任持所聞二者摠持文句三者入於  
智覺前後際斷故復有三法一者攝  
集七聖財故而不匱乏二者法施無  
障礙故能行大捨三者所有財利鉤  
衆分故常得大富復有三法一者誠  
諦入勝義諦故二者真實無虛誑故  
三者如常無變異故復有三法一者  
自知今我云何二者知諸衆生當何  
施作三者知時解時非時諸分位故  
復有三法一者慈法蘊平等二者界  
法界平等三者處觀如空衆復有三  
法一者不壞因果二者能善長養諸  
緣三者和合互相涉入復有三法一  
者不違背佛二者不毀謗法三者不  
輕慢衆而常尊重恭敬承事復有三

法一者止息於貪二者遠離於瞋三  
者開曉於癡復有三法一者入世俗  
諦二者真實說相三者勝義諦無住  
復有三法一者於諸衆生不起輕慢  
二者於阿羅漢常生尊敬三者不爲  
煩惱之所制伏復有三法一者不染  
欲界二者不樂色界三者不著無色  
界復有三法一者於衰譏毀若其心  
不下二者於利稱譽樂其心不高三  
者不染世之八法猶如山王安固無  
動復有三法一者隱密諸根二者善  
解諸結三者善調其心復有三法一  
者建立地位功德二者能離地位過  
失三者於地地中善能勝進復有三  
法一者內心起勝上智二者深心起  
悲別智三者方便起安立智復有三  
法一者定清淨已得增上戒學二者  
慧圓滿已得增上心學三者解脫圓  
滿已得增上慧學復有三法一者樂  
受斷除貪愛二者苦受斷除瞋恚三  
者不苦不樂受斷除無明復有三法  
一者雖轉於因而無加行二者雖轉  
煩惱而無分別三者雖轉三界而無

法華經疏卷第六

第九疏

第六

願求復有三法一者沈擇於空遠離諸見二者沈擇無相止息尋伺三者沈擇無願三界寂滅復有三法一者眼空二者色境離性三者眼識無住復有三法一者耳空二者聲境離性三者耳識無住復有三法一者鼻空二者香境離性三者鼻識無住復有三法一者舌空二者味境離性三者舌識無住復有三法一者身空二者觸境離性三者身識無住復有三法一者意空二者法境離性三者意識無住復有三法一者密修於戒二者善護於定三者沈擇於慧復有三法一者修念任持正法二者修慧深固伺察三者修行覺了行義復有三法一者隨住聲聞聖諦聲中說解脫法二者隨住緣覺緣生法中說解脫法三者隨住菩薩六波羅蜜諸勝行中說解脫法復有三法一者捨謂捨一切珍寶二者大捨謂捨妻子奴婢眷屬三者極捨謂捨身分頭目手足復有三法一者護持正法二者護持諸法師三者護持大乘之法復有三

法華經疏卷第六 第七疏 第六

法一者不令生死相續二者覺悟生死過失三者遠離生死罪業復有三法一者無蓋障心聽受正法二者無隨眠心而常宴坐三者以出離心能正修行復有三法一者所聞依義二者觀察依智三者解脫依法復有三法一者多聞樂居寂靜二者住寂靜已深固作意三者深固作意相應而能覺了諸法平等復有三法一者恭敬智者二者請問多聞三者護修定者復有三法一者不以得利之心而行法施二者於聽法者慈心攝受三者起一切智心現前所作復有三法一者心平等故眾生平等二者無種種性故諸法平等三者智平等故諸佛平等復有三法一者智知三世平等二者慧解三解脱平等三者了悟三界平等復有三法一者善觀諸行無常亦復是苦二者善觀諸法無我三者善觀涅槃寂靜復有三法一者誓願真實住畢竟故二者所聞真實如理修行三者三摩地真實發生勝慧復有三法一者已作之罪而不覆

法華經疏卷第六 第八疏 第六

藏二者未作之罪防令不起三者現所有罪悉令悔滅復有三法一者遠離惡作二者遠離隨眠三者遠離疑惑復有三法一者樂居寂靜二者離於貪愛三者起善法欲復有三法一者住深法忍二者說種種法三者得一切處通達辯才復有三法一者所聞決定摠持二者得佛加持辯才三者諸所說法賢聖攝護復有三法一者從初發心坦平如地二者諸行畢竟諸行相續三者雖轉諸想而住不退轉地復有三法一者圓滿聞所成忍二者思所成忍而不流散三者獲得無生法忍復有三法增長大乘一者方便與慧和合修諸道行二者大慈大悲和合成熟眾生三者精進不放逸和合護持正法海意此之三法而能增長大乘復次海意有四種法於大乘中而為障難何等為四一者惡聞所謂尋求外道文籍二者於其六波羅蜜菩薩藏正法不樂聽受三者增上慢心起諸魔業四者業障隨逐毀謗正法海

意此之四法於大乘中而為障難復有  
四法於大乘中而為障難何等為  
四一者貪愛二者瞋恚三者愚癡四  
者煩惱增盈不求善法功德復有四  
法一者嫉佗得利二者諛曲親近諸  
說法師三者起點利慧誑行饒益四  
者以不實心而作欺誑復有四法一  
者於善友所起惡友想二者於惡友  
所起善友想三者於非法中起正法  
想四者於正法中起非法想復有四  
法一者常起慳染之心二者見乞巧  
人即起損害過失之心三者施已生  
變悔心四者起昔一切智心復有四  
法一者欲心行施二者過失心行施  
三者怖畏心施四者愚癡心施復有  
四法一者為求名稱故施二者為求  
美譽故施三者為求善聲故施四者  
為求讚歎故施復有四法一者以世  
俗情義故施二者有所為事故施三  
者不顯明施四者不自手施復有四  
法一者以麤物施二者不貴重施三  
者不恭敬施四者增上慢施復有四  
法一者以利刀施二者以毒藥施三

者不軌法施四者損害心施復有四  
法一者於持戒人生瞋恚心二者於  
破戒人起彼損害不將護心三者自  
所修戒而常雜亂四者於說戒人起  
殺害想復有四法一者好求艱苦財  
利二者若得法利不鈞佗分三者不  
欲佗人所得利養四者於自得利不  
生知足復有四法一者身曲非威儀  
道二者語曲所言不實三者心曲欲  
作諸罪四者一切處曲不以淨命而  
資養故復有四法一者於其同住大  
乘之者起瞋恚心二者不能覺了諸  
魔事業增上慢故三者聞非所說而  
即喜行四者聞說諸善功德而生惱  
意復有四法一者高慢正法不能親  
近二者於說法師不起尊重三者於  
其父母師長及親教師不生歸敬四  
者身心堅癡諸所起行常生違背復  
有四法一者舉揚自德二者隱覆佗  
德三者我慢熾然四者堅猛瞋恚復  
有四法一者懈怠二者昏沉三者不  
正順四者執著復有四法一者不調  
伏二者不寂靜三者不隱密四者不

乘善復有四法一者少聞入於國城  
乘落二者不具戒蘊而求利養三者  
不護身儀入女人舍四者不住等引  
之心解入一切眾生根性復有四法  
一者不能勤修四攝之法二者棄捨  
成熟眾生三者毀謗正法不作護持  
四者於說法人而生燒惱復有四法  
一者愚癡常生多欲二者瞋恚樂作  
諸罪三者貪愛不生喜足四者求利  
心常無厭復有四法一者不信而常  
掉舉二者親近惡友不歇捨罪三者  
懈怠滅沒善法四者放逸所作善根  
而皆喪失復有四法一者不能內觀  
察故而常無慙二者慧解不明曉故  
而常無愧三者與無間業等故而不  
知恩四者雖於佗人少行善利而自  
伐滅返生誣謗復有四法一者瞋二  
者忿三者恨四者害復有四法一者  
虛狂諸聖二者不護諸聖三者輕慢  
施主四者於阿羅漢起增上慢復有  
四法一者身業不能清淨二者語業  
不能善護三者心業雜染四者於大  
乘中而生疲倦復有四法一者於眾

法華經卷第十一 第三十

法華經卷第十一 第三十

法華經卷第十一 第三十

聚中而起兩舌二者於師長阿闍梨

所而發惡語三者於諸來求者而興

綺語四者虛誑人天復有四法一者

不護戒蘊二者不越佗世三者散失

善根四者破壞長養勝行復有四法

一者於大衆中起強勝心二者於集

會所執高慢心三者常出惡言欲離

於罪四者以雜亂語說世間典復有

四法一者以不勤行心居寂靜處二

者多損害心居憤鬧中三者不種善

根起有福想四者竊善薩名求利活

命復有四法一者心不柔順二者其

心麤曠三者心不調伏四者於諸衆

生起艱苦心復有四法一者憍恃持

戒二者憍恃多聞三者憍恃住阿蘭

若四者憍恃頭陀功德復有四法一

者計我為勝二者計法為勝三者以

少善根計為高勝不迴向善提四者

先修大乘之行中樂聲聞緣覺乘法

復有四法一者執著於身二者執著

於心三者執著於戒四者不向勝道

復有四法一者親友家乞於非家用

二者追求利養自謂清淨而復喜見

破戒之者三者耽樂俗舍四者於具

戒人而生瞋恚艱苦所作起諸纏縛

復有四法一者多作事二者多求利

三者多語言四者多知識復有四法

一者我見取著於我二者衆生見取

著衆生三者斷見取著無作四者常

見取著身命復有四法一者雖於諸

事有所發起二者既發起已不能攝

持三者不攝持故而生疲懈四者以

疲懈故乃起怖畏復有四法一者不

修外進地地之智二者不能善修禪

定三者棄捨衆生勝慧不行四者雖

修願及方便而起有得之想復有四

法於大乘中而為障難一者法障隨

眠而根性鈍二者業障隨眠於諸善

根而不勤行三者煩惱障隨眠三蘊

隨轉四者魔事隨逐忘失菩提心海

意如是等四法於大乘中而為障難

佛說海慧菩薩所問淨印法門經卷第十一

孔 日 官 日 尹 元

講唯識因明論賜紫沙門日 證義

講上生經百法論賜紫沙門日 證義

講法華經賜紫沙門日 證義

講金剛上生經因明百法論賜紫沙門日 證義

講百法論慧日大師賜紫沙門日 證義

講法華經演教大師賜紫沙門日 證義

講因明論寶印大師賜紫沙門日 證義

講南山律慈忍大師賜紫沙門日 證義

講唯識因明論賜紫沙門日 證義

右街講經首座文章智印大師賜紫沙門日 證義

梵學 慧悟大師賜紫沙門日 證義

梵學 演法大師賜紫沙門日 證義

淨經藏刪教矣感德光光大師賜紫沙門日 證義

入內內待省內侍高品監譯經日陳之

佛說海意菩薩所問淨印法門經

卷第十一

校勘記

一 底本，金藏廣勝寺本。

一 七三〇頁中一行經名，磧、普、南作「海意菩薩所問淨印法門經卷第十一之十二」；徑、清無（未換卷）。

一 七三〇頁中二行譯者，磧、普、南作「中天竺三藏朝散大夫試鴻臚卿光梵大師賜紫惟淨共法護奉詔譯（「譯」，普作「第四譯」）」；徑、清無（未換卷）。

一 七三〇頁中三行「復次海意」，磧、普、南、徑、清無。

一 七三〇頁下一六行「難作」，至此，徑、清卷第五終，卷第六始。

一 七三二頁上一四行「任持」，磧、普、南、徑、清作「住持」。

一 七三三頁上一七行「美譽」，磧、普、南、徑、清、麗作「美譽」。

一 七三四頁中八行末字「攝」，磧、普、南、徑、清作「聞」。

一 七三四頁中卷末經名，磧、普、南、徑、清無（未換卷）。



蓮花廣勝寺

佛說海意菩薩所問淨印法門經卷第十二

晉天竺三藏法師鳩摩羅什譯

世尊說是攝受大乘等諸法時會中四萬四千衆生及千天人悉發阿耨多羅三藐三菩提心二萬八千菩薩得無生法忍而此三千大千世界六種震動有大光明廣照十方有千天人處于空中言音互發喜躍回旋復雨殊妙天諸寶花鼓吹歌音奏天妙樂而為供養以妙偈詞而讚嘆曰

如是最上大法藏 如來今日親開示  
久已安住大悲心 為諸衆生明顯了  
說此偈已又作是言世尊若人於此  
如來所說大法寶藏而能受持極少  
分者是人速能解脫一切地獄恐怖  
次第當轉無上法輪世尊譬如有人  
去彼州城聚落不遠見地伏藏中有  
無盡珍寶充滿是人以具利益心故  
見已即時詣州城中語諸人言汝等  
善來汝若欲求諸珍寶者我知方處  
當示於汝無盡伏藏世尊彼州城中  
有一類人雖聞其言而不信受有一  
類人信其所說即同其人詣伏藏所

佛說海意菩薩所問淨印法門經卷第十二

隨自力能恣取其寶如其智量得寶而還然彼伏藏取而無盡亦無分別此人我與彼人不與此人應取彼不應取何以故而是伏藏無分別故世尊諸佛所說大法寶藏亦復如是佛於阿僧祇俱胝那度多百千劫中積集如是無上廣大妙法寶藏既積集已詣菩提場成正覺果復於波羅奈國鹿野苑中轉大法輪今日世尊又復轉此集會正法開示無上大法寶藏而佛世尊以無取心於諸衆生起大悲行作利益事諸不知者以妙梵音普徧告諭諸天及人阿修羅等而表示言汝等來此受持無上廣大寶法此法能盡生老病死諸苦邊際能施一切無盡妙樂世尊或有一類不具於信愚癡之人於此正法不生勝解復不正順不能分別故不生信或有一類具信之者於此正法能善分別而生勝解復起正順以能分別故深生淨信是人乃能於佛如來大法寶藏隨力堪任取其法寶自取寶已復令他人於彼諸乘解脫法中而生

信解或有樂住聲聞乘性或有樂住緣覺乘性或有樂住阿耨多羅三藐三菩提者然佛如來無上最勝大法寶藏而無窮盡亦無分別又復世尊今此無上大法寶藏如是當大開發顯示而諸眾生於此法寶摠略乃至極少分中有不能取者是人不得寶故於長夜中行三惡趣無有窮盡世尊若復有人於此無上大法寶藏少略乃至或能受持一四句偈者是人具足七種聖財而不貧匱何況有能於此廣大集會正法少略一品信奉受持或復二三四五若十二十逮七十品乃至終畢能受持者是人所獲功德不可稱計何以故今此法門不離菩提心故為諸眾生起大悲心所逼切故是故若人能起淨心受持讀誦為他說者應知彼人得受阿耨多羅三藐三菩提記當坐道場降伏諸魔於大乘中得大神通

尔時世尊讚諸天子言善哉善哉諸天子眾汝等善說當知善能於此正法受持讀誦而生勝解如理修行者

是人建立一切語言勝妙功德是人得至一切智頂復知是人廣為一切世間作智慧光普徧照曜誦菩提場不久當成阿耨多羅三藐三菩提果何以故由能乘御此大乘故

尔時世尊重說頌曰

建立此最勝 如虛空光明 出離三有已 無彼有著心 俱脫劫積集 布施調止門 由戒止諸罪 離諸怖畏心 平等心及意 超勝於餘乘 趣此大乘法 高建大法幢 聞精進相續 忍辱力隨得 摧伏諸外眾 誦淨菩提場 慈心為甲冑

廣大諸佛乘 越諸世間故 往詣菩提場 已離諸繫著 廣大清淨說 令內心深固 身心得清淨 往詣菩提場 容受諸眾生 謂諸下乘等 令眾生歡喜 神足御如馬 禪定為牀坐 大智慧灌頂 破諸魔軍已 趣向大乘法 怨惡不能壞

行堅固大悲 四禪四神足 調御菩提心 十方無邊際 悉於此大乘 無苦亦無樂 最上佛乘中 修行四念處 四神足亦然 如佛所讚說 遊行八正道 寂止諸煩惱 破一切暗塵 神力普能召 汝等各善御 諸波羅蜜多 精進禪定門 及彼方便行 縱百千魔軍 毀戒諸眾生 高勝諸菩薩 若所起諸心 能御大乘人

趣向深法理 乘四無量行 不捨諸正道 一切眾生界 乘御而修進 非減亦非增 具如是神力 及彼四正斷 五根五力等 具七覺支寶 往詣菩提場 圓具法光明 顯出於三有 帝釋梵王等 此無比大乘 謂施戒及忍 勝慧智神力 所攝真實願 此悉能摧伏 勤造諸罪業 集多種功德 菩提心廣大 彼悉能觀察

所有世間典  
乃至出世間  
有學及無學  
住於佛乘者  
若種種煩惱  
諸苦惱眾生  
住於佛乘者  
令彼等息苦  
又諸懈怠人  
而不能運心  
由聞大乘已  
唯求自樂因  
若明解大力  
精進力具圓  
行大悲方便  
由乘最上乘  
普盡諸世間  
上中下等差  
乘此最上乘  
剎那能徧知  
身得妙相好  
語出悅美音  
心意得清淨

種種義及行  
真實諸善法  
緣覺諸聖人  
悉入彼彼門  
及種種心行  
輪轉有為界  
菩薩悉能觀  
趣向畢竟乘  
劣弱無勢力  
盡眾生苦際  
彼心生恐怖  
不作利化行  
有大智菩薩  
眾生常利益  
內心性清淨  
故彼心歡喜  
無邊種種行  
根性及意樂  
具大智菩薩  
諸眾生心行  
莊嚴諸身分  
一切聞皆喜  
具禪定神通

海心經卷第十三  
由乘最上乘  
此最上佛乘  
乃至一切佛  
增長最上眼  
超越三界眾  
此乘淨微妙  
菩薩御此乘  
十方界往已  
觀此無比乘  
御佛乘大士  
超勝及比倫  
世間一勇猛  
由乘最上乘  
獲色力威勢  
或帝釋梵王  
乃至天人及人  
由乘最上乘  
菩薩心無高  
能施諸所愛  
以歡喜慈心  
由乘最上乘  
菩薩持淨戒  
禁戒淨光明

華嚴經卷第八  
獲廣大功德  
三界徧聞故  
聖佛眼不斷  
謂法眼熾然  
即諸阿羅漢  
不墮穢土中  
剎那見諸佛  
無疲亦無減  
有如是神變  
徧行諸世間  
求之俱不得  
菩薩大威神  
能怖魔軍眾  
及得廣大富  
輪王護世等  
得是三界樂  
妙樂悉圓具  
而亦復無下  
施已不求報  
亦施於頭目  
迴向菩提故  
或具於梵行  
煥耀踰日月

海心經卷第十三  
色相及富盛  
由乘最上乘  
菩薩聞惡言  
正使碎其身  
此身即易得  
由乘最上乘  
菩薩於無邊  
循環惡趣中  
發大精進力  
由乘最上乘  
菩薩得寂靜  
知定功德法  
是中無少分  
唯思念希求  
菩薩知諸法  
我法及眾生  
諸見善清淨  
由乘最上乘  
所有四聖諦  
及五種智通  
於四攝法中  
如是功德門  
所有十力等

華嚴經卷第八  
悉無所希求  
為救度眾生  
不忿亦不恚  
亦護諸群品  
法王值極難  
得此忍清淨  
百千劫已來  
流轉生死界  
為救度眾生  
精進力成就  
柔軟勝妙樂  
慈眼視眾生  
味著禪定樂  
得見於諸佛  
因緣所生空  
彼皆無所得  
勝慧調伏心  
此妙慧清淨  
四無量四定  
四無礙解等  
法施為最上  
皆從佛乘出  
無邊諸佛法

佛人中師子  
 眉間及口中  
 由乘最上乘  
 諸佛有三種  
 調伏於世間  
 諸佛所說法  
 由乘最上乘  
 佛語義相應  
 緊那羅梵音  
 普攝諸世間  
 聞佛妙音聲  
 菩薩非久獲  
 等空佛刹中  
 普徧悉能聞  
 衆生聞皆樂  
 假使以神力  
 十方海水中  
 無邊衆生行  
 唯佛最上乘  
 亦能知其量  
 剎那心尚知  
 功德說無盡  
 亦時世尊復告海意菩薩摩訶薩言  
 海意是故當知若有菩薩欲於如是  
 廣大正法密作護持令法久住自心  
 潔白已於他衆生及補特伽羅所有

一切上中下根能徧知者應當受持  
 如是句義所謂門句印句及金剛句  
 得受持已如義解了以慧相應最勝  
 方便如理伺察海意何者名為門句  
 所謂諸施設門表示一切法分別義  
 阿字門表示一切法無生義波字門  
 表示一切法勝義諦那字門表示一  
 切法了知名色義捺字門表示一切  
 法調伏寂靜義娑字門表示一切法  
 出過諸著義多字門表示一切法隨  
 住真如義迦字門表示一切法了達  
 業報義又娑字門表示一切法平等  
 無差別義摩字門表示一切法大悲  
 義誡字門表示一切法最極甚深難  
 徹源底義惹字門表示一切法超越  
 老死義馱字門表示一切法法界無  
 分別義設字門表示一切法圓滿奢  
 摩佉義佉字門表示一切法虛空煥  
 明義义字門表示一切法普盡無生  
 義倪野字門表示一切法智無著義  
 佉字門表示一切法善解處非處義  
 塞迦字門表示一切法了知諸蘊義  
 婁字門表示一切法畢竟無邊際義

身寂靜門表示一切法無貪深義心  
 寂靜門表示一切法調伏瞋癡義止  
 息門表示一切法歸趣無著義深固  
 門表示一切法出離三際義住實性  
 門表示一切法住法界義無取門表  
 示一切法解脫相義無執著門表示  
 一切法離諍論義無雜深門表示一  
 切法清淨相義法自性門表示一切  
 法本來明淨義妙光明門表示一切  
 法煥明義觀想門表示一切法離散  
 義無攝藏門表示一切法不和合義  
 菩提門表示一切法平等一味義涅  
 槃門表示一切法離諸煩惱義海意  
 如是等門句能受持者得自心潔白  
 已於他衆生及補特伽羅上中下根  
 悉能了知  
 復次海意何名印句所謂一切法解  
 脫印所印法本無二二清淨故一切  
 法二邊無邊印所印斷常清淨故一  
 切法盡離貪印所印盡門盡際中無  
 盡無邊際故一切法無高無下印所  
 印平等性實際清淨故一切法如虛  
 空印所印出過五眼道故一切法住

虛空印所印法界即虛空界故一切  
 法無分別印所印法界涉入故一切  
 法法界印所印法無分別相故一切  
 法真如印所印前後際如實故一切  
 法實際印所印本來清淨故一切法  
 空印所印有為同等故一切法無相  
 印所印遠離差別諸所緣故一切法  
 無願印所印離諸所求故一切法無  
 常印所印自性無性無相故一切法  
 苦印所印五蘊善積集相故一切法  
 無我印所印自性無我故一切法寂  
 靜印所印畢竟無動故一切法誠諦  
 印所印普徧攝入勝義諦故一切法  
 無動印所印種子無住故一切法不  
 壞印所印畢竟決定故一切法如如  
 印所印前後際不斷故一切法三世  
 平等印所印於一切處同一味故一  
 切法無生印所印自性無所有故一  
 切法無滅印所印自性無生故一切  
 法不相待印所印離增上慢故一切  
 法無戲論印所印一切尋伺無積集  
 故一切法明了無相印所印無諸色  
 相所表示故一切法無染印所印依

止斷故一切法無成辦印所印對治  
 不可得故一切法非業報印所印一  
 切無造作故一切法無為印所印悉  
 離生滅諸分位故一切法平等性印  
 所印諸法等虛空悉無差別故海意  
 此等名為印句是諸印句乃是過去  
 未來現在諸佛世尊菩提之印如是  
 印句所有八萬四千法蘊於中出生  
 如是印句普攝諸佛及諸菩薩最上  
 智印速疾證得無生法忍海意如是  
 等印句所有不種善根諸眾生等而  
 不得聞又此法門善能降伏一切魔  
 業海意所有無盡摠持寶篋而能藏  
 攝彼一切法是法皆從印句中出又  
 復八萬四千三摩地門及徧入八萬  
 四千衆生心行及千波羅蜜門悉從  
 如是印句中出而此印句亦復隨入  
 彼彼法門

佛說海意菩薩所問淨印法門經卷第十二

孔 日 官 日 尹 元

講法華經講法華經講法華經

佛說海意菩薩所問淨印法門經

卷第十二

校勘記

- 一 底本，金藏廣勝寺本。
- 一 七三六頁中一行經名、二行譯者，  
[磧、普、南、徑、清無（未換卷）]。
- 一 七三六頁中一五行「是人」，[磧、普、南]作「見人」。
- 一 七三七頁中二一行「外衆」，[磧、普、徑、清]作「外乘」。
- 一 七三九頁中一二行「又娑字門」，  
[磧、普、南、徑、清]作「又娑字門」。
- 一 七三九頁中末行首字「娑」，[磧、普、南、徑、清、麗]作「娑」。
- 一 七三九頁下末行「五眼」，[普]作「王眼」；[徑、清]作「天眼」。
- 一 七四〇頁上二一行末字「集」，[磧]作「義」。
- 一 七四〇頁中卷末經名，[磧、普、南]作「海意菩薩所問淨印法門經卷」。

第十二；[徑、清]作「海意菩薩所問淨印法門經卷第六」。

越城縣廣勝寺



佛說海意菩薩所問淨印法門經卷第十三

謹識三藏經卷第十三 佛說海意菩薩所問淨印法門經卷第十三 華嚴經疏

復次海意云何是金剛句謂即自身是金剛句自性無分別故海意此金剛句於諸見中決擇而轉無明是金剛句入諸明故此金剛句於所緣事中徧知而轉五無間際是金剛句無加行平等故此金剛句於諸加行徧知而轉貪際是金剛句離貪際平等故此金剛句於貪離貪平等而轉瞋際是金剛句慈際平等故此金剛句破諸瞋恚癡際是金剛句慧光明平等故此金剛句開顯明慧一切衆生一衆生是金剛句徧入衆生平等故此金剛句而隨覺了衆生自性一切衆生心一衆生心是金剛句入無心故此金剛句而隨了知心之自性本來明澈一切佛一佛是金剛句徧入真如平等故此金剛句而隨覺了平等性智一切刹土一刹土是金剛句徧入無盡刹土故此金剛句隨知虛空平等一切法一法是金剛句入一切法性平等故此金剛句而隨了知

海意菩薩經第十三 第二張 密字号

無二法門一切法佛法是金剛句於一切處智隨入解故此金剛句而隨覺了金剛喻定諸魔事業諸佛事業是金剛句入諸魔業隨警悟故此金剛句出過一切魔之事業一切語言如來語言是金剛句徧入一切音聲隨解了故此金剛句而隨了知不可說法一切法無生是金剛句入無滅故此金剛句超越生老病死之道一切法無起是金剛句入無止息故此金剛句而能隨轉諸法寂滅海意此如是等諸金剛句是不破壞句是精妙句是平等句是聖諦句是堅固句是無種種句是愛樂句是不斷句是寂靜徧寂近寂之句是無作用句是不和合句是入無趣之趣句是無行句是真性句是如實句是不背佛句是不謗法句是不破僧句是如所說句是三輪清淨句是勇猛句是梵行句是空寂句是虛空句是覺支句是無相句是無願句是法相句是心意識無住句是摧伏諸魔外道句是清淨無垢明澈句是觀照菩提句是慧光

明句是無法顯示句是畢竟不生不滅句是自境界清淨句是入佛境界句是無思惟分別徧計句是法界無差別句是入無句之句句海意如是等金剛勝妙諸句若有菩薩隨能領受決擇其義者我說是人決定當坐菩提道場作師子吼當佛世尊說是門句印句金剛句時此會中有八千菩薩獲得入一切法門印陀羅尼及得徧入一切眾生意樂三摩地

尔時十方世界所來集會一切菩薩摩訶薩眾聞是法已踊躍歡喜心意快然各以神力隨自所來諸佛刹土彼彼刹中各所有花鬘塗香及抹香等而悉集來於此會中廣雨眾妙花鬘香等普用持奉供養世尊釋迦牟尼如來及此正法願此正法久住世間是諸菩薩作供養已同發妙音讚歎世尊說伽陀曰

無相顯示於色相 一相離相大聖尊  
諸相平等相無相 稽首安住真實相  
徧入一切眾生理 所入音聲智隨入  
一切音聲解脫門 稽首平等心解脫

世間差別諸心行 心如幻故無所覺  
無行等行無所行 我礼虚空心明顯  
有無平等邊無邊 法法分別離分別  
一切心意本寂然 我今頂礼心寂靜  
佛知因緣諸運用 佛能宣說諸因行  
因緣解脫本際中 佛知實際真平等  
今此徧入平等相 我觀善逝身非身  
不可分別有相身 故現差別諸妙相  
所有十方佛刹土 皆同入此佛刹中  
而此佛刹無所增 彼刹無動亦無減  
諸心平等心無心 幻心無異無分別  
了知平等菩提心 世尊常行平等法  
法界混入平等界 諸法無性而可入  
性常平等深淨中 我礼世間利益者  
日月尚可使墜地 風無形相亦可繫  
須彌山可吹如塵 唯佛世尊無妄說  
真實語言本清淨 淨心如空心明煥  
世法貪愛不染心 如蓮不染居三有  
或聞稱讚不生喜 或聞譏謗不生瞋  
如須彌山不動搖 我礼世間與樂者  
尔時彼諸菩薩摩訶薩眾說是伽陀  
讚歎佛已俱白佛言世尊由佛世尊  
出世間故即是寶出佛出世故即是

樂出即念慧行智出即布施持戒忍  
辱精進禪定勝慧出即慈悲喜捨出  
即勝義出即實諦出即正法出即作  
證法出即念處正勤神足根力覺道  
之法出即奢摩佗出即毗鉢舍那出  
即六通三明八解脫出以要言之即  
斷一切不善法集一切善法出

尔時會中有一菩薩名曰慧積前白  
佛言世尊如我解佛所說義者以有  
身見生故佛出世以無明有愛生故  
佛出世貪瞋癡生故佛出世四顛倒  
生五蓋六入七識處八邪法九惱處  
十不善業生故佛出世何以故為斷  
一切眾生理不善業故佛出世然佛  
世尊亦無對治及增勝力以無所對  
治故佛出世世尊若諸菩薩欲知諸  
佛出世因者應如是知如是修學佛  
言善男子如是如是如彼所說如佛  
出世應如是知如是修學以佛出世  
如是因故諸法出世亦如是知

尔時海意菩薩摩訶薩白佛言世尊  
彼初發心菩薩聞如是說佛出世因  
彼不解了故謂佛出世者云何如是

海意菩薩經第五

第六法

密字五

佛言海意佛出世因而諸菩薩隨其所應心得清淨所以者何海意當知菩薩有四種何等為四一者初發心菩薩二者修行位菩薩三者不退轉菩薩四者一生補處菩薩海意於此四種菩薩之中若初發心菩薩觀佛如來色相莊嚴心得清淨若修行位菩薩觀佛如來成辦一切勝妙功德心得清淨若不退轉菩薩觀佛法身心得清淨若一生補處菩薩者彼不觀佛色相莊嚴亦不觀佛種姓族氏亦不觀佛成辦功德是而悉無法可觀何以故慧觀照故慧眼力故慧所攝故慧無行故離諸戲論彼不如是觀亦非無觀何以故有見無見斯為二種此位菩薩於見非見離彼二邊如是觀佛以如是觀佛故觀身亦然觀身清淨已即觀佛清淨觀佛清淨已應知一切法亦如是清淨如是觀中若清淨者是為智觀此即名為真實觀佛海意由如是故我昔得見然燈如來我時見已獲得無生法及無所得相應忍即時涌身虛空處

海意菩薩經第五

第七法

密字五

七多羅樹處虛空中得一切智智無差別力永斷諸見越諸思惟分別偏計於諸境界意無所住今時復得六萬三摩地門是故然燈如來為我授記汝於來世當得作佛號釋迦牟尼如來應供正等正覺我當彼佛說記之時我於耳根無所對礙亦非餘識有所了知我於和合有所得見中而無所住我於今時無佛及佛想無我及我想亦無授記及授記想海意是故菩薩三輪清淨授成佛記三輪清淨者謂無佛及佛想無我及我想亦無授記及授記想海意復有三輪清淨何等為三謂無我執無眾生執無法執復有三輪清淨謂無名執無色相執無所緣執復有三輪清淨謂過去已盡智未來未至智現在住法界智復有三輪清淨謂身如影像智語如響智心如幻智復有三輪清淨謂五蘊與法蘊平等十八界與法界平等十二處觀如空聚復有三輪清淨謂解了於空信順無相無願無求海意若此三輪清淨即一切法清淨是

海意菩薩經第十三

第八法

密字五

故諸菩薩若三輪清淨者應修善巧之智  
 今時海意菩薩復白佛言希有世尊彼不退轉菩薩而能具足甚深法智世尊若諸菩薩能具如是法智之者彼即善能成熟功德佛告海意菩薩言海意當知此位菩薩以本願力故善作勝業而彼菩薩設在散位之中以本願力而亦不壞成熟功德海意世有一等無智之人不能解我所說今以喻言當令聞者由譬喻得解海意譬如世間有甘蔗田或復稻田或復豆田農作之人於彼諸田作治事已開其水道隨彼畎澮流注周徧水悉盈滿是農作人善安布已憩於他所彼諸田中隨處所經水自然入不假田人更施功力所植諸田各得成熟菩薩亦復如是或時雖居散位有善方便於一切眾生相續善根之中而能成熟隨其所說一切佛法中諸有善根悉能圓滿而彼菩薩心意清淨善護戒蘊或在定位之中以本願力故而能成熟一切善根令諸眾生

於佛法中相續滋長一切善法海意以是緣故當知諸菩薩隨其所應不假施力而自圓滿一切善根復善迴向於一切智是故諸菩薩若定若散以本願力於諸善根中身心調暢念不散亂不墮下乘趣向大乘海意譬如城中有一大樹或有人來斷彼樹根斷已即去當斷樹時樹漸低下畢竟須隨斫處墮地菩薩亦復如是於長夜中修習善法趣向一切智漸入一切智畢竟成熟一切善根既成熟已悉用迴向於一切智迴向一切眾生共其功德迴向願令三寶聖種不斷不絕迴向圓滿身相莊嚴具諸相好迴向圓滿語業莊嚴廣為衆生說無誑法迴向圓滿心業莊嚴常念諸佛定願成就而是菩薩不假功用無所發悟悉能成熟一切善根普用迴向於一切智不墮餘乘若定若散於菩提分法修習圓滿皆由本願方便善巧迴向之力海意又如苾芻欲入滅定先當要期間捷稚聲然後出定彼入定已而捷稚聲亦不入於定中

而是苾芻後假捷稚之聲乃從定起菩薩亦復如是為欲解脫一切衆生起大悲誓願我當救度一切衆生普令解脫悉當成辦菩提事業於諸衆生廣行慈心於生死流中運心意識普為濟度雖入定中以本度脫衆生大悲願故終不墮於聲聞緣覺之地後從定起開發正慧還復積集菩提分法廣為衆生成熟化度海意汝且觀是諸菩薩者所作事業而悉最勝雖入寂靜三摩地中而能出過聲聞緣覺解脫境界

佛說海意菩薩所問淨印法門經卷第十三

佛說海意菩薩所問淨印法門經

卷第十三

校勘記

- 一 底本，金藏廣勝寺本。
- 一 七四二頁中一行經名，磧、普、南作「海意菩薩所問淨印法門經卷第十三之十四」；經、清作「海意菩薩所問淨印法門經卷第七」。
- 一 七四二頁中二行譯者，磧、普、南作「中天竺三藏朝散大夫試鴻臚卿光梵大師賜紫惟淨共法護奉詔譯」；譯作「第四譯」；經、清作「宋中天竺三藏朝散大夫試鴻臚卿光梵大師賜紫」；清無「惟淨共法護奉詔譯」。
- 一 七四三頁中一行「分別」，磧作「分明」。
- 一 七四四頁上末行「涌身」，磧、南、經、清作「踊身」。
- 一 七四四頁下七行「本願力」，磧作「本願功」。

一 七四五頁中卷末經名，磧、普、南、  
徑、清無（未換卷）。



佛說海意菩薩所問淨印法門經卷第十四

譯經藏經卷第十四 佛說海意菩薩所問淨印法門經卷第十四

復次海意我今復以喻明斯義譬如  
世間或有二人一被金剛堅固甲冑  
入於大火熾燄聚中一被枯草而為  
甲冑入於大火熾燄聚中海意於汝  
意云何彼二人中何人為火所焚何  
人不為火焚海意白佛言世尊若被  
金剛甲冑之者雖入大火熾燄聚中  
以其堅固甲冑能善作護是人為不  
火焚世尊若被枯草為甲冑者入大  
火中是人決定為其所焚何以故為  
彼枯草於熾燄中力無能護佛言海  
意彼身所被金剛甲冑入大火中不  
為焚者即是菩薩常以大慈大悲而  
為甲冑內心堅固金剛力護解脫眾  
生所緣誓願曾不棄捨雖常觀察一  
切法空無相無願無作無生無起入  
於空寂三摩地中而常超越聲聞緣  
覺正位不求得果於彼定中雖受勝  
味而不著著運從定起從定起已嚴  
淨佛土成熟眾生圓滿佛智海意彼  
以枯草而為甲冑入大火中為所焚

者即是聲聞乘人於諸行中而生怖  
畏復觀三有熾然不息棄捨眾生遠  
離大悲於寂靜三摩地中生味著已  
無所容受若復不得第八果證能起  
是定者無有是處何以故聲聞乘人  
於其福行罪行不動行中不能修習  
諸菩薩者能於無量福智行中修習  
成熟不於中間取證實際畢竟圓滿  
一切佛法海意是故菩薩於空無相  
無願無作法中常生大火熾燄之想  
雖於此法審伺察已而復於是法中  
起智善行終不取證實際是故諸菩  
薩不成熟善根不應修習海意菩薩  
成熟善根者謂於甚深佛法之中如  
理修行不於中間取證實際此即名  
為成熟善根何故如是以彼菩薩但  
為成熟大乘之法漸向漸入漸復增  
勝非餘乘法而成熟之海意如陶家  
輪日光未照未成熟時但是坏模無  
有諸器用之名後成熟已乃可得彼  
器用之名菩薩亦復如是雖復廣多  
修諸善根若不迴向於一切智即不  
能得波羅蜜多之名若復迴向一切

海意菩薩經第十四 第三海意字

智者乃得波羅蜜多之名海意又如  
 妙好真金未經工作即不能得莊嚴  
 具名但名真金若經工作得成熟已  
 乃可得諸莊嚴具名菩薩亦復如是  
 所修善根若不迴向於一切智即不  
 能得波羅蜜多之名若復迴向一切  
 智者乃得波羅蜜多之名海意以是  
 緣故而諸菩薩常當運發廣大之心  
 成熟諸善隨所成熟諸善根已即當  
 迴向於一切智以其迴向一切智故  
 菩薩當於甚深法中如理修行不於  
 中間取證實際

今時海意菩薩復白佛言世尊諸善  
 薩者難作能作善能防護諸有過失  
 於所作中不生過深世尊若諸菩薩  
 具於善巧方便之者即能迴向所以  
 者何菩薩有方便故雖入禪定解脫  
 三摩地三摩鉢底中而不為禪定解  
 脫三摩地三摩鉢底過失所著彼具  
 善巧方便而能現諸所作不墮無作  
 見中善住諸法平等之性若有趣向  
 邪定聚中諸眾生類菩薩為說正定  
 聚法而彼菩薩為令圓滿眾生願故

海意菩薩經第十四 第四海

自亦不住正定聚中  
 佛告海意菩薩言如是如是如汝所  
 說菩薩於一切處常應修習善巧方  
 便何以故海意善巧方便者即是菩  
 薩善提若無善巧方便即不成菩提  
 譬如世間於一器中置三種色一者  
 青色二者赤色三者黃金色是三種  
 色同一器中染三種衣一者毳衣染  
 其青色二者毼衣染其赤色三者無  
 價上妙天衣染黃金色彼三種衣於  
 一器中從彼染師所治事已隨諸意  
 樂皆得妙色須青得青須赤得赤須  
 黃得黃然其染器曾無分別海意其  
 染器者即是空無相無願有三種人  
 合一器中者一聲聞乘人二緣覺乘  
 人三大乘人是三種人隨諸作用如  
 心所樂各隨所應皆取智色而彼空  
 無相無願之器曾無分別彼毳衣者  
 當知即是聲聞乘人毼衣即是緣覺  
 乘人無價天衣即是安住大乘之人  
 海意汝觀諸法無有實性無作者性  
 無我性無人性無眾生性無壽者性  
 無主宰性隨欲所生生已聚集無所

海意菩薩經第十四 第五海

覺了亦無分別海意若能解了此諸  
 法生即諸菩薩於諸法中無有少法  
 而生懈倦若得如是知見清淨諸所  
 作中亦無饒益無不饒益即能如實  
 了知諸法平等之性如是如實了知  
 諸法平等性已常不棄捨大悲之鎧  
 海意譬如世間琉璃珠寶自體瑩潔  
 淨無瑕翳置塵穢中經於千歲過千  
 歲已取之治事去其塵穢滌浣清淨  
 依然瑩潔離諸瑕翳菩薩亦復如是  
 了知眾生心之自性本來清淨明澈  
 潔白但為客塵煩惱之所覆蔽菩薩  
 觀已即作是念眾生心性本來清淨  
 但為客塵煩惱之所覆蔽而彼煩惱  
 實無所住眾生橫起虛妄分別我當  
 為彼諸眾生類宣說斷除煩惱之法  
 起無懈心於眾生所轉復增勝運心  
 普令皆得解脫又復思惟此諸煩惱  
 能壞眾生諸有力勢使令劣弱此諸  
 煩惱能令眾生於無實煩惱中虛妄  
 分別若能如實深固作意如理伺察  
 者彼即不為煩惱所動如所伺察已  
 即彼煩惱不復和合若與煩惱不和

合者斯即為善又復我今若與諸煩惱合云何能為煩惱繫縛諸眾生等宜說斷除煩惱之法故我今時不與諸煩惱合應為煩惱繫縛眾生說斷除法然我欲為化度眾生於輪迴中令諸善根相續不斷亦復應當與煩惱合云何名為於輪迴中與煩惱相相續善根所謂勤求福行而無厭足菩薩作是思惟已於三有中故現受生願值諸佛誓度眾生而無懈倦護持正法諸所施作勇進無邊常生法欲永不棄捨波羅蜜多勝行海意此即名為於輪迴中與煩惱相相續善根善善當於是中雖合煩惱不為煩惱過失所染海意白佛言世尊今說善根何緣故說諸煩惱邪佛言海意菩薩了知此如是等諸煩惱法與三界合從煩惱中出生三界而被菩薩具善巧方便故積集善根緣力與三界合此即名為諸有善根與煩惱合以其三界合故即不復心生諸隨煩惱海意譬如世間有大長者唯有一子慈育憐慈深加愛念時彼童子愚

小無智於穢井邊而為戲舞以幼稚故忽墮井中其母及彼親族俱見其子墮穢井中見已憂愁競前觀井深不可測徒極悲苦無能為計入其井中雖痛愛子不能救拔是時其父知已奔至見彼童子墮穢井中臨視哀憫蒼惶旋轉深愛此子不生厭捨即設方計入其井中善為救拔令子得出海意當知彼穢井者即是三界其子即是一切眾生善善觀於一切眾生如一子想童子之母及親族者即是聲聞緣覺乘人見諸眾生墮輪迴中見已雖復心懷憂惱無有方便而為救拔彼大長者即是菩薩而諸善善雖以無垢潔白清淨之心住無為法然復和合三界所修之行化度眾生海意此即菩薩大悲之行菩薩畢竟自能解脫諸纏縛已而復於其三有之中示現受生具善巧方便勝慧所攝已之煩惱無復有礙能為一切眾生宣說斷除煩惱纏縛之法海意菩薩白佛言世尊諸善善者難作能作能以無垢潔白清淨之心於

輪迴中不生厭棄如其所說甚深之法如理伺察不住無為不求果證佛言海意此善善者所修正道與禪支合所謂般若波羅蜜多及善巧方便海意當知若諸善善無垢潔白清淨心者此即般若波羅蜜多於輪迴中不生厭棄示現受生化度眾生此即善巧方便復次海意若諸善善於空無相無願無作無生無起一切法中如理伺察者此即般若波羅蜜多若復發起大悲現前之心不住無為不求果證此即善巧方便復次海意若諸善善住三世平等法故即無有少法見種種相若彼法界平等即眾生界平等若眾生界平等即涅槃界平等若涅槃界平等即法界平等若能入此法界平等性中所入即是般若波羅蜜多若復能入一法界了知眾生界不證涅槃界是故不捨眾生界不住於法界不取於果證此即善巧方便復次海意若布施清淨此即是慧若

海意菩薩經第十四

第九卷 第六

迴向清淨即是方便若持戒忍辱精進禪定清淨此即是慧若迴向清淨即是方便以要言之一切善根清淨此即是慧迴向清淨即是方便海意白佛言世尊何者是菩薩善根清淨何者是迴向清淨何者是慧清淨何者是方便清淨佛言海意菩薩善根清淨者為離我人眾生壽者之見然後積集諸有善根迴向清淨者謂於空無相無願法中成熟善根迴向菩提慧清淨者謂於一切眾生初後根性智悉了知方便清淨者善為一切眾生如應說法

復次海意又善根清淨者雖於諸有諸趣示現受生而無依止然後積集諸有善根迴向清淨者謂離一切聲聞緣覺作意善攝諸乘所有善根悉用迴向大乘法中慧清淨者普為斷除一切煩惱種子習氣方便清淨者謂欲化度諸眾生故先同其事後為教示大乘之法

復次海意又善根清淨者所謂菩薩舒其寶手普施無盡一切受用迴向

海意菩薩經第十四

第七卷

第六

清淨者謂以一切眾生一切學無學人一切緣覺一切菩薩及一切佛諸有善根普用收攝入迴向中慧清淨者所謂任持諸佛所說悉以陀羅尼印印之其所任持而無壞失方便清淨者謂以無斷辯才無礙辯才為諸眾生善說無誑之法令諸眾生悉得歡喜

復次海意又善根清淨者謂於生生之中常不捨離大菩提心迴向清淨者謂不忘失大菩提心以諸善根悉用迴向於一切智慧清淨者謂善知安住大菩提心而為根本方便清淨者謂於菩提心住平等故為他教示菩提之法

今時海意菩薩復白佛言世尊如我解佛所說義者諸善巧方便是菩薩菩提般若波羅蜜多清淨一切處通達皆是菩提無有少法非菩提者何以故世尊若了一切法平等性即是菩提是故諸菩薩勿於菩提生極遠想菩薩於諸法中若六塵境來為障礙今時應當如實覺了即是菩提若

海意菩薩經第十四

第十二卷 第六

諸菩薩如是解者即得善巧方便清淨及般若波羅蜜多清淨

今時世尊讚海意菩薩言善哉善哉如汝所說菩薩具善巧方便及般若波羅蜜多清淨者於諸法中若六塵境來為障礙今時應當如實覺了即是菩提海意以是緣故諸菩薩者應如是知

佛說海意菩薩所問淨印法門經卷第十四

佛說海意菩薩所問淨印法門經

卷第十四

校勘記

- 一 底本，金藏廣勝寺本。
- 一 七四七頁中一行經名、二行譯者，  
[磧、普、南、徑、清無(未換卷)]。
- 一 七四七頁中一〇行「以其」，[磧]作「以是」。
- 一 七四七頁下三行「味著」，[磧、南]作「執著」。
- 一 七四八頁中一三行「分別」，[磧]作「分明」。
- 一 七四八頁下二行首字「法」，[磧]作「意」。
- 一 七四九頁下一〇行「法中」，[磧、普、南、徑、清]作「法相」。
- 一 七五〇頁中五行「住持」，[磧、普、南、徑、清、麗]作「任持」。
- 一 七五〇頁下七行末字「應」，[徑]作「應當」。
- 一 七五〇頁下卷末經名，[磧、普、南]

作「海意菩薩所問淨印法門經卷第十四」；[徑、清]作「海意菩薩所問淨印法門經卷第七」。

趙城縣廣勝寺



佛說海意菩薩所問淨印法門經卷第十五

譯經僧人 趙城縣廣勝寺 佛學社 謹識

復次海意我念過去無量無邊阿僧祇無等比劫數之前彼時有佛出現世間名無邊光照如來應供正徧知明行足善逝世間解無上士調御丈夫天人師佛世尊世界名善變化劫名光味以何緣故彼佛如來名無邊光照以彼世尊初坐菩提場未證一切智居菩薩位時身放種種色光是光徧徧十方無量阿僧祇出過算數諸佛刹土皆悉照曜而彼一切佛刹之中所有一切不還轉菩薩及一生補處菩薩見彼菩薩坐菩提場見已即各向彼菩薩散擲妙花其所擲花以佛威神力故皆悉向彼菩薩身聚而一一花於彼善變化世界之中廣大積集高七人量以是緣故建立彼佛及光味劫如是名字海意彼劫之中有十四俱胝如來出現世間而彼善變化世界具大成神安隱豐樂一切天人衆多熾盛國土廣遠有九十六俱胝那庾多百千大洲彼一一

洲縱廣八十四百千由旬一一百千由旬有八萬四千州城一一州城有八萬四千縣邑聚落一一城中各有十俱胝那庾多百千人民而共居止一一縣邑各有八俱胝人民居止彼世界中人民富盛尚今許數何況大威德諸天龍鬼又彼世界四寶所成所謂金銀琉璃頗胝迦寶又復彼土隨意所念飲食衣服莊嚴具等自然充足又彼人民無我我所海意彼無邊光照如來應供正等正覺壽量十中劫有三十六俱胝那庾多百千諸聲聞衆一千二百俱胝菩薩摩訶薩衆有一王城名善清淨是彼世尊本所生地彼佛出王宮已別止一城其名樂生而彼樂生大城之中有轉輪聖王名善淨境界統王三千大千世界七寶具足所謂輪寶象寶馬寶女寶摩尼寶主藏目寶主兵目寶如是七寶王之受用海意彼善淨境界王已發阿耨多羅三藐三菩提心深心具足於一切衆生起無障礙心王有八十四俱胝那庾多百千宮嬪姝女

端正殊妙如天女相是諸宮女悉發  
阿耨多羅三藐三菩提心彼善淨境  
界王延請世尊無邊光照如來及菩  
薩聲聞大眾經二中劫而伸供養如  
法清淨離諸過失依沙門法所應受  
用衣服飲食病緣醫藥坐卧具等一  
切供給其王為佛世尊別立精舍清  
淨嚴潔縱廣百千由旬琉璃珠寶而  
為其地七寶牆界重重間作處處皆  
用赤旃檀香及烏囉婆旃檀之香間  
為其柱巧妙殊特與天宮等次復安  
布十千樓閣命諸菩薩聲聞大眾次  
第安止海意彼善淨境界王諦奉彼  
佛清淨之法受持五戒精修梵行與  
宮嬪眷屬經二中劫承事供養彼佛  
世尊過二中劫已其王即與諸眷屬  
俱詣彼無邊光照如來應供正等正  
覺所到已頭面礼足右繞七匝退住  
一面

無不動慧云何菩薩得方便慧清淨  
云何菩薩得久遠觀察不斷根本云  
何菩薩於六塵境界雖復增長而無  
放逸云何菩薩能於甚深義理之中  
不生驚怖云何菩薩得名真實菩薩  
時彼無邊光照如來應供正等正覺  
告善淨境界王言大王諦聽諦聽極  
善作意今為汝說大王有四種法若  
諸菩薩能具足者即得於大乘中不  
隨他信何等為四一者從勝解出生  
故信出世聖法二者勇猛不退故勤  
行精進化度眾生三者善觀察故起  
神通智作諸遊戲四者智隨知法故  
於一切法起決擇相大王如是四法  
菩薩若具足者即得於大乘中不隨  
他信大王有四種法若諸菩薩能具  
足者趣向最勝道而不生我相何等  
為四一者不著禪味而心業調暢二  
者不著已樂施於他樂三者成大慈  
行安住大悲四者得廣大信解能起  
最上最勝樂欲如是四法菩薩若具  
足者即得趣向最勝道而不生我相  
大王有四種法若諸菩薩能具足者

即得安住無動無不動慧何等為四  
一者內心遠離諂誑二者內心清淨  
具善方便三者深心方便而不退轉  
四者深心不捨所行如是四法菩薩  
若具足者即得善住無動無不動慧  
大王有四種法若諸菩薩能具足者  
得方便慧清淨何等為四一者雖觀  
一切法無我而常以其四攝之法化  
度眾生二者雖知一切法不可宣說  
常以音聲文字為諸眾生演說法要  
護持正法三者雖觀諸佛法身而常  
信解一切如來功德成辦相好精進  
無懈四者雖觀一切佛刹空寂而常  
嚴淨佛土勤行不息如是四法菩薩  
若具足者即得方便慧清淨大王有  
四種法若諸菩薩能具足者即得久  
遠觀察根本不斷何等為四一者能  
善觀察善提道場以善提心不捨離  
故二者善觀佛智自智無著故三者  
善觀轉妙法輪隨所聞法皆能為說  
不懈倦故四者善觀大涅槃法而不  
厭離生滅法故如是四法菩薩若具  
足者即得久遠觀察根本不斷大王

海法華經卷第十五 第五 第 字

有四種法若諸菩薩能具足者於六塵境界雖復增長而無放逸何等為四一者為轉輪聖王化度人民善觀諸行無常雖復六塵境界增長而無放逸二者為帝釋天主化諸天眾善觀諸行是苦雖復六塵境界增長而無放逸三者現作魔王化諸魔眾善觀諸法無我雖復六塵境界增長而無放逸四者為大梵王化諸梵眾善觀涅槃寂靜雖復六塵境界增長而無放逸如是四法菩薩若具足者即於六塵境界雖復增長而無放逸大王有四種法若諸菩薩能具足者即於甚深義理不生驚怖何等為四一者親近真實善友二者於善友所相續無間開示甚深佛善提法三者於如是等甚深經典乃至多由旬亦往聽受決擇其義四者如所聞法起慧推求但依於義不依於文如是四法菩薩若具足者即於甚深義理不生驚怖大王有四種法若諸菩薩能具足者即得名為真實菩薩何等為四一者勤行精進修諸波羅蜜多二

海法華經卷第十五 第五 第 字

者起大悲心勤行化度一切眾生三者以精進力勤行圓滿一切佛法四者能於無量生死之中勤行攝化不生疲倦復能積集福智勝行如是四法菩薩若具足者即得名為真實菩薩海意彼無邊光照如來說如是等四種法門時彼會之中有十千俱胝那庾多人發阿耨多羅三藐三菩提心八俱胝那庾多百千苾芻不受諸法漏盡意解彼王太子妃主宮嬪皆得柔順法忍其善淨境界王得利順法忍彼王即時心大歡喜悅懌踊躍即以王之一切所有諸妙受用持獻彼佛時彼無邊光照如來告善淨境界王言大王汝已捨諸所有獻佛如來汝宜於我最上法中淨信出家捨於非家何以故大王若於如來最上法中淨信出家者有大威力得大稱讚大王當知出家菩薩得二十種廣大善利是即圓滿彼一切智無上勝利何等為二十一者棄捨王之所有富貴受用得無我我所大利二者樂出家已而能出離煩惱大利三者被

海法華經卷第十五 第五 第 字

服裝裝得心無雜染大利四者於其聖種生歡喜已即能圓具長養大利五者修行頭陀功德斷除多欲得離染大利六者戒蘊清淨已生天人中得斯大利七者不捨菩提心得圓滿六波羅蜜多大利八者居寂靜處得離憒鬧大利九者心無愛著得思惟法樂大利十者修習禪支得心調暢大利十一者勤求多聞得大慧大利十二者離諸慢故得大智大利十三者少求少事故得決擇聖法大利十四者於一切眾生心平等故得大慈大利十五者起解脫一切眾生心故得大悲大利十六者不惜身命故得護持正法大利十七者心輕安故得神通大利十八者常念佛故此句含有本義十九者常所伺察深因法故得無生法忍大利二十者積集一切勝功德故速成一切智大利大王此如是等二十種法是即出家功德勝利諸出家菩薩不為難得是故大王汝今宜應於最上法中淨信出家海意時彼世尊為善淨境界王如應教授

王出家已其王即捨一切所有於王  
勝福生厭離躋自落袈裟著身  
成苾芻相其王於彼世尊法中淨信  
出家已王諸宮嬪亦隨出家太子妃  
主而亦出家乃至國境之中所化庶  
民有九十九俱胝那度多百千人衆  
悉隨出家皆發精進勤求善法海意  
汝且觀是諸佛誠言能生淨信一切  
福行與諸衆生而為依止彼善淨境  
界王既出家已後復與諸出家眷屬  
同詣無邊光照如來所到已作札而  
白佛言唯願世尊教授於我當如佛  
言堅固修行令我於諸國土之中不  
空受食

界如實伺察復云何是深固伺察所  
謂眼境界即空境界空境界即一切  
衆生境界一切衆生境界空境界即  
佛境界如是耳鼻舌身意境界即空  
境界空境界即一切衆生境界一切  
衆生境界空境界即佛境界又眼境  
界即無相境界無相境界即一切衆  
生境界一切衆生境界無相境界即  
佛境界乃至意境界即無相境界無  
相境界即一切衆生境界一切衆生  
境界無相境界即佛境界又眼境界  
即無願境界無作境界無生無起境  
界無起境界即一切衆生境界一切  
衆生境界無起境界即佛境界海意  
彼善淨境界苾芻聞所說已即入是  
法中乃得身心堪任調暢是故能修  
欲勤心慧四種神足不久能起五種  
神通一心專注而不放逸得入摠攝  
一切言義陀羅尼門

三出家九十九俱胝那度多百千苾  
芻者豈異人乎即此會中隨汝海意  
同來聽法菩薩衆是當佛世尊說是  
往昔因緣時此大會中有一萬八千  
人發阿耨多羅三藐三菩提心八千  
菩薩得無生法忍

佛說海意菩薩所問淨印法門經卷第十五

甲辰歲高麗國大藏都監奉  
勅彫造

佛說海意菩薩所問淨印法門經

卷第十五

校勘記

- 一 底本，金藏廣勝寺本。七五五頁下原版缺，以麗藏本補。
- 一 七五二頁中一行經名，磧、普、南作「海意菩薩所問淨印法門經卷第十五之十六」；徑、清作「海意菩薩所問淨印法門經卷第八」。
- 一 七五二頁中二行譯者，磧、普、南作「中天竺三藏朝散大夫試鴻臚卿傳梵大師賜紫法護共惟淨奉詔第四（「第四」，南無）譯」；徑、清作「宋中天竺三藏朝散大夫試鴻臚卿光梵大師賜紫（「賜紫」，清無）惟淨共法護奉詔譯」。
- 一 七五二頁中一七行「世界」，徑作「世間」。
- 一 七五三頁下一四行「勤行」，徑作「勤修」。
- 一 七五四頁上五行「天主」，南作「天

王」。

- 一 七五四頁上一行第一三字「者」，磧、普、南、徑、清無。
- 一 七五四頁下一六行至一七行夾註「此下……脫落」，磧、普、南、徑、清作正文「得解脫一切苦大利」。
- 一 七五五頁下卷末經名，磧、普、南、徑、清無（未換卷）。



佛說海意菩薩所問淨印法門經卷第十六

受持經者應勤修大念秋滿願佛光大師賜法門印法華華華經

尔時世尊告海意菩薩言海意若諸菩薩欲證阿耨多羅三藐三菩提者應當修學汝等大士諸所施作菩薩不應但修捷語利辯應當如說亦然能行云何是菩薩如說不能行海意謂若菩薩雖具辯慧而不積集諸善善提分法而作是言我當成佛已普召一切眾生廣行法施令諸眾生得法滿足然此菩薩不能勤行修習多聞亦不積集諸善善提分法虛誑一切眾生此即是為如說不能行海意若有菩薩作如是言我當成佛已普召一切眾生廣行法施令諸眾生得法滿足時彼菩薩而能勤行修習多聞亦復積集諸善善提分法此即是為如說能行

呵責而出海意菩薩亦復如是願為一切眾生未度者令度未解脫者令得解脫未安隱者令得安隱未涅槃者令至涅槃而彼菩薩雖有是願而不勤修多聞亦不積集諸善善提分法此即是為如說不能行彼菩薩者虛誑天人世間賢聖呵毀亦復嫌棄安立諍訟而不能為大智之主不能畢竟圓滿誓願海意若欲發起最難得最上大智應當於彼無上大乘不生懈退是故當知菩薩不應但以語言虛誑一切天人世間

復次海意諸菩薩者或有人來求請說法時彼菩薩即當隨言我為汝說如是之法以如是法化度於汝乃至棄捨己身亦不吝惜而是菩薩即不虛誑一切眾生如是因緣汝應當知復次海意我念過去無量無數阿僧祇劫之前有一師子獸王名不壞身處於深山巖窟之中常行慈心視護一切眾生但以草葉花果而為所食時彼巖中有二獼猴雄雌共居後生二子欲有陀行乃以其子付託獸王

而為守護付已佗行有一鷲王名曰  
利見飛處空中忽然至地搏取猴子  
旋轉於空時師子王見其被搏即向  
鷲王說伽陀曰

奇哉鷲王汝知我 放捨此二獼猴  
我此守護令無畏 與彼歸趣勿生害

今時鷲王即說伽陀答師子王曰  
獸王若能捨己身 我當捨此二猴子

我處空中此為食 無食居空何所為  
師子獸王又復答曰

我寧捨身與汝食 汝今速放此二猴  
我願視護至菩提 智者應無虛妄語

於是師子獸王說伽陀已深心堅固  
而無虛妄將捨其身

今時鷲王見是事已歎未曾有說伽  
陀曰

世間性命為滋長 能捨己身為護陪  
我今捨此二猴子 令汝久住修法行

海意汝今當知彼時不壞身師子王  
者勿起異見即我身是雄獼猴者大

迦葉是雌獼猴者賢護慈闍尼是二  
獼猴子者今羅睺羅及阿難是利見  
鷲王者善愛慈闍尼是以是當知菩薩

摩訶薩寧捨己身終不棄捨為佗作  
護此即圓滿如說能行

復次海意又云何是如說能行顯明  
之相所謂菩薩如說布施即當棄捨

一切所有如所顯示此名能行菩薩  
如說持戒即當成辦一切戒學及頭

陀功德如所顯示此名能行菩薩如  
說忍辱即於忿恚諸有過失皆悉斷

除如所顯示此名能行菩薩如說精  
進即當於諸善法勤求修習如所顯

示此名能行菩薩如說禪定即當修  
諸禪定解脫三摩地三摩鉢底如所

顯示此名能行菩薩如說智慧即當  
分別一切章句起善巧智辯才決定

如所顯示此名能行以要言之乃至  
菩薩如說斷一切不善法集一切善

法即當斷除一切不善之法勤求修  
習一切善法如所顯示此名能行菩

薩如說質直即當無諸諂誑虛妄此  
名能行如說方便即當開示方便之

門此名能行如說勤勇即當策勤離  
諸懈退此名能行如說深心堅固即

當離著趣向勝道此名能行如說誓

願即當畢竟圓滿諸願此名能行如

說聞持即當如聞而善修習此名能  
行如說積集善行即當身心俱無懈

倦此名能行如說離慢即當圓滿勝  
智此名能行如說積集戒行即當於

戒無所缺漏此名能行如說初發心  
位即當成辦善法勝行此名能行如

說無生法忍之位即當進趣不退轉  
地此名能行如說一生補處之位即

當進向坐菩提場此名能行如說堅  
固積集即當現證一切智果此名能

行如說轉妙法輪即當於三寶種使  
令不斷此名能行海意如是等法是

為菩薩如說能行當佛世尊說是如  
說能行法時會中有五千菩薩悉得

無生法忍

今時有一菩薩名蓮花莊嚴前白佛  
言希有世尊諸佛如來以如說能行

故即得一切最上佛法世尊如佛所  
言修行是即如說能行佛言善男子

汝知修行法不善薩白佛言我知世  
尊佛言善男子隨汝樂說修行之法  
汝今當說菩薩白佛言世尊修行者

如佛所說即一切法平等平等知已於正位中以善巧智而不取證三摩鉢底此為菩薩正所修行  
山王菩薩言世尊我亦樂說修行之法佛言善男子隨汝意說菩薩白佛言世尊無所修是修行何以故菩薩觀一切法都無所得若有所修而非修行此即是為正修行  
功德光照王菩薩言世尊心若隨流乃識有所轉何名修行若菩薩識心於一切法無住彼即無有少法可住若無少法可住彼即是為正修行  
高炬王菩薩言世尊無所樂是為修行無所厭是為修行世尊菩薩於一切法中無高無下是故無有少法而可樂厭此即是為正修行  
日藏菩薩言世尊若有所依即有所轉若無所依即無所轉菩薩以無依止無動轉故即於一切法無所動搖此即是為正修行  
勇猛心菩薩言世尊心者世間所行世間馳流若菩薩於一切心得無心者即無所思亦無分別此即是為正

修行  
愛見菩薩言世尊如佛所說一切所知皆悉是苦若菩薩於一切所知得醒悟者即無所知亦無所取是故不入滅受想定不捨眾生不失大悲此即是為正修行  
香象王菩薩言世尊愚夫異生荷諸重擔起於五蘊深重之見若菩薩了知五蘊得輕利者即捨諸重擔復能為諸愚夫宜說棄置五蘊重擔之法是故無有少法起真實想了知諸法無生無滅此即是為正修行  
持世菩薩言世尊正所行是修行非邪惡所行菩薩應當修正方便云何是正方便謂一切法平等性智虛空等故此即是為正修行  
堅固意菩薩言世尊若菩薩有慧方便智即無生而生無起而起於生滅中亦無所住此即是為正修行  
吉祥峯王菩薩言世尊若菩薩觀一切法自性寂滅即不棄捨大悲之鎧見諸勤力不虛果利此即是為正修行

無礙光菩薩言世尊若有所行之跡是為魔事若為魔事即非修行若無所行亦無所住而彼諸魔伺不得便乃能超越諸惡魔道此即菩薩真實修行  
勤精進菩薩言世尊若有少法樂欲成辦彼即虛其勤力以一切法無所成辦故是中若有智及所知即非無意此即是為正修行  
滅惡趣菩薩言世尊若有種類分別所行何名修行無種類無分別是為修行彼無種類無分別即心自性若能了知心自性者此即是為真實修行  
善思而思菩薩言世尊菩薩隨入一切眾生心彼隨入已即了一切眾生心而無心此中無心智所入故此即是為正修行  
寂意菩薩言世尊近寂是為修行非近寂是為修行菩薩於其大寂編寂近寂諸心所緣若增若減悉無造作離增減故平等覺了此即是為正修行

導師菩薩言世尊菩薩發起善根是

如實伺察使令清淨若復菩薩一

固與之人所樂之物而不與之於所

正修行若有所成即非發起善根何以故菩薩發起福行即是發起智行

心垢煩惱本不轉者彼即清淨若如是清淨此即是為真實修行

施物起種種想於所與人起種種想此為菩薩行布施時第一魔事

福平等故即智平等智平等故即福平等故即智平等故即菩提平等故即一切法平等此即是為正修行

海意菩薩言世尊菩薩為善知識所攝受者即少歷辛勤能成正行何以故若菩薩力不能超越諸魔事者當知彼為諸惡知識之所攝受若力能超越諸魔事者當知彼為諸善知識之所攝受世尊是故菩薩若欲超越諸魔事者應當親近承事諸善知識

又復世尊菩薩行持戒波羅蜜多時若見彼於善法戒行律範軌式而能具足乃至小罪猶懷大懼淨命自資堅持戒行諸沙門婆羅門即當親近尊重見破戒人呵毀恚怒於彼之前自恃戒德毀謗於他此為菩薩持戒之時第二魔事

嬉戲王菩薩言世尊一切法無分別是為修行若菩薩了知一切法法界普攝已即無有少法若離若合此即是為正修行

菩薩為善知識所攝受故即少歷辛勤能成正行

又復世尊菩薩行忍辱波羅蜜多時欲成忍行身雖能忍語不能忍心生瞋恚見有力人於彼即忍見劣弱人於彼不忍復於有力人前顯示忍力於劣弱人前現瞋恚相彼如是即忍彼如是不忍何等處可忍何等處不忍若行忍處起憍倨心於不忍處不速懺悔此為菩薩行忍辱時第三魔事

善思義菩薩言世尊諸法依義不依於文若菩薩解了義故即於八萬四千法蘊慧能受持讀誦解說然於真實不可說義中無所動轉此即是為正修行

今時世尊告海意菩薩言善男子汝知魔事不海意白佛言世尊我知魔事佛言海意隨汝意說令諸菩薩聞已即能超越摧伏諸魔外道速證阿耨多羅三藐三菩提果於是海意菩薩而白佛言如世尊勅當說魔事唯願世尊威神建立世尊所謂魔事有十二種何等十二

又復世尊菩薩行精進波羅蜜多時發起精進化度聲聞緣覺乘人亦復化度大衆中人但為聲聞緣覺乘人相續說法返以大衆之法化諸愚人

清淨意菩薩言世尊深固心是為修行菩薩深心具足即非語言記說最上所得但修真實正道觀彼真實道亦無去無來此即是為正修行

一者菩薩行布施波羅蜜多時以非愛物而行惠捨其心樂欲以可愛物而行惠捨心不樂欲人不樂之物而

畢竟無垢思惟菩薩言世尊如有垢之衣濯令清淨無垢之衣其何難邪菩薩亦復如是不以本來清淨之心

畢竟無垢思惟菩薩言世尊如有垢之衣濯令清淨無垢之衣其何難邪菩薩亦復如是不以本來清淨之心

畢竟無垢思惟菩薩言世尊如有垢之衣濯令清淨無垢之衣其何難邪菩薩亦復如是不以本來清淨之心

畢竟無垢思惟菩薩言世尊如有垢之衣濯令清淨無垢之衣其何難邪菩薩亦復如是不以本來清淨之心

此下辨其本標列之義大略於海意菩薩  
說十一種魔事中正在上三則中必下八  
四段開上六段以四意本因為無以補之  
此為第六破魔法門

復次海意一切法自性無深以無深  
相化度深汙眾生此為第七破魔  
法門

復次海意一切法自性無生無起以  
無生無起相為諸眾生宣說斷除生  
老病死之法此為第八破魔法門

復次海意諸法自性同於一味而無  
差別以同一味無差別相建立三乘  
各為說法令諸眾生亦不捨離大乘  
意樂此為第九破魔法門

復次海意若菩薩心意識雖無所依  
著而常不忘失大菩提心雖離諸發  
起然不捨離解脫一切眾生之心雖  
超越諸行而亦成辦菩薩勝行此為  
第十破魔法門海意如是十種破魔  
法門若諸菩薩勤行修習者即當超  
越一切魔事

佛說海意菩薩所問淨印法門經卷第十六

第六卷 第七卷

此 日 自 日 非 元

佛說海意菩薩所問淨印法門經卷第十六

榮河縣許村暢弁母親許氏妻戴氏  
同發願心雕經一卷奉為先亡慈父  
早生淨域法界眾生同登彼岸

佛說海意菩薩所問淨印法門經

卷第十六

校勘記

一 底本，金藏廣勝寺本。

一 七五七頁中一行經名，二行譯者，  
[磧]、[普]、[南]、[經]、[清]、[無]（未換卷）。

一 七五七頁中末行「志根」，[磧]、[普]、  
[南]、[經]、[清]、[魔]作「志根」。

一 七五八頁上一行「速放」，[磧]、[普]、  
[南]、[經]、[清]作「遠放」。

一 七六一頁上卷末經名，[磧]、[普]、[南]、  
作「海意菩薩所問淨印法門經卷  
第十六」；[經]、[清]作「海意菩薩所  
問淨印法門經卷第八」。



佛說海意菩薩所問淨印法門經卷第十七

要釋法三藏經卷第十七 海意菩薩 經

尔時世尊說是破魔法門時一切魔宮皆悉暗暝六種震動如佛初坐菩提道場未成正覺居菩薩位尔時眉間放大光明而諸魔宮亦皆暗暝同於今日等無有異

是時諸惡魔眾見斯廣大變異之相速疾嚴整於四兵眾猶如往昔詣菩提場所莊嚴相今者亦然領四兵眾廣三十六由旬皆悉徧滿來至世尊大寶莊嚴大會所以佛世尊威神力故而悉不能還復魔宮又佛神力魔眾來時或見餘諸刹土有佛世尊與不退轉諸菩薩眾化度眾生及斷諸有結證阿羅漢者或有正見具足補持伽羅

尔時世尊告海意菩薩言海意汝今見此諸惡魔眾如是莊嚴來眾會不海意白佛言世尊唯然已見佛言海意是諸魔眾至此會中於我正法欲興難事而汝今者當何所為海意白言世尊我今以此惡魔之眾置於位

方諸樂莊嚴世界中

法華經卷第十七 第三段 三

尔時會中尊者舍利子即白海意菩薩言善哉大士諸樂莊嚴世界為在何所其佛說法復何名字海意菩薩言尊者舍利子東方去此佛刹過十二殫伽沙數等國土有世界名諸樂莊嚴其土有佛號曰摧魔如來應供正等正覺見在說法以何緣故而此世界名諸樂莊嚴尊者謂彼世界有諸樂事諸功德事諸莊嚴事若廣宣說彼勝妙事縱一劫中說不能盡以是緣故其世界名諸樂莊嚴又其佛號摧魔如來應供正等正覺者謂彼世尊初坐菩提道場居菩薩位未證一切智時身放光明普照諸魔其光所照彼魔界中百俱胝魔眾而一一魔各有千俱胝眷屬是時諸魔詣菩薩所欲於菩薩興諸難事而此菩薩威神力故其魔不能作諸障難即時各發希有之心向彼菩薩歸依頂礼菩薩即為如應說法魔聞法已深心清淨即發阿耨多羅三藐三菩提心其後彼佛證道果已是故立名摧魔

如來又復彼佛於過去世莊嚴劫中  
居菩薩位時名降伏魔今此賢劫之  
中得菩提已能令諸魔發菩提心而  
為承事其佛但為諸菩薩眾唯說最  
上大乘之法無復二乘之名尊者  
故我今置此魔眾往彼諸樂莊嚴世  
界之中置於彼已使諸魔眾不復興  
於魔之事業於彼佛刹與其降伏魔  
菩薩同發菩提心已圓滿菩提分法  
今時諸惡魔眾聞是語已生大驚怖  
身毛悚豎即欲離彼眾會以佛威神  
力不能去又不能隱蔽其身而極增  
懼即各向佛歸依頂禮作是白言救  
我世尊救我善逝無令海意菩薩置  
我於彼世界之中  
今時佛告諸魔眾言汝等諸魔勿生  
驚怖菩薩大士於諸眾生不起燒害  
汝等應當自於海意菩薩之前求忍  
悔謝必當為汝善作救護今時魔眾  
即各合掌向海意菩薩稽首白言我  
今悔謝大士忍可勿置我於諸樂莊  
嚴世界之中如我所作不復第二往  
彼眾會海意菩薩言諸魔當知我今

於汝無復可忍何以故菩薩於一切  
眾生究竟常忍汝等諸魔今宜往彼  
諸樂莊嚴世界之中觀彼世界眾莊  
嚴事彼摧魔如來於汝魔眾無所燒害  
今時海意菩薩即舒右臂金色晃耀  
安於魔頂而為加持作如是言若法  
真實此真實語諸菩薩者於法無懼  
亦無秘密以此真實語故如我所  
如是神力令此魔眾皆悉獲得海意  
菩薩作是語已而諸魔眾即得自在  
神力具足今時此三千大千世界六  
種震動而諸魔眾於此會中隱身不  
現於須臾頃到彼諸樂莊嚴世界之  
中皆是海意菩薩加持力故是時魔  
眾到彼國已即詣摧魔如來應供正  
等正覺所頭面著地禮佛雙足右繞  
七匝退住一面於是彼佛刹中有一  
菩薩名降伏魔見是相已白其佛言  
世尊今此劣弱豈有威光狀貌異常  
人可惡者從何所來其佛答言善男  
子西方去此佛刹過十二碗伽沙數  
等世界有一世界名曰娑婆彼佛世  
尊號釋迦牟尼如來應供正等正覺

今現在彼大寶莊嚴道場廣大宣說  
大集會正法復有十方世界無量阿  
僧祇出過算數諸大菩薩皆悉來集  
聽受正法而彼會中有一菩薩名曰  
海意善被不可思議大堅固鎧而能  
請問釋迦牟尼如來如是正法當說  
法時有惡魔眾至彼會中欲興難事  
於是海意菩薩大士置其魔眾而來  
至此為欲化度作成辦故  
今時降伏魔菩薩白諸魔言我等今  
者與汝諸魔同發阿耨多羅三藐三  
菩提心何以故我昔亦嘗處於魔類  
於諸眾生種善根時而生障難其後  
於此如來法中發阿耨多羅三藐三  
菩提心是故今時汝等諸魔宜應速  
發阿耨多羅三藐三菩提心今時諸  
魔深心堅固各發阿耨多羅三藐三  
菩提心既發心已成作是言我等已  
發阿耨多羅三藐三菩提心永不復  
作魔之事業於是降伏魔菩薩即命  
其魔同處於彼眾寶莊嚴師子之座  
而勸請言善男子云何是彼釋迦牟  
尼如來所說大集會正法隨汝所樂

今當演說

今時諸魔承海意菩薩威神之力所  
 加持故尋即起于師子之座從其口  
 門及諸毛孔出清淨音猶如釋迦牟  
 尼如來所說大集會正法如是文字  
 如是章句一一宣說滿足無遺於其  
 中間亦無增減時降伏魔菩薩於其  
 魔所得聞如是大集會正法已生希  
 有心白彼佛言世尊我今欲見娑婆  
 世界及釋迦牟尼如來又欲見彼海  
 意菩薩并十方世界所來集會諸大  
 菩薩摩訶薩眾時彼世界摧魔如來  
 即於眉間放大光明名曰普現一切  
 色相是光徧照西方去此十二瓏伽  
 沙數等諸佛刹土乃至娑婆世界廣  
 大明耀相續不斷彼諸樂莊嚴世界  
 諸菩薩眾皆見釋迦牟尼如來在於  
 大寶莊嚴道場之中處百千種色相  
 嚴飾寶師子座為十方世界諸來集  
 會大菩薩眾廣大宣說大集會正法  
 又復見此娑婆世界大水盈滿猶如  
 大海普觀是中悉無障礙又見十方  
 世界所來集會諸大菩薩各各坐於

眾寶莊嚴大蓮花上聽受正法其花

縱廣一俱盧舍而諸大士見是相已  
 生歡喜心適悅慶快即以妙花遙向  
 釋迦牟尼如來散擲供養所散之花  
 以佛世尊威神力故悉於釋迦牟尼  
 如來頂上結成廣大殊妙花蓋時此  
 佛會一切大眾見是花蓋於佛頂上  
 乘空而住生希有心俱白佛言世尊  
 今此花蓋從何所來佛言諸仁者而  
 此花蓋是彼諸樂莊嚴世界之中菩  
 薩大眾遙向此會散擲妙花而伸供  
 養而此眾會咸白佛言世尊我等樂  
 欲見彼諸樂莊嚴世界及彼世尊摧  
 魔如來亦欲見此所往諸魔之眾并  
 其世界所施作事  
 余時世尊知其眾會之所樂欲即告  
 海意菩薩言善男子今此眾會樂見  
 諸樂莊嚴世界亦欲見彼摧魔如來  
 汝可現之使諸大眾咸悉瞻奉於是  
 海意菩薩承佛教勅即時於其足十  
 指開放十千光明其光普照東方去  
 此十二瓏伽沙數等諸佛刹土乃至  
 諸樂莊嚴世界廣大明耀相續不斷

時此會中一切大眾悉見諸樂莊嚴

世界及得見彼摧魔如來又見諸魔  
 在彼佛會處于法座廣為眾說大集  
 會正法此會大眾見是相已生希有  
 心各各從於蓮花座起遙向摧魔如  
 來合掌頂禮各以妙花散擲供養所  
 散之花以佛世尊威神力故於彼摧  
 魔如來頂上結成廣大妙花樓閣  
 今時魔眾白彼摧魔如來言世尊我  
 等今欲還復娑婆世界釋迦牟尼佛  
 所彼佛告言諸善男子汝可還復今  
 正是時於是諸魔頭面著地禮彼佛  
 足右繞七匝以海意菩薩威神力故  
 於彼刹中隱而不現經須臾頃還於  
 娑婆世界到已頭面禮釋迦牟尼佛  
 足右繞七匝退住一面攝心諦意恭  
 敬歸向  
 今時尊者舍利子告諸魔言諸仁者  
 汝等見彼諸樂莊嚴世界不諸魔答  
 言我等已見尊者彼土希有清淨可  
 愛是為清淨無垢最上所居我等見  
 已皆發阿耨多羅三藐三菩提心尊  
 者舍利子言諸仁者汝等已發阿耨



佛說海意菩薩所問淨印法門經

卷第十七

校勘記

海意菩薩經卷第十七 第三卷 卷字號  
 九種譯本皆在玄奘大師賜紫少門日蒲大藏文  
 一 梵學 慧覺大師賜紫少門日之華皮  
 一 梵學 演法大師賜紫少門日登珠筆受  
 譯經三藏朝散大夫試鴻臚卿光祿大夫賜紫少門日維摩奉詔譯  
 一 一 侍省內侍高品監譯經日陳文  
 宋刻使臣撰書卷第十七 佛說海意菩薩所問淨印法門經卷第十七 陳 閱文

佛說海意菩薩所問淨印法門經

卷第十七

校勘記

一 底本，金藏廣勝寺本。七六二頁中至本頁下二行原版或缺或殘，以麗藏本補換。

一 七六二頁中一行經名，**磧**、**普**、**南**作「海意菩薩所問淨印法門經卷第十七之十八」；**徑**、**清**作「海意菩薩所問淨印法門經卷第九」。

一 七六二頁中二行譯者，**磧**、**普**、**南**作「中天竺三藏朝散大夫試鴻臚卿傳梵大師賜紫法護共惟淨奉詔譯（「譯」，**普**作「第四譯」）」；**徑**、**清**作「宋中天竺三藏朝散大夫試鴻臚卿光祿大夫賜紫（「賜紫」，**清**無）惟淨共法護奉詔譯」。

一 七六二頁中四行「皆悉」，**磧**、**普**、**南**、**徑**、**清**作「悉皆」。

一 七六二頁下六行首字「二」，**普**作「一」。又「競伽」，**徑**作「競伽」，下

同。

一 七六四頁上一行「所來」，**磧**、**普**、**南**、**徑**、**清**作「如來」。

一 七六四頁上一四行「競伽」，**磧**、**普**、**南**、**清**、**麗**作「競伽」；**徑**作「競伽」。

一 七六四頁中一二行第七字「白」，**徑**作「曰」。

一 七六五頁下卷末經名，**磧**、**普**、**南**、**徑**、**清**無（未分卷）。



佛說海意菩薩所問淨印法門經第十八

西天譯經藏別錄卷之六 佛說海意菩薩所問淨印法門經第十八 帝釋 帝釋

復次海意我今為汝宣說呼召帝釋  
天主秘密章句而此章句速能呼召  
帝釋天主來護正法

尔時世尊即說陀羅尼曰

怛鞞<sup>切</sup>怛<sup>引</sup>惹<sup>引</sup>野<sup>引</sup>縛<sup>引</sup>底<sup>三</sup>阿

祇<sup>四</sup>摩<sup>引</sup>醯<sup>引</sup>哩<sup>五</sup>悉<sup>引</sup>默<sup>引</sup>末<sup>引</sup>底<sup>六</sup>式<sup>引</sup>毗<sup>引</sup>

扇<sup>引</sup>底<sup>引</sup>葛<sup>引</sup>哩<sup>七</sup>那<sup>引</sup>祇<sup>引</sup>你<sup>八</sup>難<sup>引</sup>帝<sup>九</sup>

難<sup>引</sup>多<sup>引</sup>末<sup>引</sup>底<sup>十</sup>怛<sup>引</sup>哩<sup>引</sup>葛<sup>引</sup>哩<sup>引</sup>十<sup>引</sup>义

曳<sup>二</sup>引<sup>十</sup>义<sup>引</sup>野<sup>引</sup>目<sup>引</sup>契<sup>引</sup>三<sup>引</sup>阿<sup>引</sup>縛<sup>引</sup>吒<sup>引</sup>你<sup>四</sup>尾

縛<sup>引</sup>吒<sup>引</sup>你<sup>五</sup>波<sup>引</sup>哩<sup>引</sup>縛<sup>引</sup>吒<sup>引</sup>你<sup>六</sup>波<sup>引</sup>哩<sup>引</sup>砌<sup>引</sup>

祇<sup>七</sup>引<sup>十</sup>悉<sup>引</sup>蜜<sup>引</sup>哩<sup>合</sup>底<sup>八</sup>十<sup>引</sup>悉<sup>引</sup>蜜<sup>引</sup>哩<sup>合</sup>三<sup>引</sup>底

散<sup>引</sup>提<sup>九</sup>阿<sup>引</sup>引<sup>引</sup>誡<sup>引</sup>蹉<sup>引</sup>憍<sup>引</sup>尸<sup>引</sup>迦<sup>引</sup>你<sup>引</sup>哩<sup>引</sup>唎

合<sup>二</sup>多<sup>引</sup>引<sup>二</sup>阿<sup>引</sup>蘇<sup>引</sup>羅<sup>引</sup>惹<sup>引</sup>場<sup>引</sup>底<sup>引</sup>祇<sup>引</sup>縛<sup>引</sup>引<sup>三</sup>

三<sup>引</sup>摩<sup>引</sup>踰<sup>引</sup>帝<sup>引</sup>阿<sup>引</sup>半<sup>引</sup>努<sup>引</sup>引<sup>二</sup>達<sup>引</sup>哩<sup>引</sup>摩

合<sup>二</sup>怛<sup>引</sup>哩<sup>引</sup>唎<sup>合</sup>二<sup>引</sup>覩<sup>引</sup>引<sup>引</sup>囉<sup>引</sup>摩<sup>引</sup>引<sup>四</sup>三<sup>引</sup>莎<sup>引</sup>悉

爹<sup>合</sup>二<sup>引</sup>野<sup>引</sup>曩<sup>引</sup>部<sup>引</sup>引<sup>多</sup>引<sup>引</sup>喃<sup>引</sup>引<sup>引</sup>摩<sup>引</sup>引<sup>引</sup>囉<sup>引</sup>义

引<sup>引</sup>達<sup>引</sup>哩<sup>引</sup>摩<sup>合</sup>左<sup>引</sup>引<sup>引</sup>哩<sup>引</sup>被<sup>引</sup>引<sup>二</sup>

海意如是秘密章句而能呼召帝釋  
天主有此正法之處來為作護及能  
攝護其說法師而彼法師應當以此  
秘密章句作持誦已繫淨身心依法

沐浴著新淨衣處師子座向於東方  
散擲妙花祈求諸佛願賜攝受於諸  
眾生起大悲念度想帝釋天主哀愍  
故來為我安布聽法之眾令其嚴肅  
復令此陀羅尼文句和合如是等事  
現前所作若彼法師內心清淨戒行  
潔白即能令其帝釋天主來為攝受  
安布眾會和合文句善作加護

尔時帝釋天主現在此會即從座起  
前白佛言如世尊勅於後末世若有  
法師而能受持此正法者我當往彼  
為其安布眾會和合文句而作加護  
又此正法所在之處為其攝受令法  
久住世尊又此正法於後末世我當  
為彼三十三天諸天子眾常廣宣說  
何以故今此正法即是過去未來現  
在諸佛世尊善提之法佛所讚故又  
復我於過去未來現在諸佛世尊善  
提之法起尊重已是我當說此正法  
尔時世尊讚帝釋天主言善哉善哉  
憍尸迦汝能作師子吼發如是言於  
後末世護持正法如汝所言應如是  
行又憍尸迦以此正法攝受力故能

海意菩薩經卷第十六 第三張

密字字

今諸天隨所願求常得最勝阿修羅  
眾威光退失

復次海意我今為汝宣說攝伏諸魔  
天眾秘密章句而此章句速能攝伏  
諸魔天眾來護正法

尔時世尊即說陀羅尼曰

怛訖<sup>切身</sup> 佗<sup>引一</sup> 設弥<sup>引二</sup> 設摩<sup>縛底</sup> 三  
設彌多設訖<sup>囉</sup> 四 盜酷<sup>哩</sup> 引五 給酷  
哩<sup>引六</sup> 摩<sup>引</sup> 囉<sup>吟帝</sup> 引七 葛囉<sup>引</sup> 賦<sup>引八</sup>

枳<sup>引</sup> 踰<sup>引</sup> 哩<sup>九</sup> 帝<sup>引</sup> 野<sup>縛底</sup> 十 烏路<sup>引</sup> 野  
你<sup>十一</sup> 尾設<sup>蛇</sup> 十二 你哩<sup>摩</sup> 二合 梨<sup>引</sup> 十 摩

羅<sup>引</sup> 鉢<sup>那</sup> 曳<sup>引</sup> 枯<sup>枯</sup> 哩<sup>引</sup> 五 珂<sup>誡</sup> 十六  
誡<sup>囉</sup> 二合 細<sup>引</sup> 誡<sup>囉</sup> 二合 薩<sup>泥</sup> 八 烏<sup>目</sup>

契<sup>引</sup> 鉢<sup>囉</sup> 引 目<sup>契</sup> 引 阿<sup>引</sup> 目<sup>契</sup> 引 二 設  
彌多<sup>引</sup> 你<sup>薩</sup> 哩<sup>縛</sup> 二合 誡<sup>囉</sup> 二合 賀<sup>滿</sup> 馱

那<sup>你</sup> 二 你<sup>屹</sup> 哩<sup>二</sup> 係<sup>引</sup> 多<sup>薩</sup> 哩<sup>縛</sup> 二  
波<sup>囉</sup> 鉢<sup>囉</sup> 二合 縛<sup>引</sup> 祢<sup>那</sup> 三 尾<sup>目</sup> 訖<sup>多</sup>

沒<sup>馱</sup> 母<sup>捺</sup> 囉<sup>二</sup> 合 引 塞<sup>佗</sup> 引 必<sup>多</sup> 引  
薩<sup>哩</sup> 縛<sup>二</sup> 合 引 賴<sup>六</sup> 蘇<sup>左</sup> 哩<sup>多</sup> 鉢<sup>哩</sup>

式<sup>報</sup> 切<sup>身</sup> 引 尾<sup>誡</sup> 踐<sup>親</sup> 薩<sup>哩</sup> 縛<sup>二</sup> 合 引 摩<sup>引</sup>

囉<sup>葛</sup> 哩<sup>摩</sup> 引 尼<sup>二</sup> 八  
海意如是秘密章句而能攝伏諸魔

海意菩薩經卷第十六 第四張

密字字

天眾復能消除一切煩惱彼說法師  
以此秘密章句作持誦已處于法座

普觀眾會悉住道場廣運無量大慈  
之心當於己身起鑿王想法如藥想  
於聽法眾起病人想於佛如來起正

士想法眼不失起久住想如是等事

以此秘密章句加持力故現前施作  
廣為一切如應說法是時周匝百由  
旬內諸魔天眾悉不能來作破壞事

設復諸魔至法會者亦復不能作諸  
障難

尔時諸魔天眾現在此會即從座起  
前白佛言世尊我今見此海意菩薩

大士以威神力加持我故置我於彼  
諸樂莊嚴世界之中世尊我今最初

已悉棄捨諸魔事業是故我等於此  
正法常當護持後末世中若城邑聚

落若僧坊中有人宣說此正法者我  
當往彼離諸慢心恭敬尊重專注聽受

尔時世尊讚諸魔言善哉善哉汝等  
諸魔而能尊重如是正法最先已捨

諸魔事業汝等今於如是法中有所  
獲得此由海意菩薩大士神力所致

海意菩薩經卷第十六 第五張

密字字

復次海意我今為汝宣說呼召娑婆  
界主大梵天王秘密章句而此章句

速能呼召大梵天王來法師所當為  
作護

尔時世尊即說陀羅尼曰

怛訖<sup>切身</sup> 佗<sup>引一</sup> 昧<sup>怛</sup> 囉<sup>野</sup> 引二 哥<sup>引</sup> 哩<sup>引</sup>  
葛魯<sup>擊</sup> 引 哥<sup>引</sup> 哩<sup>引</sup> 三 母<sup>祢</sup> 多<sup>引</sup> 哥<sup>引</sup>  
哩<sup>引</sup> 四 烏<sup>閉</sup> 引 义<sup>引</sup> 哥<sup>引</sup> 哩<sup>引</sup> 五 沒<sup>馱</sup> 引  
哥<sup>引</sup> 哩<sup>引</sup> 六 達<sup>哩</sup> 摩<sup>引</sup> 二合 哥<sup>引</sup> 哩<sup>引</sup> 七 僧  
加<sup>引</sup> 哥<sup>引</sup> 哩<sup>引</sup> 八 蘇<sup>訖</sup> 哩<sup>二</sup> 合 多<sup>尾</sup> 左<sup>曳</sup>

九 摩<sup>賀</sup> 引 尾<sup>多</sup> 引 泥<sup>引</sup> 十 你<sup>瑟</sup> 波<sup>二</sup> 合 哩<sup>引</sup>  
那<sup>祇</sup> 引 十 烏<sup>惹</sup> 鉢<sup>底</sup> 引 十二 烏<sup>儒</sup> 切<sup>誡</sup> 彌<sup>引</sup> 七  
達<sup>哩</sup> 摩<sup>二</sup> 合 那<sup>捺</sup> 你<sup>引</sup> 高<sup>薩</sup> 爹<sup>鉢</sup> 囉<sup>二</sup> 合 底

瑟<sup>蛇</sup> 引 二 合 那<sup>十五</sup> 烏<sup>波</sup> 鉢<sup>底</sup> 尾<sup>式</sup> 提<sup>引</sup> 十 莎  
唧<sup>覩</sup> 鉢<sup>設</sup> 彌<sup>引</sup> 七 咩<sup>縛</sup> 路<sup>引</sup> 葛<sup>野</sup> 沒<sup>囉</sup> 二  
賀<sup>摩</sup> 二合 末<sup>踰</sup> 引 二 底<sup>瑟</sup> 蛇<sup>引</sup> 十八 三<sup>摩</sup> 引 地

阿<sup>引</sup> 吠<sup>引</sup> 义<sup>引</sup> 十九 達<sup>哩</sup> 摩<sup>二</sup> 合 左<sup>囉</sup> 敲<sup>酷</sup>  
嚕<sup>二</sup> 薩<sup>達</sup> 哩<sup>摩</sup> 二合 波<sup>哩</sup> 誡<sup>囉</sup> 二合 欣  
訖<sup>哩</sup> 二合 多<sup>摩</sup> 釋<sup>播</sup> 引 羅<sup>野</sup> 引 二 沒<sup>馱</sup> 泥

帝<sup>零</sup> 二合 摩<sup>引</sup> 咩<sup>縛</sup> 親<sup>那</sup> 引 二 娑<sup>摩</sup> 二合  
囉<sup>多</sup> 達<sup>哩</sup> 摩<sup>二</sup> 合 作<sup>葛</sup> 囉<sup>二</sup> 合 鉢<sup>囉</sup> 二合

縛<sup>哩</sup> 多<sup>二</sup> 合 喃<sup>酷</sup> 嚕<sup>引</sup> 三 薩<sup>埵</sup> 引 尾<sup>輸</sup> 引  
達<sup>喃</sup> 鉢<sup>囉</sup> 二合 底<sup>屹</sup> 哩<sup>二</sup> 合 賀<sup>引</sup> 引 擊<sup>引</sup> 二十

達<sup>喃</sup> 鉢<sup>囉</sup> 二合 底<sup>屹</sup> 哩<sup>二</sup> 合 賀<sup>引</sup> 引 擊<sup>引</sup> 二十

達<sup>喃</sup> 鉢<sup>囉</sup> 二合 底<sup>屹</sup> 哩<sup>二</sup> 合 賀<sup>引</sup> 引 擊<sup>引</sup> 二十

達哩摩二合 那誡囉播引 羅引權引 沒

馱引 提瑟陀二合 喃摩引 尾訖引 鉢野二合

海意如是秘密章句而能呼召大梵

天王其說法師以此秘密章句作持

誦已應當依止梵行住無礙心隱密

諸根善護諸念所言決定於其身業

善令清淨於其語業真實攝護善因

心慧善修忍行善淨戒益善發精進

之力善持多聞諦善觀想令心調暢

極利慧根善修正行善護菩提心善

修慈觀安立大悲普令眾生畢竟解

脫一切苦惱普令眾生獲得妙樂其

說法師起是心已當處師子之座祈

求大梵天王願垂攝受然後如應為

佗說法即時大梵天王與諸梵眾來

法師所而為護持又復海意其說法

師應當覺知大梵天王至法會時有

諸善相所謂一切眾會咸起慈心或

復眾會諸根無缺或復互相安住善

提法中或復愛樂法及法師起尊重

想或離諸染汗或專注一心離散亂

意或復繫念於諸善法或攝斂諸念

止絕外聞諦意聽法或於法師所昔

未曾說昔未曾聞諸妙法門聞已能

說若有如是等諸相現時當知即是大

梵天王來至法會

今時大梵天王現在此會即從座起

前白佛言世尊在在處處若有有人

宣說如是甚深正法者我若梵眾雖

有無量禪定之樂悉能棄置即當往

彼說法師所為作加護世尊加護之

法有其八種何等為八一者加護其念

令彼如所聞法而不忘失二者加護

其慧令彼於甚深法不相違背

三者加護其行令彼於我皆悉解了

四者加護辯才令彼斷諸疑惑五者

加護記說令彼一切語言音聲聞者皆

喜六者加護化度之法令彼超越一切

眾會七者加護現法光明令無暗鈍

八者加護得出離門令其依法修證

世尊我以如是八法善作加護其說

法師而復我等於法師所密常營

衛令法久住諸魔怨諍咸悉除滅此

等皆是如來威神之所建立令其正

法廣大流布

今時海意菩薩復白佛言世尊今此

正法惟願世尊威神建立使令久住

於佛如來入涅槃後末世之中若有

深種善根諸眾生等令得如是甚深

經典受於手中或安篋筒展轉流布

令不隱沒

今時世尊受海意菩薩伸勸請已即

於眉間放眾色光其光徧照此三千

大千世界廣大明耀而此三千大千

世界之中一切藥草樹林砂石如是

種類榮光照觸皆悉變成如來形像

所變之像皆於大寶莊嚴道場之中

而為供養以佛威神所建立故其所

變化如來之像即時各各異口同音

作如是言世尊釋迦牟尼如來威神

建立此正法故即彼十方一切如來

亦以威神共所建立若彼諸佛威神

建立故即彼諸魔不能作其障難世

尊正使魔眾其數猶如瓦沙等威

勢增強盡其勇力畢竟不能於此正

法而興難事所以者何假使大池分

裂破壞一切大海而悉枯涸諸須彌

山碎若微塵風可繫縛日月墜地空

現色像火中得水水中得火四大種

海意菩薩經卷第十八 第九頌 宋字

中各有異性一切衆生而同一心虛  
空與地二事相合假使若有如是等  
事而亦不能於佛如來加持力中而  
有少法可動可轉

尔時世尊即舉右手置於尊者阿難  
頂上而告之言阿難汝當受持此之  
正法於後末世廣宣流布令得受持  
讀誦演說使佛正法久住世間

尔時海意菩薩白佛言世尊見何義  
故乃以如是甚深正法付囑阿難  
獨而阿難者具分限智此會中有諸  
大菩薩念慧深廣猶如大海莫知淵  
際此諸菩薩不付囑邪佛言海意非  
彼阿難已之慧力而能受持如是正  
法皆由如來威神建立汝今當知於  
後末世有諸衆生於阿難所聽受如  
是甚深正法聞已信樂生大歡喜發  
希有心應作是言皆是如來不可思  
議威神建立聲聞之人乃能如是受  
持甚深廣大經典此即如來威神加  
持力故時衆會中或有天人作是思  
念彼海意菩薩念摠持力豈有間邪  
何故世尊但說阿難多聞第一

海意菩薩經卷第十八 第十頌 宋字

尔時尊者大迦葉知衆有疑觀察大  
會前白佛言世尊海意菩薩念摠持  
力豈有間邪何故世尊但說阿難多  
聞第一佛言迦葉假使疏伽沙數等  
佛刹土中攝聚衆生皆悉徧滿於汝  
意云何彼衆生界寧為多不迦葉白  
佛言甚多世尊甚多善逝佛言迦葉  
正使如是諸衆生等無前無後一時  
皆得人身一一皆具念摠持力悉與  
尊者阿難等無有異若以如上諸衆  
生等念摠持力比海意菩薩念摠持  
力百分不及一乃至烏波尼殺曇分  
亦不及一迦葉此海意菩薩能以十  
方諸佛世尊所說之法皆悉任持而  
無障礙非於一佛二佛所說之法無  
障礙故譬如天雨入大海中非但容  
受一滂二滂而無障礙乃至容受一  
切雨滂悉無障礙而彼大海不增不  
減海意菩薩亦復如是悉能任持諸  
佛世尊所說之法皆無障礙非於一  
佛二佛所說之法無障礙故而是菩  
薩念摠持力亦無增減說是法時會  
中有八千衆生發阿耨多羅三藐三

海意菩薩經卷第十八 第十一頌 宋字

善提心咸作是言我等當願各得念  
摠持力如海意菩薩  
尔時會中諸天及人各以妙花向佛  
世尊及海意菩薩散擲供養於是會  
中有一菩薩名蓮花莊嚴前白佛言  
世尊若善男子善女人於此甚深法  
門聞已信解受持讀誦如理伺察依  
法修行者是人得幾數福

尔時世尊即說伽陀答蓮花莊嚴菩  
薩曰

正使大千世界中 徧滿真金用施佛  
聞是法藏信解時 此福比前為最勝  
正使十千世界中 滿中珍寶施如來  
若能持讀此深經 其福比前不可數  
又若十千世界中 滿中珍寶廣行施  
若能宣說此深經 其福勝前不可數  
正使千俱胝刹土 廣積珍寶滿其中  
普施諸佛世間尊 修行此法勝於彼  
十方疏伽沙數量 寶嚴佛刹施如來  
此法真實修學時 其福比前不可數  
四種法具無邊福 佛亦不能說邊際  
發善提心并護法 起大悲及修法行  
四種法具無量福 智者聞已不生疑



作「海意菩薩所問淨印法門經卷第十八」；徑、清作「海意菩薩所問淨印法門經卷第九」。